




**БИБЛИОТЕКА**  
*Холмской Семинарии*

<i>Сочинения</i>	<b>Число</b>	<i>3077</i>
<i>Книги</i>		<i>6857</i>
<i>Шкафа</i>		<i>18</i>
<i>Полки</i>		<i>13</i>



**585741 I**

**Mag. St. Dr.**

35/17

Zand Liki prof.

12,000.

*liber in scriptis Catalogo Librorum  
Ratis. Bozleski Abb. Ploc. & S. Petri ibid.*

B E N E D I C T I  
A  
S A N C T O I O S E P H  
*Scholarum Piarum*  
L Y R I C O R V M  
L I B R I I V.  
&  
E P O D O N  
L I B E R V N V S.  
ILLVSTRISSIMO DOMINO,  
D. S T A N I S L A O  
A N T O N I O  
S Z C Z V K A  
R E G N I R E F E R E N D A R I O.  
L V B L I N E N S I, V A R E G E N S I, & C. & C.  
C A P I T A N E O,  
D E D I C A T I.

V A R S A V I Æ.  
Typis Regijs Collegij Schol. Piarum  
Anno Domini 1694.

*Ex Museo Stanislai Bozleski Abb.  
tis Plocen. Canci Gnesen et Vlad. S. RM Sny*

IN GENTILITIA RASTRA  
Vetustissimæ SZCZVKOVIORŭ Domus.



Laurea Sarmatico messis succrevit in Agro,  
Quem Rastro coluit Szczukoviana Domus.  
Scipio Marschalli crevit, crevère curule,  
Lucia dū Patrig RASTRA teneret Honor.  
Et noster Lechico vireat quod Pindus in  
orbe,  
Excultus Raltris, RASTRA coronat ager.

*Dubl. 109.*

8. 2. 1987. K. 63/120 (120)



ILLVSTRISSIMO  
DOMINO  
D. STANISLAO  
ANTONIO  
SZCZVKA,  
REGNI REFERENDARIO,  
Lublinensi, Varecensi,  
&c &c.  
CAPITANEO.

*NON alium Musis meis  
Parnasum quærerere vo-  
lui, quàm tergeminos Tuos*  
) ( 2 Col-

585741  
I

Colles ; non ab alio rude coli  
ingenium, quàm à Tuo RA-  
STRO. Felicitas scribentis  
est, in eum incidisse Patro-  
num, qui Musas nōsti, &  
æstimas. Vilescunt aliàs diti-  
oribus pulcherrime Virgines,  
& multis nihil citiùs respectui  
habetur, quàm earum erudi-  
tio. Sed hoc non intelligenti-  
um vitium est ; æstimat, qui  
verè intelligit. Felices Ho-  
ratij, quoties in Augustos in-  
cidunt. Benè Homeris cum  
Alexandro, quia intelligun-  
tur. Benè Claudianis cum  
Ho-



Honorio, quia pensantur. Optime Sarbievio, quia à prima post DEVM in terris potestate suspicitur. Mihi similia patrocinia querenti, non alius Mæcenas electus, quàm Tu REFERENDARIE REGNI ILLUSTRIS-SIME. Qualiscunq; lucubratio est, non aliter Orbi referripotest, quàm per REGNI REFERENDARIUM: non aliter iudicari, quàm à Lublinensis Urbis CAPITANEO, quæ Tribunalitijs iudicijs est sedes. Areopago hoc

contentor, nec ad Cæsaris iudicium provoco, satis ad Cæsaris, satis ad omnium notitiam venio, si per Te referor. Sed quorsum hæc? abeant literæ, si nomen tantum & fama queritur. Lyrica mea quid **ILLVSTRISSIMO** Nomini Tuo dedico, non aliqua gloriæ licitatio est, sed debite gratitudinis exsolutio. Scio, quid Tibi, scio, quid **SZCZVCIANO** Sanguini cum Scholis Pijis debeam. **ILLVSTRISSIMO CASIMIRO SZCZVKA** à vigin-

ginti & amplius annis, ex de-  
lectis inventutis Oratoricæ, &  
ignorantijs adolescentiæ Pœ-  
tica innotui; admovit pecto-  
ri meam ingenij teneritudi-  
nem, & Infula Cracoviensis  
quod viderit lucem, MAŁA-  
CHOVIANO sumptui, ac  
SZCZVCIANO svasui de-  
bet. Maximus ut virtutis, sic  
& literarum amator, ubi me  
Lyrica moliri intellexit, ad  
Te dirigebat, non Domui suæ  
aliquam quærens famam, sed  
labori meo patrociniū. Dum  
venio ad finem operis, ille oc-  
cum-

cumbit, quo Patrie, & meo  
dolore! nemo intelligit, nisi  
qui penetrat Patriæ lachry-  
mas deflentis optimum Civem,  
& Clientis, potissimum Pa-  
tronum. Quicumq; tanti Viri  
æstimator, nemo non ingemu-  
it, cum Regnator etiam Thro-  
nus indoluerit. Adeoq; defun-  
cto illo tacuisset Lyra mea, ni-  
si Tibi fuisset destinata. Non  
enim extinguitur SZCZV-  
KOVIANA in Scholas Pias  
propensio, ubi CASMIRI-  
ANI in nos affectus apud Te  
executio. Feci, quantum à  
me

me SZCZVKOVIORVM  
veneratio expectare potuit.  
Non descendi in Maiorum  
Tuorum Illustrissimas Ceras,  
quia satis Tibi è Luciorum  
Romanis olim imperante San-  
guine prodijse. Legat Bohe-  
micos, Polonicos, Russicos an-  
nales quilibet, & deprehen-  
det SZCZVKOVIORVM  
Nomina affinitatibus clarissi-  
ma, ad quas Ducum etiam in  
Russia & alibi regnantium  
Nobilissime Familiæ accessere.  
Mibi sufficit demonstrasse,  
quis es. IOANNI III  
pro-

probari, os Principis esse, Ma-  
reschalcalem in Comitij Sci-  
pionem direxisse, Cataphra-  
ctam Legionem notabili sum-  
ptu tenere, ad actum præstan-  
di homagij Prussia Serenissi-  
mo Regi IOANNI III. &  
Serenissimo Electori Brande-  
burgico FRIDERICO III.  
cum LV BOMIRSCIO Le-  
gatum Magnum, ad Augusta  
Serenissime TERESIÆ  
cum BAVARO tractanda  
connubij federa Commissa-  
rium extitisse, deniq. Maximi  
REGIS cor effici, & amplif-  
si-

simis destinari honoribus suffi-  
ciens plectro occupatio. CA-  
SIMIRVM Culmensibus  
admotum Infulis, VENCE-  
SLAVM Officialis Regni  
honoratum Fascibus, RA-  
STRA Vestra in alijs  
SZCZVKOVIIIS nunquam  
otiarum, hoc mihi decantare  
propositum: non quia meritis  
Vetustissimæ Domus ultimus  
is applaudendi finis, sed quia  
testudo mea amplius proserpe-  
re non potuit. Et hæc est in  
Lyricis meis frequentissima  
materia. Quid ad aliorum  
lau-

laudes descendi, nulli sunt, nisi  
aut Tui Patroni, aut amici,  
aut clientes. Si aliquorum  
necdum notitiam habes, stu-  
dium; ut essent Tui. Tibi de-  
bebunt, si in aliquam orbem no-  
titiam per me venient. Inte-  
rea quia SZCZVKOVIA-  
NO, quia Tuo Scholae Piæ  
obligantur Nomini, per me ex  
illis minimum obligatio exsol-  
vitur. Satis illis, satis mihi  
erit, si eodem quo CASIMI-  
RVS SZCZVKA prosequeris  
affectu. Ego verò non hic

tan-



*tantum, sed ubiq; perpetuum  
me Tui, & SZCZVKOVI-  
ANI Nominis testabor cul-  
torem.*

ILLVSTRISSIMO  
NOMINI TVO,

*Devinctissimus Servus*

BENEDICTVS à S. IOSEPH,  
Scholarum Piarum.

(S)(+)(S)

*Ad Amicum*  
LECTOREM.

**I**Terum ad illud tribunal  
venio, ubi non aliud ju-  
dicium, nisi censeri. Quod  
Cracoviensi Infulæ time-  
bam, hoc & præsentibus  
Lyricis. Utinam tamen in  
his propitiû ita habeam Le-  
ctorem, sicut hætenus. Ly-  
ricorum libri sunt quatuor,  
& Epodon liber unus, non  
quòd ad æmulationem Ho-  
ratij, aut magni illius Sar-  
bie-

bievij descendere volue-  
rim, sed quia sequi cona-  
bar. Quàm longe sim ab  
illius Sarmatici Phæbi lau-  
de, nemo mihi exprobret,  
ipse fateor. Tam sublime  
ferri nolui, quia nec tenui-  
tas mea potuit. Non in  
Vaticano, non in Septicol-  
li Vrbe scripsi: qui me &  
meas distractiones novit,  
mirabitur non scripsisse  
tantùm, sed & attentâsse.  
Si ad illud Pœticæ publi-  
mitatis fastigium non a-  
scendi, non est unde argu-  
ar.

ar. Afsequibilis esse malui,  
quàm investigabiliter cur-  
rens. Sed cum Lyrica mea  
aliquot exemplaribus in lu-  
cem editis censuræ subijcio,  
ecce notor, Oratoriè ma-  
gis perorare, quam Poeti-  
ce canere. Ita est : ex Ora-  
tore factus sum Poeta, ex  
Poeta Orator: & id ut o-  
stenderem Scholasticæ Iu-  
ventuti, posse hæc omnia  
fieri, si sedulitas & docili-  
tas accesserit. Bonus &  
verus Magister ita erudit  
juvenes, ut omnibus porri-  
gat

gat viam, nec suam laudem  
quærat, sed cæterorum pro-  
fectum. Novi me Paupe-  
rum Matris DEI Religio-  
sum, novi á primis elemen-  
tis erudiendam suscepisse  
Iuventutem: Scholarum no-  
strarum Tyrocinio cam-  
pum aperio, & non per ly-  
tostrota, sed per viam pla-  
nam duco ad illud Parnassi  
cacumen. In hoc si non  
perfecti viri, saltim primò  
Poetica castra sequentes  
gratias agent. In libro E-  
podon fortasse laxior fui,  
quam

quàm ipsum nomen requirit ; Resumpsi frequentius illud Carminum genus, quod legentium oculi, five audientium aures libentius accipiunt, sperans veniam, cum in hoc alij etiam Poetæ sibi indulserent. Quod protractior in eodem Epodon libro extiterim, respectus & amicæ monitiones fecerunt. Mens mihi fuit ethicis, & politicis immorari, sed quia aut majorum veneratio, aut parium amor, honorificam sui exeg-

ge-


gère mentionem , ab illo  
sententiarum pondere sub-  
inde deflexi, ne vel primo-  
rum cultui , vel postero-  
rum deessem affectui. Ita  
tamen, ut, ubi se materia  
obtulit, non defuerim ma-  
turiorens sensibus, eligens,  
rem non verba loqui. Sine  
livore, sine æmulatione  
prodeo in publicum, nec  
detractum eo alienis inge-  
nijs, ut meum attollam.  
Pro modulo meo literarum  
famæ accumulo, non quòd  
aliquid á me literis accede-  
re.

re præsumptuosè existi-  
mem, sed ut aliquid addam  
huic fonti, ex quo hausi.  
In publicam popularemq;  
viam omnes semitæ con-  
veniunt, scribentium quoq;  
stipes in humani generis  
ærarium. Vale amice Le-  
ctor, & imbecillitati Au-  
thoris ignosce.



FA





F A C V L T A S  
R. P. PROVINCIALIS.

**D**atâ mihi potestate ab Admod.  
Reverend. Patre Nostro IOANNE  
FRANCISCO à S. Petro Præposito  
Generali Typis edi permitto libros  
4. Odarum, & Epodon Librum unum,  
quos P. BENEDICTVS à S. Ioseph  
conscriptit, quosq; Patres Religionis  
nostræ Theologi, quibus id commis-  
sum fuerat, prævio Superiorum per-  
missu, censuerunt & approbârunt.  
Eam in rem subscribo, & signo. Var-  
saviæ, die 21. Martij, Anno 1694.

VINCENTIVS à S. Ioseph  
Præpositus Provincialis

*mpp.*

IGNATIVS à S. Stanislao Assi-  
stens & Secret. Provincialis

*mpp.*

150

APPROBATIO  
ILLVSTRISSIMI  
Loci Ordinarij.

**A**Ntiqvi & proximi sæculi  
egregiam in Lyricis amula-  
tionem bonis moribus conveni-  
entem & luce dignam repertam,  
Admodum Reverendi Patris BE-  
NEDICTI à S. Iosepho Schola-  
rum Piarum, autoritate Ordini-  
ariâ probamus, & prælo dari  
censemus.

STANISLAVS  
Episcopus Posnanien-  
tis & Varfaviensis.

Pub

In

PE  
C  
Tu

Aur  
Et  
Tu

Qu  
Pet  
Lec

Si q  
Lan

*Bibliotheca Chetnensis Scholarum Piarum*  
S\*H\*S\* *recensit ann. 1730*

B E N E D I C T I

à Sancto

I O S E P H

Scholarum Piarum:

L Y R I C O R U M

L I B E R P R I M U S.

M A R I Æ D E G R A T I I S.

*In Varsaviensi Scholarum Piarum Basi-*  
*lica favoribus illustri.*

O D E I.

P R I S T I N A S nolo Charites, recenti  
G r a t i a s n o l o v e t e r e s o p e l l æ,  
T u m i h i V i r g o s i n e l a b e t a c t i s

G r a t i a p l e c t r i s.

A u r e u m P h æ b u s l i c e t a d d a t a r c u m,  
E t p h æ r e t r a t i s f a m u l e t u r a r m i s,  
T u m i h i f r a c t i s p o t i o r V i r a g o

M a g n a S a g i t t i s.

Q u æ F a v e n t i n a f u e r a s i n u r b e  
P e t i l i s q u o n d a m d o m i t r i x f u r o r i s,  
L e c h i c o q u æ n u n c e a d e m P a t r o n a  
N o s c e r i s o r b i.

S i q u i s i g n a v è f u e r i t j a c e n t i  
L a n g v o r, a u t t o r p e n s h e b e t u d o m e n t i,

A

Lan-

2 BENEDICTI à S. IOSEPH

Langvidam cura, residuq; firmas  
Adijee vires.

Me Mariani meminisse nôris  
Interim cultûs, faciamq; ,mecum  
Vt Tuis supplex aliquando penna  
Accidat aris.

Tunc palam fiet, quia sæcularis  
Finiam postquam celestina Musæ,  
Ad Tuas exnunc operosa vertam  
Carbasa laudes.

A D

ANDREAM OLSZOVIVM  
Regni olim Procancellarium,  
Postea Archiepiscopum Gnesnensem.  
Dum Viennam missus

MICHAELI I. Poloniarum Regi  
ELEONORAM Austriacam throni &  
thori sociam deduceret.

O D E II.

PROh! quanta demum vecta per exteros  
Discurrit orbes fama! perambulat  
Quantus maritatas Polonis  
Austriacas Aquilis Alaudas  
Canitq; rumor. Qvalis ibi Lecho

Sur-

LYRICORUM LIBER I.

3

Surgit mariti gloria Stemmatis,  
 Dum bina Majestas in unum  
 Ducta thorum generis paternos  
 Permiscet ignes, miscet imagines  
 Ceras avitas orbis & Imperi,  
 Urbesq; distentosq; campos  
 Vnanimi socians catenâ.  
 Tu, tu ille tantis nominibus novâ  
 Præful refulges luce, Prometheus  
 Tu, tu reluxisti coruscis  
 Sarmatico super axe flammis,  
 Legate nuper connubialibus  
 Electe tædis. fœdera Principum  
 Rhensq; Vandalusq;, festos  
 Lætus Hymen tibi debet ignes.

PÆAN LECHICVS

*Fuso ad Chocimū copiosissimo Turcarum  
 Exercitu, anno Domini 1673.*

O D E III.

TAndem feroces ponere Bosphorum  
 Minas cõégit Lechus, & ultimâ  
 Damnavit eclipsi superbam  
 Sarmatiæ gravis ira Lunam,  
 Lunæq; cornu. Credite Posterî  
 Despectiori Bistonas exitu

A 2

Fi-

4 BENEDICTI à S. IOSEPH  
Finisse nunquam, Chocimensem.  
Quàm miserè referendo cladem.  
Sed inde nostro quæ nova Nomini -  
Theatra prostant, quæ satis horridos  
Luctata per campos perennis  
Non recipit monumenta famæ  
Heroa pubes ! surgite Sarmatæ,  
Et Martiarum roborâ mentium  
Nunquam recessuri decoris  
Perpetuâ redimite lauro.  
Victor Polonus Strymonia abnuens  
Cessisse Lunæ, jam domitum super  
Triumphat astrum, jam triumphat  
Moldavica super arua terræ.  
Proh! quanta Lechum fulmina Carpathum,  
Quanta ac alumnam Martis in Alitem  
Educta miluorum caterva  
Vulnificis inimica rostris.  
Hinc castra vallum muniit hostica,  
Præceps bicorni hinc amne Tyras : locus  
Invitat ad ferrum, & futuros  
Ipse situs reputat triumphos.  
Sed nec vetustâ deses in indole  
Lechus, COMARNIVel NIEMIEROviæ  
Memor, CALVSIACÆQVE tabo  
Vt Getico maduère valles,  
Vt Sylva palmam pro ilicibus dedit,

Ad

LYRIGORUM LIBER I.

5

Ad arma summo provolat impetu  
 Infractus, & Thraces flagranti  
 Elicit intrepidus duello.  
 Ipse, ipse primas Sarmaticus præit  
 Atlas cohortes, atq; SOBIESCIIS  
 Prognatus Alcides Gradivis  
 Ante equitum peditumq; turmas  
 Avos priores atq; Atavos suo  
 Reducit exemplo, armaq; pro fide  
 Pro Patria, & quidquid paternas  
 Inter habent melioris oras,  
 Moverè svadet. stridula classici  
 Vox stringit aures, tum litui, fero  
 Tum concha bombo, clariori  
 Tum crepitans tuba clangit ære.  
 Clamor sub ipsum tollitur æthera,  
 Plausuq; mixtus membra quatit pavor,  
 Et bella miles, & frementes  
 Quadrupedans equus hinnit iras.  
 Iam tela strident, evolat alitis  
 Iam grando ferri, fertur in arduam  
 Vtrinq; Mars fervens arenam,  
 Et rigidos micat inter enses.  
 Horrendioris donec ahenea  
 Hinc inde nubes crescere pulveris  
 Cæpisset, ac à sulphurato  
 Multus ager micuisset æstu.

A3

Et

**BENEDICTI à S. I SEPH.**  
 Et fluctuavit sanguineæ satis  
 Bellona pugnae, nec leviter duas  
 Nutabat huc & huc per horas  
 Ambiguè agitata pennis  
 Fortuna belli, donec in aggerem  
 Multo levatum cespite Lechicus  
 Ascendit heros, ac in hostem  
 Fraxineâ gravis ivit hastâ.  
 Hic jam cadentium quas ego Bistonum  
 Prospecto strages? quæ Marathonios  
 Ruina per campos, & ipsos  
 Quæ facies manet inter hostes:  
 Et quanta diffusa inter aheneam  
 Nubis procellam fulgura Achaicis  
 Parantur arvis, sive promptè  
 Intrepidus **MOTOVIDLO Thressiam**  
 Petat phalangem, sive **PISARSCIUS**  
 In non tacendi pectora militis  
 Excurrat, & fundat cruenta  
 Egregiam super arma vitam.  
 Sêu major ipso, major ab Hectore,  
 Et Patre magno filius haud minor  
**SIENIAVIUS, ZELECCIANIS**  
 Castra petat stimulatus actis.  
 Vbiq; fortes non modicus furor  
 Exercet iras, undiq; Norici  
 Instant mucrones, & revulsis

Tur-

Hen  
PAC  
D

Et t  
Suff  
T

De  
De  
I

Acc  
PO  
I

Au  
Sol  
S

Do  
Lu

Ta  
Et



LYRICORUM LIBER I. 7

Turget ager tegiturq; truncis.  
 Hem ! quale munus gloria Littavæ  
 PAC magna gentis , quale per improbum  
 Decus redorditur Gelonum ,  
 Ædonios ubi solus ignes ,  
 Et tela, & arcus, & gravium manus  
 Suffert Cydonum ? quanta vel indolis  
 Trophæa VISNIOVIECIANÆ ,  
 Quæ intrepidi data scena cordis,  
 Dextræq; virtus ? hîc alacres Lechus  
 Depromit enses , corpora barbaris  
 Lituanus hic opponit armis ,  
 Et geminas calor unus alas  
 Accendit; ô ! quos non stimulos habes  
 POTOCIANÆ grandę decus Crucis,  
 Invicte Felix, cûi Ducalem  
 Mars Lechicus dedit ultrò Clavam,  
 Auditis ! imo posteritas sciat ,  
 Solus vibrantis spicula Concani  
 Subiuit, & Parthos volantes  
 Pressit equo, Cilicumq; peltas,  
 Donec Polonus miles ad impigrè  
 Luctantem Achillem venit , & hostica  
 In Troia hiantem militaris  
 Subsidijs animavit ardor.  
 Tanti caloris fuscitat æmulos  
 Et Frater ignes, quando per asperos

**S**            **BENEDICTI à S. IOSEPH**  
 Hæmicq; Cimbrorumq; tractus  
 Invehitur, celeriq; voluit  
 Bacra ipsa motu. hē! qui à LUBOMirschio  
 Non turbo ponto! quantus in ægide  
 Discurret heros! quantus iplo  
 Mars residet generosus ore.  
 Vidit paternam Bosphorus indolem,  
 Et sensit Ister, dum bene tortili  
 Instructus hastâ, , vel fugatum  
**HIERONYMUS** premit unus agmen,  
 Vel irremissis totus in icibus  
 Suos in atræ pectore Tauricæ  
 Demergit enses, & paventes  
 Sternit Othomanidūm cateruas.  
 Mirata Classē tunc de **OPALENIÆ**  
 Prodisse puppi fama Liburnicæ.  
 Et **IABLONOVII** Leonē  
 Rossiaco tremefactus ipse  
 Subhæsit Hæmus. **LESZCZYNIUS** neq;  
 Quieuit Vrus. Turris eburnæ  
 Fuit **GRIMULTOVĭ** nitentes  
 Cui clypei galeæq; mille  
 Hinc inde pendent. **GRUDZINII** Pharus  
 Ostendit ignem, **DANIELOVICII**  
 Quam prompta muniuit Sagitta,  
 Et Tanai Leopardus olim  
**FIRLEI** timendus, **CZARNEGIUS** quoq;  
                                         **Quem**

LYRICORUM LIBER I.

9

Quem Dana norunt æquora Sueticis  
Tentata lembis, transmarino

Non modicè tremefacta vento.

Nec POLANOVI desierat tua  
Tonare virtus, BIDZINII excubans

Quid dextra possit, scimus, & quid  
MATCZYNII soleatus Ales.

Non molle lignum, non aries leuis,  
Sed firma belli machina, Martius

URBANSCII stipes, qui in amplas  
Et viret, & viruit coronas.

Et sic aperto pectore Lechica

It fortitudo, sic Dolopes suas

Portant ruinas, sic in ipsis

Fata vident, subeuntq; fossis:

Sic præliares inter anhelitus

Luæatur acer Sarmata, Bistonum

Cæpere sic tandem repressæ

Non leviter trepidare Lunæ.

Talis frementes cum Notus excitat

Iratas alas, piniferas manet

Ruina sylvas, & furenti

Nunc sterilis cadit ornus Euro

Concussa, celsas nunc petit ilices

Nimbosus Auster, nunc Boreæ flabris

Collisa succumbit cupressus,

Nunc validæ cecidère quercus.

10            **BENEDICTI à S. IOSEPH**  
 Hic verò flentis, quas ego lacrymas  
 Specto Tyranni ? dum capitis minor  
     Videt fatiscentes cohortes,  
     Fusa videt trepidare signa.  
 Inerte Biston fulmineum manu  
 Ne tange pardum; non famulæ Iovis,  
     Fulmenq; portanti minores  
     Convenient aquilæ columbi,  
 Suspirat. instat victor atrocibus  
 At Lechus armis, & trepidum pecus  
     Trudit, nec imbelles resumpto  
     Bella finit renovare Marte.  
 Ergò futuri nominis immemor  
 Dat terga victus Massagetes, vagum  
     Istrumq; consulit, volucres  
     Ergò recens timor addit alas.  
 Sed quid Polonos luderet ordines,  
 Pulchrè furentem quidvè ferociam  
     Vitaret ? obvium recedens  
     Rursus habet Geta **RADIVILUM.**  
 Quare resumptis hîc iterum minis  
 Depræliantùm iurgia gentium  
     Moventur, ac utrinq; fervens  
     Sanguineas agit ira cædes.  
 In tela, in enses, impavidum tenet  
 Pectus **RADIVIL**, cujus ab indito  
     Thrax unus ictu, muricato

Afly-

Assyriè trabeatus ostro  
 Letho propinquat : mox SAPIEHÆ, novo  
 Mox tota nifu signa fugacibus  
 Instant maniplis, quisq; stricto  
 In profugos rapiturq; ferro.  
 Fregit superbæ cornua Cynthiae  
 Et DOLSCIANÆ nervus arundinis,  
 Visusq; non feris, sed ipsi  
 Indubium dare vulnus hosti.  
 Fuere plures, quos vel amor fagi,  
 Vel palma movit, quos Sonipes suo  
 Lituanus hinnitu erudivit  
 Intrepidus glomerare cursus.  
 Tum cessit Ædon, nec tulit impetum  
 Prostratus hostis, qui modo Lechica  
 Virtute fufus decolorès  
 Ponit humi moribundus artus.  
 Vel in profundi flumina Nerei  
 Præceps, avari gurgite vorticis  
 Absorptus effudit molestam  
 In stygias animam charybdes.  
 O! quos acervos non tenet ossium  
 Cruenta tellus! sanguine fervido  
 Quæ stagna non undantur! Ister  
 Quam solidum tenet ipse pontem  
 E Barbarorum mole cadaverum.  
 Ter dena fudit millia Thracici

Polonus hostis, præliarem  
 Vix aliquo fugiente mortem.  
 Io ! triumphe ! Threijcij canes  
 Sui minores, Sarmatico gemunt  
 Mucrone strati, noſter unos  
 Victor ovans agit io ! plauſus.  
 Io ! triumphe ! Thrax ubi propria  
 Stativa nuper fixerat ; hinc pius  
 Dux figit aras, Chriſtianus  
 Et ſuperos veneratur Heſtor.  
 Io ! triumphans Leche per integrum  
 Incede mundum ; nec tua barbarum  
 Per regna permittas Tyrannum  
 Fædiſrago remeare curſu.

## O D E IV.

*Omnis mundi voluptas tandem ſuæ  
 nauſeam creat.*

Quid iuvat vaſtas aluiſſe mentes  
 Pingvibus mundi dapibus ? profuſæ  
 Quidvè Fortunæ ? ſi epulas voraci  
 Mandimus ore.  
 Nulla tam mundi placuit voluptas,  
 Nulla Fortunæ : nimio frequentèr  
 Quæritur gultu, ſequitur ſed omnem  
 Nauſea gultum.

Ante-

LYRICORUM LIBER I.

13

Antequam sumas, sapiunt palato,  
Sumpta, crudelem pariunt orexim,  
Nilq̄ tam dulce est, cui non acerbus  
Infit amaror.

Quantus in cœnam fuit apparatus,  
Quando conuivæ Carolo, superbo  
Serviit luxu satis, & novis For-  
-tuna tricliniis.

Non Tagus tantum, sed & Afra quidquid  
Inda vel tellus tenuit, redundans  
Scaldis ac Rhenus, rapidoq̄ cincta  
Tibride Roma.

Orbis in lautas datus immo menfas,  
Si qua regnandi fitis & cupedo  
Vffit, hauriri voluere plenis  
Flumina ripis.

Cæsar indulfit genio, poposcit  
Nec gravem forti pateram Falerno,  
Hauit at lætus nova regna, magnas  
Hauit at arces.

Crederet felix epulo, quod illo  
Hauita cum gustu recreare possent  
Regna, sed tandem cupidè petitas  
Respuit Vrbes.

Unde quæ quondam placuere scepra,  
Non placent ultra, foliumq̄ nuper  
Svave vilescit, modicusq̄ pluris  
Ducitur hortus.

Le-

14 BENEDICTI à S. IOSEPH

Lechicæ ubertas quoq; nota terræ,  
Ut Ceres nostræ studiosa glebæ  
Fertili hæud cedat Lybiæ, tuis nec  
Mæssa campis.

Non Arabs dives segetis feracis,  
Non solum pinguis Capuæ, Polonis  
Plus agris infert, ubi vincit ingens  
Horrea messis.

Est frequens piscis fluvij, natantum  
Est genus quoduis, vacuæ nec unquam  
Mitibus stagnis fluitant, nec absq;  
Pondere nassæ.

Non aper spumans, variæq; defunt,  
Quæ student denso nemori ferinæ,  
Cervus est sylvis, volucres nec altus  
Denegat aër.

Gemma regnorum Lechicum deinde  
Creditur regnum; Dea larga gemmam  
Hanc propinavit Casimiro, & amplum  
Obtulit orbem.

Sumpsit; at magnos stomachi dolores  
Sensit, oblatum Casimirus aurum  
Gessit, expertus nova sed Lechæi  
Tormina regni.

Unde, quod summis aliena curis  
Quæritat sæpe ambitio, ille gestum  
Ultro deponit diadema, notos  
Ultroq; fascès.

Præ



Præ Vaticano melius quid ostro?  
 Cæsarum subdit cui se potestas,  
 Et genu flectunt Tyrio corusci  
 MuriceR eges.

Hoc Petrus quondam redimitus, omnem  
 Sæculi visus retinere pompam,  
 Satq; felices reputatus inter

Degere in ensas.

Vidit at temni, doluitq; triplex  
 Et Vaticani folij corona,  
 Cum Petrus remo posito, quietum

Quæsiit antrum.

Nempe non totum volupe est, acerbis  
 Quod cocus mundus male condit herbis:  
 Fel inest melli, retinentq; mæstum  
 Gaudia luctum.

Cuncta terrarum bonitas amari  
 Cernitur, quando retinenda primùm est,  
 Tenta fordescit, neq; nauseantē  
 Fertur in alvo.

O D E V.

Ad S. CAROLUM BOROMÆUM  
*Insolita luce & Solis non absimili Na-  
 talis eius illustratus.*

Vix absq; rerum prodigijs erit,  
 Si quando verus nascitur Hercules,  
 Et

## 16 BENEDICTI à S. IOSEPH

Et magni Alexandri stupente  
 Usq; adeo generantur Orbe.  
 Natura quippe est non eadem omnibus,  
 Sed Mater uni, durior alteri  
 Noverca, filiosq; cæli  
 Quosdam, alios iubet esse terræ.  
 Sic illa tecum non popularibus  
 Egisse cepit Carole gratijs,  
 Natale dum ad solum repentè  
 Insolitæ cõiere flammæ.  
 Et id sequentis non dubium fuit  
 Ardoris omen, quo Phæton novus  
 Sed sanctior, deæstuares  
 Ad meliùs moderanda puræ  
 Momenta vitæ. nempè iubet DEUS  
 Quos esse lucis, quos patriam ignium,  
 Secernit umbris: Solis omnem  
 Veræ Aquilæ speculantur ortum.

## O D E VI.

Ejdem Sancto

*Qui puer adhuc tempus à Scholis  
 vacuum, pietati & altariolorum ex-  
 structionibus impendebat.*

**H**ic nugas pueri sinant,  
 Tractat quando puer seria Carolus.  
 Vix

Vix egressus ab ubere ,  
 Et iam plus validis spirat Achillibus.  
 Ingens in puero Gigas ,  
 Et quem non recrees præcipitis pilæ  
 Lusu, non teretis globi ,  
 Non strato levium pyramidum ordine:  
 Atas exstruit at sacras ,  
 Bullæ Præsuleam substituens togam.  
 Vel rursus Samuel redux,  
 Vel non abfimilis magno Athanasio.  
 Nil ætas minor occulit ,  
 Et se prima statim porrigit indoles.  
 E cunis subito patet ,  
 Si natura aliquem parturit Hectorem.  
 Infans præstat adhuc ea,  
 Quæ præstare gravis debuerat Cato.  
 Qualem se iuvenis gerit ,  
 Talem non alium se sciat & senex.

O D E VII.

*Inimicorum lingvæ non curanda.*

A Rduum sentis , quoties malignus  
 Obstrepit livor, vel iniqua quando  
 Lingua proscindit, nocuiq; more  
 Sibilat anguis.  
 Tunè? sed primus lacerâre tantæ  
 Dipsadis morfu , meliore quisquis

Na-

18 BENEDICTI à S. IOSEPH

Natus, & vivit genio, tyranno  
Carpitur ore.

Hoc scelus vile, & nisi de mapali  
Prospicit caulâ, propriasq; semper  
Credit ærumnas, aliena postquam  
Non metit arua.

Ut quis è plebe est, inimica nunquam  
Tela vel rarò patitur, vel ipsa  
Vilitas illum feriente semper  
Munit ab ictu.

Magnæ idem menti, quod & altiori  
Accidit monti, quia sæpe fulmen  
Sentit infestum, validosq; spectat  
Surgere nimbos.

Ossa sed quidam velut ac Olympus,  
Qui suprâ nubes caput & lacertos  
Erigit, nunquam trepidat minaces  
Fulminis ignes.

Invidum sic nec trepidare dentem  
Hic potest unquam, cui fida virtus  
Altius sedit, sobolesq; puri  
Conscia recti.

Quæ viam crescens prope vernat arbor,  
Sæpius saxi petitur, remotam  
Et procul stantem peregrina nunquam  
Verberat ira.

Sic in obscuro positum loquaces

De-

Deferunt morsus , petitur frequenter,  
 Qui coruscantis stetit in propinquo  
 Limite famæ.

Sæpiùs prædo vacuæ, leviq;  
 Nil nocet cymbæ; sit onusta tantùm  
 Mercibus navis , subito furentem  
 Invenit Eurum.

Non rudi qualis reputere vulgo  
 Spectat , at quis sis , tua vita tolli  
 Sit tibi iudex , aliena tutus  
 Despice verba.

## ODE VIII.

SERENISSIMO

JOANNI III,  
 Poloniarum REGI

*Panegyris Lyrica*

Quod est in alto Iupiter æthere,  
 Hoc Tu per Orbem Sarmaticum; Pater  
 Est ille Divûm, Tu IOANNES  
 Rex hominum, Pater atq; Princeps.  
 Audetnè tantùm fistula simplici  
 Instructa cantu ? grandisonis quia

Mis-

## 20 BENEDICITI à S. IOSEPH

Miscere se tubis , & altâ  
 Cornua ubi crepuère voce,  
 Inter boantis classica Lechiæ,  
 Tentat strepenti murmure publicos  
 Turbare clangores , & ipsum  
 Aonio minus apta versu  
 Cantare Martem. Non benè luditur  
 Minore plectro, non tenues benè  
 Ad barbitos itur , priorem  
 Quando tubæ rapuère vocem.  
 Qui signa ducit bellica , Patrio  
 Tegitq; Scuto , sanguine qui suo  
 Meretur immortale nomen ,  
 Huic moduli , modiciq; parua  
 In pensa nervi. Vel lituis opus,  
 Vel, grande semper quæ loquitur, tubâ :  
 Tormenta ni boent , modesti  
 Vox nimiùm taciturna fistri.

## ODE IX.

*Bona subinde erudita mentis con-  
 silia præstant validissimis armis.*

○ Bit Quirini sæpius arduum  
 Et lingua Martis munus , aheneos  
 Editq;

Editq; fortiter fragores  
 Cecropio remeare fluctu  
 Assueta Pallas. Nec manus horrido  
 Instrueta ferro semper ad inclytum  
 Confert triumphum: sæpè sanum  
 Iudicium meliùs quieto  
 Inferuit orbi: nec sago opus, rogâ  
 Prudète quando res peragi potest,  
 Et arma vix quandoq; docto  
 Plus poterunt perhibere Conso.

## O D E X.

*Nemo suo statu contentus.*

A Terna mentis iurgia, turbidi  
 Pomesq; belli, cum proprio statu  
 Si quisq; disquirat, nec ullum  
 Perpetuis velit esse curis  
 Subinde finem. Non ubi Caspium  
 Desavit æquor, non ubi naufragas  
 Et sorbet & sorptas resorbet  
 Scylla fretis inimica naves.  
 Infesta sævi non ubi murmura  
 Grassantur Euri, plena furentibus  
 Vel aura debacchatur Austris;

Sed

Sed placidis ubi Tybur arvis  
 Invitat, & quò Thessaliae vocant  
 Amœna Tempe, perge, per uberes  
 Transiq̃ campos, & beatæ  
 In medio Capuæ quietis  
 Vix ulla spes est, utq̃ animus suâ  
 Sit sede lætus. Vidi ego, quos sinu  
 Fortuna fovit, delicato  
 Quos & opes tenuère lecto,  
 Et illa mollis culcitra desidem  
 Non passa somnum ducere, pectori  
 Permissa nox non est amicum  
 Eripiens oculis soporem.  
 Vidi, potentes quos properis honor  
 Evexit alis, Famaq̃ nominis  
 Immensa per sublime duxit,  
 Et medio stitit usq̃ cælo.  
 Nec maior istis culminibus quies,  
 Angusta quàm quos res retinet domi,  
 Et nuda paupertas per altos  
 Docta minùs volitare fasces.  
 Qui bella tractat, signaq̃ Martij  
 Subit Gradivi, quas facies timet  
 Scenasq̃ bellorum, recurvas  
 Quando videt rigidos in enses  
 Coire falces, sarcula, negligi  
 Pinguemq̃ glebam, rastraq̃ cassidum

Obi



LYRICORUM LIBER I.

23

Obire munus, inq̄ pila  
 Agricolas redigi ligones,  
 Et cuncta cædis plena, vel hosticis  
 Ardere flammis, vel nisi funera  
 Instare, crudelesq̄ mortes  
 Sanguineis fluitare riuis.  
 Quàm castra talis damnat, & asperum  
 Exosus Hæmum pacis ad atria  
 Suspirat, & dulces penates,  
 Et patrias vocat ultro sedes.  
 Idem peractis mox ubi prælijs  
 Miles petito redditur otio,  
 Urbemq̄, Ciuiumq̄ turbas  
 Ac populum videt æstuâtem,  
 Vel in propinquis aggeribus malum  
 Pagoq̄ eodem cum Schario pati,  
 Et ferre vicinum coactus;  
 Sedq̄ suumq̄ simul molesto  
 Dolore pectus torquet: ut æneum  
 Ille, ille Martem rursus anhelitu  
 Aspirat ingenti, magisq̄  
 Præ strepitu lituos forensi  
 Audire pōscit: nec sonitum tubæ  
 Ærisq̄ rauci (quæ tubicen dedit)  
 Sic signa abhorret, litigantis  
 Ut gemitum fremitumq̄ vulgi.  
 Fuit nec unus, qui steriles diu

Dum

Obi

Dum duxit annos, impatiens thorum  
 Nescisse, nec blandas mariti  
 Illecebras, neq̃ dulce Patris  
 Cognosse nomen: mox licitis ubi  
 Illuxit Hymen tædifer ignibus,  
 Torusq̃ iunxit, huic petitæ  
 Desipiunt thalami puellæ,  
 Tædæq̃ tædet. Spernit adulteram  
 Iason Medeam: perfidiæ reum  
 Vel Theseum accusat, suamq̃  
 Damnat inops Ariadna sortem.  
 Fortuna nulla est, quæ careat suis  
 Quandoq̃ morbis, nil fuit undiq̃  
 Nec est beatum; sunt & agris  
 Frugiferis hyemes iniquæ  
 Sydusq̃ torrens, sunt statui novæ  
 Cujusq̃ rixæ. Bella Boristhenis  
 Istriq̃ quantumcunq̃ longo  
 Marte domes prius, inquietæ  
 Quàm bella mentis. Crimen id, & nefas  
 Civile plusquam post dominum sedet,  
 Post subditum, & regem, nec atras  
 Vis, quæ abigat, datur ulla, curas.  
 Natura sic fert, corpore frigida ut  
 Pugnent in uno cum calidis, agat  
 Humensq̃ cum sicco duellum, et  
 Mollia sint inimica duris.

Producta tantam nec dirimet statim  
 Natura litem : sapius alteri  
 Obstabit alterum , fovebitq̄-  
 Assiduas sine fine pugnas.

## ODE XI.

*Non felicitas est vivere, sed nôsse  
 vivere.*

**I** Ongo quis avo splendor ad inclytum  
 Reptare nomen ? laus nisi in unicam  
 Descendit hæc quercum , perennet  
 Quod profugis diuturna lustris.  
 Laus vera factis constat , inanibus  
 Non verò factis ; tempore providam  
 Parare famam sculpta possunt  
 Saxa, homini egregijs ubiq̄  
 Quærenda rebus. non benè gloriam  
 Metimur annis . arbitra nec novum  
 Conducit ætas ad triumphum ,  
 Sed meritis decumana virtus.  
 Est vita nobis , est animantibus  
 Concessa brutis , est eadem rudi  
 Permissa vivendi iuvenco ,  
 Quæ cuivis homini, potestas.  
 Vivit iuvenco, viuit homo, suam  
 Uterq̄ vitam prorogat , hinc cibum

B

Et

Et hic, & iste quærit, uni  
 Prospiciunt pariterq; vitæ.  
 Sed ut iuvenco, cornigero quoq;  
 Finis bifonti non alius, nisi  
 Conservet ut vitam, suæq;  
 Bruta pecus studeat saluti;  
 Sic altioris longè homo spiritûs,  
 Fortuna cûi vix vivere, vivere  
 Ni ritè discat, seq; semper  
 Ad minimum moderetur actum.  
 Non vita, longo tempore quæ stetit,  
 Dicenda vita est, qui melius dies  
 Impendit, hic vivit, diurnum  
 Vel modici superant quadrantes  
 Subinde tempus. plûs valet unicum  
 Momentum honesti, plûs spatium bonæ  
 Unius horæ, quàm probrosi,  
 Qui vitijs stipulantur, anni.  
 Se quisq; tantùm negligat, alterum  
 Nec spectet orbem, vilis & in putri  
 Sordescet ignavus sepulchro,  
 Et stolido miserè dehiscet  
 Cum Marabodo; qui patrio throno  
 Pulsus, patronas dum profugus ruit  
 Romæ sub alas, longiori  
 Plûsq; studet nimiùm senectæ;  
 Illustre nomen perdit, & otio

Mar-

Marcens inerti, non folij memor

Non purpurævè, pro theatro

In tacitis sepelitur antris.

Immensa verus non stadia exigit

Virtutis hæres. Agricolaë brevis

Sat cursus annorum; putatur

Innumeris tamen ille lustris

Vixisse, Nomen si & præeuntia

Metimur amplæ tempora gloriaë,

Et si revolvimus, quid intrâ

Exiguos operatus annos.

Fax est honesti, gloria, pectoris

Mentisq; splendor: missilis è manu

Erumpit ignis, evolatq;

Æthereis similis favillis:

Nec ulla tædæ cura volatili

Pastûs foventis, sêu alimonîæ;

Ardetq; quò maiore flamma,

Hòc citius reperit propinquum

Consumpta finem. Dummodò luceat

Perire profûs prompta, diu satis

Vixisse se credens, vel unum

Si egregiè micuit per instans.

Commune nasci est omnibus, omnibus

Commune fatum funus, & asperam

Subire mortem, qui recentem

Substituit moriendo famam,

Hic esse tantum definit, integra  
 Sed vita durat, nec miserabilem  
 Cognoscit urnam: funeratur,  
 Sequi novum statuit sepulchrum,  
 Quicumque segnis vivit, & inscia  
 Fit præda morti, qui nimium sui  
 Oblitus, hæud curat futuros,  
 Perpetuò quibus existet, annos.

## O D E XII.

STANISLAI LVBO MIRSCHII  
 Supremi Regni Poloniae Mareschalci,

E T

ELISABETHÆ DONHOFFIÆ

Regni Succameraridis

Nuptialis pompa.

**A**ccede Pæan non popularibus  
 Instructe nervis, intererit novis  
 Fortuna pactis, quando in unum  
 Conveniunt duo corda nexum,  
 Regnumque amoris. nulla mora, ibimus  
 Ad tanta magni fœdera sanguinis,  
 Lyraque, buxosque, & coronis  
 Magnificas statuemus aras.  
 Non illa vanis Euridice Scytham  
 Ligat maritum nexibus Orpheum

In-

Infausta confors, coniugales  
 Festus Hymen cui mutat ignes,  
 Et pro fideli fatiferum fovet  
 Infidus æstum, cum malè lucidæ  
 Fulsere quæ flammæ, tenebrarum-  
 -In comites abiêre noctes:  
 Fractumq; fædus vel Rhodopeias  
 Turbavit arces; non socias init  
 Iasonvè, Perseusvè vittas,  
 Non miseris Ariadna fatis.  
 Io! Quirites, connubialibus  
 Neptunus ardet Lechicus ignibus,  
 Iterq; Vandalusq; tanti  
 Non humili celebrate plausu  
 Momenta nexûs. Ex OPALENIIS  
 Nuper natabat per LUBOMIRSCIUM  
 Cymba una Flumen. proh! sepultæ  
 Mira iterum rediviva Troiæ!  
 Abrupta classis vinclâ OPALENIÆ,  
 Et puppe mersâ, Virginis integra  
 Se forma tollit, proq; navi  
 DONHOVIAM Sreniava Nympham  
 Vehit natantem. Dicite, dicite  
 Stupenda pulchri tempora fæderis,  
 Ipsaq; tædæ, nuptialem  
 Ipsa Thetis fremè læta pompam.

## ODE XIII.

*Ad Divam Virginem de Gratiis.*

**M**oderna iam ætas flumina nectaris,  
 Et illa lactis flumina non habet,  
 Nec mella distillant, ut ante  
 Illice de viridi, sed omni  
 Succedit auro ferrum, & aheneæ  
 Venæ metallis: sævæ hyemes rigent  
 Pro vere læto, sanctioris  
 Inq; locum fidei dolosæ  
 Fraudes subintrant. O! quibus & modò  
 Exactus annus non tulit asperas  
 Crûdelis horas, dum maritus  
 Coniugis exitium, vicissim  
 Et hæc mariti quæsiit. improba  
 Bellona mundum dum crepitantibus  
 Concussit armis, & diremit  
 A focero generum, tenellam  
 A matre natam: Dum sepelit suum  
 Germana fratrem, dum genito parens  
 Superstes absumpsit molestam  
 In lacrymis gemituq; vitam.  
 Adhucq; longè durius in dies  
 Timemus ævum, cum furor & minæ,  
 Cum dira conspirat malorum  
 Et populis inhiat caterua.

O Gra-



O Gratiarum Virgo ! quis æneo  
 Nos solvet ævo ? quis rigido modus  
 Finisq; ferro ? tu recude  
 Hos, solidum chalybes in aurum.

## O D E XIV.

*Multis parasse divitias non finis  
 miseriarum sed mutatio.*

QVas tam sollicitè quæsieras opes ,  
 Iam ditatus habes ; non adeò penus  
 Quando dives erat, pauperiem premens  
 Sensit quando necessitas.

Damnabas miseræ iura penuriæ,  
 Fortunam tenuem , fœtilibus quoq;  
 Instructas abacos , & modicis calam  
 Dotatam nisi sarcinis.

Torquebant animum mille molestiæ,  
 Et curæ & gemitus, plena tumultuum  
 Quævis hora fuit, non deerat timor  
 Et mentem exagitans dolor.

Nunc, quamcunq; niger colligit in suis  
 Indus littoribus gemmam, & opes tenes,  
 Thesauros Arabum, quod Babylon, aut  
 Crispus possidet Æthiops.

Culti magna soli iugera , quæ tibi  
 Findunt mille boves , sunt quoq; prædia

Centeniq; greges, nec seges horreis;

Nec piscis lacubus deest.

Sunt ædes Pario marmore nobiles,

Quas vicina Iovis regia suspicit,

Aulæis paries omnis, & æreis

Fulgens porticibus domus.

Et cum tanta tenes; sollicitudinis

Nil instare putas? crede mihi; dies

Forsan nullus erit, qui tibi non ferat

Multas sæpe molestias.

Quò quis plura tenet, plura pati solet,

Crescentem sequitur cura pecuniam,

Et quò vacca magis mugit, oves aut

Balant in medio gregis;

Hòc major reboat mæror, & intimis

Sævit visceribus, ne medijs lupus

E sylvis veniens, lanigerum fera

Vel pestis laceret pecus.

Hïc rimas paries, hïc laquear timet,

Ne fur tollat ebur, neuè Phrygum manus

Quod confecit opus, vel tinea; exedant

Aût incuria servitus.

Quò tellus gravior, pressa suâ gemit

Hòc sub mole magis, promicat altiùs

Ignis, quem levitas nescia ponderis

Summo servat in æthere

Dum Cessæ modico prodit ab ostio

Notus Sarmaticis Vistula fontibus,  
Emanat tenuis, nubiferis neq̄

Tundi sustinet Africis.

Sed postquam liquidum spumeus & Solam  
Et Presmam recipit, dum Donaiecium

Torrentemq̄ Sanum, dum celerem Bugum,  
Et Narvam, & rapidum Nidam;

Nimbosum subito sustinet Æolum,

Auditurq̄ fragor, quem Notus humidis

Latè ducit equis, quem Boreas nigris

Auget frigidus imbris.

Mercatorq̄ miser cogitur asperos

Ventorum fremitus ferre, gemit ratis

Quò plus mercis habet, quò uberiùs tumet,

Hòc plus fluctuat & seges.

Heu! non fide tuis divitijs, gravis

Illas licetor adit, quidquid enim eminet,

Magnis turbinibus subiacet, ingruunt

Summis fulmina montibus.

## O D E XV.

*Senescentium pertesa felicitas  
iuvenes ambit.*

TE Quintum video quomodo Carolum?

Specto vos varij quomodo Principes?

Dum Fortuna senes destituit, suo

Quos fovit iuvenes sinu.

B 5.

NOM:

Non est Austriaco majus in ordine  
 Nomen, non fuerat, quàm Caroli fuit:  
 Felix dum iuuenis, non eadem ultimo  
 Nactus prospera termino.

Olim Roma genu flexerat, & Tagus  
 Auri quos habuit, detulit alveos,  
 Agnovit Dominum Rhenus, ad infimos  
 Orbis se posuit pedes.

Dodona in memores non doluit quoq;  
 Exscindi tabulas, quidquid & ilicis,  
 Et quercus fuerat quidquid, in inlyti  
 Iuit tempora Cæsaris.

Illum fama citis vecta curulibus  
 Terrarum varias vexerat ad plagas,  
 Illum posthabito vexit ad ultimos  
 Plausus Castore limites.

Dum vixit vegetus, deperiit suum:  
 Tunc fortuna procum, mox ubi grandior:  
 Ætas incubuit, destituit senem  
 Fortuna omnis Adonidem.

Plus ultrâ voluit qui tumidus novo  
 Bellator stadium ponere nomini,  
 Cancrum, PLUSQ; CITRA debuit æmulus  
 Fessæ pingere gloriæ.

Hinc amissa Metis, pessima pristinae  
 Eamæ meta fuit, quam neq; militis

LYRICORUM LIBER I.

35

Centum belligeri millia, strenua  
 Nec ferro recipit manus.  
 Et Saxo insolitam præcipiens fugam,  
 Quantus magnanimo spiritui pudor!  
 Henriciq; recens gloria Gallici,  
 Ingens magno animo dolor.  
 Fastidire suum cæpit amasium  
 Fortunæ improbitas, & domini hactenus  
 Inuicti genius transijt ad tuis  
 Clarum Gallia, Lilijs.  
 Est fortuna Venus, non vetulas amat  
 Rugas, non senium; si iuvenem videt,  
 Affectu rapitur, promit adultero  
 Et pronam ex animo manum.  
 Langventes reijcit, vel glacie quibus  
 Horrens barba riget, quæis baculus pedes.  
 Artusq; invalidos sustinet, & quibus  
 Non est, qui fuerat, vigor.

ODE XVI.

Serenissimo ALEXANDRO

Polontiarum Principi

Carmen Genethliacum.

Quæ Pella? vel quæ Regia Principem  
 Enixa partum? sceptrigeris novus  
 Dum vagit è cunis ALEXANDER-  
 -Lechicæ genitus coronæ. Su-

36            BENEDICTI à S. IOSEPH  
 Suum vocabit Delos Apollinem,  
 Sed major Infans, & pluviam Iovis  
       Supra vsq; prolem, fabulosas  
       Despiciet reprimetq; cunas.  
 Non Leda Graium barbara Castorem,  
 Thetisq; Achillem præferet; ad novas  
       Damnabit hos factus cavernas  
       Sors nimijs inimica spebus.  
 Lucina tantum nobilior fovet  
 Alitq; pignus, largifluas cui  
       Fortuna dat dotes ALEXANDRUM-  
       -Ipso ubi læta perorat ortu.  
 Nec sola plausum Lechia, at ultimæ  
 Dedere gentes: per Lechicos Io!  
       Et per peregrinos amænum  
       Io! volat, strepit Io! campos.

ODE XVII.

*Fortuna virtute paranda.*

S Emel monebo, qui nimia fiti  
 Fortunæ anhelus magnificas cupis  
       Stillare guttas, deq; largo  
       Pocis opem recreandus imbre,  
 Præmitte virtutem, & pluet aureo  
 Fortuna nimbo, proq; minantium  
       Fragore nubium, serenum  
       Eliciet Dea læta vultum.

Secus, severo torva volumine  
 Laxabit iras, nec poterit parens,  
 Aviq; , Majorumq; sanguis  
 Præcipitem cohibere Divam.

## ODE XVIII.

*Monstrum est coli ab exteris, quem  
 oderunt sui.*

SÆpe subrifi, quotiès superbè  
 Quærit externos aliquis fauores,  
 Nec domi secum reputat, quàm iniquis  
 Naviget undis.

Quid mihi prodest, sua septicollis  
 Roma quod sternit juga, quod benignum  
 Monstrat affectum Tyberis; suoq;  
 Ambiat amne.

Quid mihi prodest, si aliquando Thuscæ  
 Obviam rupes veniunt? quid inde?  
 Quod Pyrenæi venerantur alto  
 Culmine montes.

Quod Tagus dives, Samoifq; magno  
 Impetu currens, Hypanis, Lycusq; ,  
 Quid, quod expansis alienus orbis  
 Excipit ulnis.

Et Lechus cum sim, patrijs frequenter  
 Pungor infelix odijs: amicam

Vanda nec frontem , placidumq; monstrat  
Vistula vultum.

Nil peregrinæ studuisse famæ  
Profuit, si intûs animis ubiq;  
Tractor infensis , hilariq; nemo  
Aspicit ore.

Cum quibus vivo, maneoq; ; de me  
Iudicent, horum statuuntq; sensus;  
Exteris prorsûs mea credo nunquam  
Carbasa ventis.

Sæpè ibi multi celebres fuère,  
Quos domi nullæ coluère dotes:  
Sæpè ibi dictus leo, quem hîc scatentem  
Sensimus hædum.

Hêu miser rumor? miseriq; famæ  
Exteræ folles , alibi faventem  
Quærere interdum Zephyrum, hîc rigentes:  
Noscere Cauros.

## O D E XIX.

## A D

*MICHAELEM RADZIEIOVI-*

*VM dum S. R. Ecclesiæ Præsbyter*

*Cardinalis renunciaretur,*

**V**T ut minores temnit honor casus,  
Et rusticano pegmate prodiens

Caulâq; virtus altiôres

Non adeò cupiat curules.

At:



At sanguis ingens, & proavis ubi  
 Illustris amplos dat stimulos Domus,  
 Et ipsa virtus erubescit:

Exiguum fieri theatrum.

Lucina testis de RADIOVIO

Id spargit Agno, non popularibus.

Quod prodit è campis, & illa

Se teneras habuisse cunas

Gaudens Honestas ipsi etiam movet

Lites honori, cur neget? amplior

Quos sanguis & dotes merentur,

Quos & Avi meruere fasces.

Hoc fama postquam proposuit, statim

Se Varmienfis subijcit Infula,

Regni sigillaresq; ceræ,

Et rubeus Tyberis Galerus.

## O D E XX.

A D

## ALEXANDRVM VIII.

*Pontificem Maximum,*

*Dum Michaël Radziejovius Sacrae*

*Romanae Ecclesiae Cardinalis, Roma*

*diutiùs moraretur.*

Satis, citatis quod tibi passibus

Progressus Agnus noster; & Italas

Octa-

40            BENEDICTI à S. IOSEPH  
Oÿtave ALEXANDER per Alpes  
Egit iter, propriâq; portans  
Submissa gentis vota genu Patri  
Flexit supremo, sat Lechicos ubi  
Subiecit orbes, & Ioannis  
Prociduo veneratus ostro;  
Iam mitte nostras delicias, neq;  
Per Vaticanos ulteriùs sine  
Hinc inde circumire colles,  
Sarmaticæ reducem Coronæ  
Da magne Pastor. Si dominâ placet  
In Urbe tantùm, per juga montium  
Saltusq; pasci, patriosq;  
Lechiadùm minus ambit amnes;  
Iam grande crimen, jam Lechico nisi  
Fomes dolori, cum tamen omnium  
Huc vota conspirant, in ipsis  
Vt Lechiæ spatietur aruis  
Inossa noster. Non liquidi queunt  
Deesse fontes, non tenerum potest  
Deesse gramen, ipsa tellus  
Et tiliam, & virides Polona  
Submittit herbas: se cytisi, crocus  
Se sternit ultrò, se violæ, rosæ  
Pæstiq; pandunt, vult & hyblas?  
Mellifluas erit inter hyblas.  
Admitte votum, nec RADIOVIUM

Moreris ultra , fidus Ephestio  
 Dignas Alexandro notavit ,  
 Nec poterit reticere dotes.  
 Iam fama nostris advena finibus ,  
 Vt ante quiquid , quidquid & hætenùs  
 O! Magne Alexander labores,  
 Grandiloquo manifestat ore.  
 Ex Innocenti funere pertulit  
 Si Roma damnum , iam satis omnibus  
 Nobisq; constat , cuncta mæstæ  
 Ottobonum reparâsse Romæ.

## O D E XXII.

A D

MICHAELEM RADZIEIOVIVM

*Qui Romæ diutiùs subsistens,  
 inde tædio Patriæ evocatur,  
 & latissimè excipitur.*

SI, vel hyberni remorantur Euri,  
 Vel nimis sævæ retinèt pruina,  
 Cedimus fato, neq; deviantem  
 Cogimus Agnum.

Si nives obstant, vel hyems seuerè  
 Asperat blandas glacialis undas,  
 Si pluit nimbis Aquilo, gravesq;  
 Decutit imbres,

Ce-

Cedimus fato, RADIOVIANUM  
 Vi nec urgenti revocamus Agnum,  
 Hæreat, nec se moveat rigentis  
 Tempore brumæ.

Ast hyems postquam posuit minaces  
 Et gelu stringens Boreas furores,  
 Verq̄ succedens pepulit malignam  
 Ætheris auram.

Nec tamen noster redit Agnus, imò  
 Vota suspenso reditu precesq̄  
 Lechicas ludit, Dominâ morando  
 Hospes in Urbe.

Fata nil versûs querimus, sed ipsum  
 Questibus lentis laceramus Agnum,  
 Quid moras nectis? Patrio nec Agne  
 Sisteris Orbi?

Fama Te primis Iunij quadrigis  
 Sparfit è magnâ properâsse Româ,  
 Iunium præter Iulius flagrantis  
 Finijt æstus.

Quin, & Augusti seges inquietis  
 Fluctuans culmis alacri metentis  
 Decidit ferro, subjictq̄ largo  
 Horrea fructu.

Nec redis noster tamen Agne, prime  
 Nec redis Princeps; geminat querelas.

Ipsè.

Ipsè September, quod es & nec istis

Agne calendis.

Sed quid humani poterunt labores?

Agnus ex ipso venit usq; cælo :

Supplicet cælo, reducem videre

Qui petit Agnum.

Misimus sursum pia vota, cælo

Supplices dextras dedimus; Deusq;

Audijt voces, cupidis petitum

Detulit Agnum.

Agnus est præsens; Lechico Ioannes

E Throno prodit, CASIMIRA Prolem

Obuiam ducit, reditumq; sani

Excipit Agni.

Gnesna lætatur, niveisq; sparsum

Lilijs confert iter, & Piarum

Vota procedunt, animi, manusq;

Læta Scholarum.

Cum suas sospes subit Agnus oras,

Vivat! & noster recreetur orbis,

Vivat, & mæsta sine nube lætos

Transigat annos.

Vivat! hoc tactæ sonnère chordæ;

Vivat! hoc blandæ strepuère Nymphæ;

Vivat! & nobis momoretur omni

Agnus in hora.

ODE.

BENEDICTI à S. IOSEPH  
ODE XXII.

A D

MICHAELEM  
RADZIEIOVIVM  
S. R. E. Cardinalem

*Dum accepto ad mensam ex postula  
Romana nuncio de electo in Præpo-  
situm Scholarum Piarum Gene-  
ralem, Ioanne Francisco à S.  
Petro, eius rei illico à mensa  
sua inscias adhuc Scholas  
Pias Polonas certio-  
res reddidisset.*

Mensas secundas Tu CALASANTIE  
Et grata genti fercula porrigis,  
Dum fronte uel blanda, vel illo  
Latum ubivis referente solem  
Dignare vultu. Nil poteris tamen  
Nil RADZIEIOVI Maxime lætius  
Misisse, quam postquam IOANNEM  
Sic supero statuente celo

Pro-

Pronisq̄ votis culmina nuncias  
Inisse nostræ prima Colonia.

Id pulchrum & Electo, Tuæq̄

Id facinus bonitatis ingens,

Dum Purpuratus significas Pater,

Quæ fausta nobis, quævè Pij Scholis

Optata pridem. Non frequenti

Regna aliàs populosa plebe

Rectore solùm, non diademata

Gaudent perito. cura minoribus

Est ista cymbis, si carinæ

Egregius moderator, & si

Is ductor adfit, magna biremium

Quem velle moles posset. Honos seu

Det magna seu minora sceptrâ,

Sæpe virum, solidosq̄ semper

Quærit lacertos. Relligio alterum

Quæcunq̄ regnum est: huic etiam sua

Sunt Sceptrâ Regno, quæ capacis

Mentis opem, validâq̄ poscunt

Manu teneri. Nil humiles iuvat

Regnare mentes. Quem sapientia

Vfusq̄ rerum, quem probatæ

Præficiunt documenta vitæ,

Hic ductor esto noster, hic erigat

In magna sumptos agmina Filios,

Hic CALASANTINOS paterno

Imperio foveat Nepotes.

ODE

## O D E XXIII.

*Ad Serenissimam CASIMIRAM  
MARIAM Reginam Poloniae  
dum Serenissimo infanti suo mäter-  
no dolore parentaret.*

PONE lugubres CASIMIRA planctus,  
Pone funestos CASIMIRA questus,  
Regiæ nec Te properata tangant  
Funera prolis.

Vixerat terris, sed eam coronat  
Mors palatinis inopina cælis,  
Non dedit tellus, aliam reponunt  
Astra coronam.

Solis & lunæ quoties peritus  
Spectat eclipsim, geminosq; cæli  
Esse non illâ, fuerant ut ante,  
Luce planetas.

Non statim profus timet, aut stupore  
Obriget tactus: bene quippe novit  
Claritas quod sit reditura fratri,  
Atq; sorori.

Sic in humanis aliquando rebus  
Fata si ludunt, brevibusq; noster  
Constat hic cursus, via donat amplum  
Altera campum.



Vita si præsens peperit dolorem,  
 At fatis nullas dabit illa curas,  
 Ultrò pro nimbis paritura sudum  
 Ultrò serenum.

Regis es conjux CASIMIRA, nostri  
 Et throni Princeps, animum resume  
 Qui throno par sit, Lechicâq; dignam  
 Principe mentem.

Interim trini tibi vota Iulî  
 Suppleant, magnum reparentq; damnum,  
 Si quid Augustæ quereris dirempto  
 Stamine Pubis.

Ille te Ledâ meliore Castor,  
 Iste Latonâ meliore Apollo,  
 Ille te Nympha meliore partus  
 Crescit Achilles.

Sentiet Biston, patriasq; quondam  
 Plebit in natis redijisse vires,  
 Sentiet Seres, reducemq; credet  
 Luna IOANNEM.

At thronus promptis vocat ultrò sceptris,  
 Quem Patris virtus, parat obsequentis  
 Irna quem Lechi, parat ipse magni  
 Sanguinis ardor.

Nos Lechi Patrem Patriæ canemus,  
 Nos Lechi Matrem Patriæ canemus,  
 Ambo quod tantâ Lechicas beatis  
 Prole coronas.

ODE

## ODE XXIV.

AD  
CASIMIRUM  
SZCZUKA

Abbatem Paradisiensem.  
*Trium Poloniae Regum favoribus  
 Illustrissimum.*

**P**ARS magna cæli, Principū in terris favor,  
 Prona Throni facies  
 Favente lucens lumine.  
 Nam fulminantes rarus hæud sensit Ioves,  
 Terribilem pluviam  
 Et torva vultūs nubila,  
 Regumq; si sunt gratiæ, lentè fatis  
 Ad famulos veniunt,  
 Sed de recessu cogitât.  
 Frequens in Aulis prædo, famæ mercibus  
 Non vacuum aggrediens  
 Tandemq; deturbans ratem.  
 Accline cordis Regij rarò jubar,  
 Diva potensq; Cypri,  
 Vel fida lucent sydera.

For-

LYRICORUM LIBER I. 49

Fortuna nostri sola SZCZUCÆ, illum quia  
De solijs placidus  
Prospectat adstringitq; amor.  
Dum Principū constans trium prensat favor,  
Delitiasq; suas  
Præfens fatetur Regia.

ODE XXV.

AD

STANISLAVM  
SZCZUKA

Regni Poloniæ Referendarium,  
Lublinensē, Varecensē, Vilkiensē  
Gubernatorem.

ET Aula nostri non aliter patet,  
Et cor IOANNIS, quàm cui Martia  
Bellona, vel Pallas propinquum  
Pandit iter: dominæq; profus  
Arcentur omnes limine Curiaë,  
Non erudit quos Helicon suâ  
Latinus in schola, theatrum  
Nec rigidus referavit Hamus.  
Dioptra quædam est, Regia Principum,

C

Quæ

50 BENEDICTI à S. IOSEPH.

Quæ, quàm quid altum, latum, avidè notat,  
 Longèq; curiosa novit  
 Per vigiles penetrare crenas.  
 Ut quissq; parvo iudicio valens  
 Inopsq; mentis, perspicuè statim  
 Dioptra distinguit, proculq;  
 A proprio jubet esse centro.  
 Si quæ Aula, nostri tunc subito videt  
 Censetq; Regis; nec lateri suo  
 Adsciscit, ut quis bucco tantum est,  
 E stolidi patriaq; blenni.  
 Et Phæbus, & Mars egregiam quibus  
 Instruxit amplè bellicus indolem,  
 Hos sumit Augustus, Polonæ  
 Hos adhibet Dominatus Aulæ.  
 Quàm verò apertis Te foribus Domus  
 Invieta, pandis quàm capit atrijs  
 Te SZCZUKA STANISLAE! pronò  
 Quàm Solium recipit favore!  
 Dum utroq; Cæsar nobilis, hâud rudem  
 Seu docta Pallas porrigit ægidem,  
 Bellona sèu ad arma ducit,  
 Ferri aciem ingenijq; promptè  
 Monstras eandem. Sunt, quibus inclyta  
 Crescit per unas gloria literas,  
 Et bella non nôrunt, Quirini  
 Non galeas clypeosq; Martis.

Ple-

Plerisq̄ contra dextera Norico  
 Assveta ferro, dum calamum tenet,  
 Ignara, quid scribat, videtq̄  
 Longè aliud calamum, gravemq̄  
 Tractare sicam. Tu gemino trahis  
 Ex amne famam, Sarmatici cui  
 Tam castra, quam conclave Regis  
 Non sterilem peperere laudem.  
 Vienna vidit, (subsidiaria  
 Cui ex IOANNIS pene salus manu)  
 Ut ense, sub ductore tanto,  
 Ut validam metuendus hastam  
 Infesta Lunæ cornua Thraciæ  
 Haustoq̄ plenum sanguine Bosphorum  
 Adversus ivisti, Lechiq̄  
 Quod intonuit clypeus Tonantis,  
 Tu signa tanti prima sequens Ducis  
 Nunquam potentem non penes Herculem.  
 Hinc ille bellicæ decorus  
 Laudis amor, proprijs tenendam  
 Svasit cohortem sumptibus; hinc manus  
 In Martiales prodiga spiritus,  
 Hinc sermo nullus, quo rigentem  
 Non memores ubicunq̄ Martem.  
 Conclave magni Principis alterum  
 Tibi theatrum: quod calamus Tuis,  
 Quod penna scribit, quod venusto

## 52 BENEDICTI à S. IOSEPH

Eloquitur Tua lingua cultu,  
 Vulgare nil est, iudicio Throni  
 Semperq; magnum. Non aliter loqui  
 Beata vellet Svada, possset  
 Non aliam tenuisse pennam  
 Athlante natus. Gratia pulchrius  
 Non dixit unquam; non tripodis fuit  
 Oraculorumvè in loquendo  
 Nobilior meliorq; gustus.  
 Et id IOANNIS cor Lechici rapit,  
 Id in Ministro suspicit intimo  
 Monarcha magnus, par utrinq;  
 Quod gladio calamoq; grande  
 Nomen mereris. Nil melius potes  
 Gratumq; nostro reddere Principi,  
 Quàm dum eruditore penna,  
 Et pugili famularis ense.

## ODE XXVI.

*Optima imperandi ars, benevo-  
 lentia.*

**N**on si flammivomis tonet  
 Iratus nimum Iupiter ignibus,  
 Cyclopumvè vocet manus,  
 Et formet Siculis fulmina malleis,  
 Non si nimbivomis rigor  
 Effun-

Effundat pluvios nubibus Africos,

Humanos animos ita,

Ac per se ingenuam commovet indolem,

Ut lentus moniti modus,

Et sermo gravium nescius imbrium.

Est popismus equo satis,

Et non immodici verbera stipitis.

Frangi quid teneris iuvat,

Cum flecti poterunt frondibus arbores.

Non incussa necessitas,

Sed vultus facilis blandaq; comitas

Affectus hominum tenet,

Et fidi subicit legibus imperi.

Quo plus per mare carulum

Atrocis regimen saeviat Aëoli,

Ventorumq; phalanx agat

Per sylvas tumido stridula spiritu;

Hoc murmur nemorum magis

Increbrescit adhuc, & resonantia

Miscentur prope littora,

Auditur resonis montibus & fragor,

Pontiç incipiunt freta

Impendente Noto mota tumescere.

Tranquillet faciem Aëolus,

Et cunctus pelagi disperijt fragor.

It prorsus placidum mare,

Ac gaudent hilari littora murmure.

Acclines Zephiro levi  
 Sylvæ, quæ validis restiterant Notis.  
 Unus Deucalio fuit,  
 Qui, post se varios dum lapides iacit,  
 Humanum genus excitat:  
 Una & Pyrrha fuit, quæ reparabilem  
 Mundum experta. Modò unica  
 Et saxa, & lapides si iacis asperos,  
 Auges duritiem, & nova  
 Humano cumulas marmora pectori.  
 Subjectum nisi mollibus  
 Flectas, ad rigidas obriguit minas.

## ODE XXVII.

*Patere se aliquid, vanus prægnan-  
 tis superbiæ tumor.*

FALsus, an verus volat iste rumor?  
 Esse equas amplis aliquas Iberis,  
 Ex Favonî quæ gravidum reportant  
 Flamine ventrem.  
 Concipit simplex animal, graviq;  
 Sperat immensum de utero caballum;  
 Hora cum partûs venit, ecce nullum est  
 Cernere partum.  
 Mobili tantùm tumuisse venter  
 Visus è vento, sobolisq; sola  
 Spes geri & ferri poterat, sed omni-  
 Eyanida fætu.

Sic



Sic quibus multo tumefacta sensu  
 Fama blanditur, propriumq; lambunt  
 Qui nimis nomen, referunt inanis  
                                 Pignora plausus.  
 Serium nunquam pariunt, nihilq;  
 Grande producunt, tumidis subinde  
 Utribus tantum similes, leviq;  
                                 Undiq; bullæ.

ODE XXVIII.

*Peregrinatio bonæ indolis hominibus  
 necessaria.*

**V**Ix vera virtus ducere nobilem  
 Potest sub uno sydere spiritum;  
 Pro more cælorum, supremus  
 Continuo quibus ire motu  
 Præscribit ordo. Crescit amænior  
 Et planta longè latiùs è solo  
 Translata natali; inq; putrem  
 Fons etiam liquidus paludem  
 Abit, si eodem clauditur ostio,  
 Quod primus ortus contulit. Indoles  
 Et magna si domi resistit,  
 Fertilibus sterilefcit annis.

## O D E XXIX.

A D

## LUDOVICUM PLACENTINŪ

Aulæ se accommodantem.

**R**Oburnè triplex, aut adamantinum  
 Æs ponè pectus, saxavè rupibus  
 Decisa gesta? qui minaci  
 Das fragilem pelago carinam  
 Tumentis Aulæ. Marmore ductiles  
 Gerisnè venas Deucalio? truncem  
 Dum curris in pontum, protervis  
 Vela parans laceranda Cauris.  
 Immitis eheu! intolerabiles  
 Fert Aula Phocas: torva licentia  
 Quos inde cingit, inde durus  
 Æoliæ comitatus Aulæ.  
 Tum dira Cyclas, tum rabies Noti,  
 Hyasq; tristis, Caspia tum cohors,  
 Euriq;, quos vix irretorta  
 Aspicias subeasq; fronte.  
 Tu tanta plenis ostia carbasis  
 Subire tentas unus? & aulico  
 Securus in freto quietum  
 Esse putas Ludovice portum?

BENE-

## B E N E D I C T I

à Sancto

I O S E P H

Scholarum Piarum.

L Y R I C O R U M

LIBER SECUNDUS.

## O D E I.

*Rumor Viennam Turcici appa-  
ratús monet.*

V Tcunq̄ nomen garruli Rumor gerat,  
Et falsa veris misceat ;  
At vix iocandi tempus est , aut fabulæ,  
Dum serium terret malum.  
Funesta tristis nuncius porto nova,  
Ingratus hospes auribus.  
Crudele bellum Mars Othomanus parat,  
Tibiq̄ maximè Austria.  
Vulcanus & horrenda Cyclopum manus  
Incude fudat in sua.  
Iam stridet æs in igneo tinctum lacu,  
Cedunt in enses vomeres.

58 BENEDICTI à S. IOSEPHI.  
Genusq; quodvis destinatur falcium.  
In cuspides & lanceas.  
Quidquid nitrati pulveris, vel sulphuris;  
In bellicas it machinas,  
Tuo Vienna sed malo. Thracem time;  
Non yana cudit fulmina.

ODE II.

*Obsessa Vienna auxilium IO ANNIS*  
*III. Poloniarum Regis implorat.*

**N**on levis rumor, sed & ipsa tandem  
Signa commoti monuere Martis,  
Ut propinquant validis resistam  
Viribus hosti.

Thracicus rauci canor instat æris,  
Et tremendarum sonitus tubarum,  
Sæva declarant Dolopes paventi  
Bella Viennæ.

Una nec tantum legio, nec unus  
Hostis armatas cumulat phalanges,  
Hæmus ac Ædon furit, & cruenta  
Induit arma.

Medus haud dormit; quatit acer agros  
Ungulâ Biston, manicas minatur  
Ferreas Seres, tumidus timorem  
Indit Araxes.

Urbs

Urbs, quid in tantis faciam periculis?  
 Cum volat plumbum, reboantque diræ  
 Machinæ rictu, pluuiusque sævit  
 Pulveris imber.

Viribus niti proprijs, & uni  
 Arduum fanè resilire Thraci,  
 Quid? tot & tantæ sonuere postquam  
 Classica gentes?

Pressa suspiro auxilium Vienna,  
 Imperi nec sat numerare robur:  
 Ni manus fortis iuuet, imminentem  
 Horreo cladem.

Lechici ni me tegat umbo SCUTI,  
 In dies grandem timeo ruinam,  
 Hên! coronatæ properate tandem  
 Tegmina Parmæ.

Pulcher ad laudem stimulus, futuræ  
 Uberes campi segetesque Famæ,  
 Austriæ pulchrùm sociam petenti  
 Tendere dextram.

Me iuvat quisquis, sibi servit; omnem  
 Nam salus multis mea dat salutem:  
 Regna, si labor, reputent eosdem  
 Proxima lapsus.

Austriæ nidus ruit, & propinquæ  
 Horreant urbes; draco quærit offam;  
 Me voret tantum prius ille, totum  
 Devorat orbem. Heu!

Heu ! veni SCUTUM , Tibi fata summam  
 Destinant laudem, quia grande fies  
 Sic fatifcenti columen , salusq̃  
 Prima Viennæ.

## SERENISSIMVS

IOANNES III.

Cum Polono Exercitu  
 ad Viennam.

## ODE III.

**R**Ex magne, finem non facimus Tuis  
 Ullum triumphis. Sit Lechico licet  
 Laus magna nomini priores ,  
 Ad Chocimum revocâsse palmas,  
 Et sub Comarno vel Niemierovia  
 Tanquam trifuleo fulmine , Regio  
 Mugisse SCUTO ; sit potente  
 In Scythicas tonuisse Parmâ  
 Laus summa rurinas, frænâq̃ sapius  
 Dedisse crudo fortia Bosphoro;  
 Sit Martiali famâ ad ipsos  
 Sarmaticum retulisse nomen  
 Illustre caelos ; ulterius tamen

Le-

LYRICORUM LIBER II.

61

Levandus umbo, castraq; Martiæ  
 Movenda Bellonæ; per unos  
 Sarmatiæ Tibi meta clivos  
 Est parva: strictum non amat angulum  
 Immensa virtus; & Macedo suæ  
 Non immemor palmæ, vel extra  
 Pellam alios sibi quærit orbes.  
 Vienna poscit subsidiariam  
 Obsessa dextram: pulchrùm adeo Tibi,  
 Res Christianas, & Viennam  
 A tragico relevare casu.  
 Ad arma sævus Thrax Arabes trahit,  
 Multamq; secum commovet Asiam;  
 Mæotis, Ædon, ac Araxes  
 Threijcio sociantur Hæmo.  
 Sævit nitratus pulvis, & alitis  
 Procella plumbi, deq; globis fragor  
 Incendiarijs resurgens  
 Flammivomam prope reddit Æthnam,  
 Opusq; Mavors urget, & acribus  
 Infestat urbis mænia machinis,  
 Ut penè desperans Vienna,  
 Nil aliud, nisi terminalem  
 Sui ruinam respiciat, novo  
 Urbisq; pressæ tacta periculo  
 Fortuna desperando penè  
 A trepidis agitet recessum

Per.

62      **BENEDICTI à S. IOSEPH**  
Percussa muris. I, trepidantibus  
Succurre rebus: Lechica post suum  
    Ibit Monarcham fortitudo,  
    Et patrijs animosa Thracem  
Depeller hastis. Iam video novas  
Cælum vel ipsum neçtere laureas;  
    Vel ipsa destinare pulchras  
    Iam video Tibi Fata palmas.  
Ivit Polonus Mars Othomanicos  
Adversus ignes, ivit & ultimos  
    Casus revolventi Viennæ  
    Indubiam peperit salutem.  
Confusa cæpit plangere Taurica,  
Dum Scuta sensit, dum galeas, gravis  
    Roburq; ferri: Christianus  
    Ast hilares ubivis triumphos  
Indixit orbis: Famaq; posteris  
Sumpsit canendam temporibus diem,  
    Quâ noster obsessæ Viennæ  
    Auxilium tulerit IOANNES.

**O D E IV.**

**A D**

**STANISLAVM IABLONOVIVM**

Castellanum Cracoviensem

Supremû Exercituû Ducem.

**H**ic verò Lecho te speciosius

Imo



LYRICORUM LIBER II.

63

Impende Marti Pegase, supplicem  
 Hic verò sepiam modesto  
 Flecte genu, veniamq; nostræ  
 Precare Musæ, quod temeraria  
 Fortasse buxo dicat, ab æneis  
 Dicenda quæ tubis, vel ipsis  
 Sint satiùs celebranda conchis.  
 Adhuc per urbes, per gelidas adhuc  
 Vocalis errat Fama Propontides,  
 Et lora torquet, & quadrigas  
 Urget equis, Tyriosq; comptè  
 Induta cinctus, & lituo, & tubis,  
 Et excitatis assonat æribus,  
 Per regna, per gentes, per orbem,  
 Quavè suas mouet Auster alas,  
 Sonat per Hebrós, & super inviam  
 Egressa Thulen, per Rhodopen canit  
 Lunas, IABLONOVÌ vibrato  
 Odryfias cecidisse ferro.  
 At verò tabo Bistone pallidus  
 Despumat Ister, Threijcio Tyras  
 At verò decolor cruore  
 Horret adhuc, Lechidùmq; grandes  
 Pavescit iras, quas Othomanicus  
 Accendit hostis, dum Lechici calens  
 Amore regni, CAMENECAS  
 Podoliæ violente ferro

Inva-

## 64 BENEDICTI à S. IOSEPH

Invadit arces , turpeq̄ liberis  
 Pædus Polonis imperat , & graves  
 Minatur exitus , Hydaspæ  
 Vendibilem faciendo pacem.  
 Ergò sarissis , ergo mucronibus  
 Aptatur incus , undiq̄ , & undiq̄  
 Thoracas , umbones , & enses  
 Et rigidas crepitare parmas  
 Gradivus urget. Qualiter igneæ  
 Sudavit Æthnæ follis , in æmulos  
 Dum bella Troianos , Achilles ,  
 Vel Danaus repararet Aiax.  
 Et iam canoro classica murmure  
 Iusère pugnas : ivimus , ivimus  
 In arma , certatumq̄ nostris  
 Pectoribus , quoties paternus  
 Vocaret ardor : nec tamen hostium  
 Frigebat æstus , quem furor , & fitis  
 Immensa sanguinum nefando  
 Ire iubet super arma nisu.  
 Credetnè victum posteritas Getam ?  
 Et Tauricani cornua Bosphori  
 Depressa Mavorti Polono  
 Ad dominas iacuisse plantas ?  
 Credetnè Seren in lachrymabiles  
 Ivisse questus ? & Cilicam truces  
 Cessisse peltas , à Ducalis

Oppo-

Oppositu graviore dextræ.  
 Io ! minaci barbaries gemit  
 Sopita iam ferro. Io ! supercilis  
 Minor, triumphalem Gelonus  
 Sarmatiæ veneratur orbem.  
 Dum SCUTA primò ferrea prævius  
 Educit ardor Regis, & auream  
 Valere tantisper coronam  
 Præcipiens, galeat virilem  
 In bella frontem; Sceptraq; Martiam  
 Commutat in clavam, & Mareoticas  
 Cædes redorsurus, cruenta  
 Seposito capit arma poma.  
 Tanquam Coronæ prodroma pulchrius  
 Laurus præisset; tanquam ebur atrijs  
 Non ritè regnet, proq; cultis  
 Castra magis teneantur aulis;  
 Et rubra fuso sanguine Purpura  
 Non Iaspis ornet. Ponè statim tuus  
 Se fudit ardor IABLONOVI,  
 Ponè Tui documenta ferri.  
 Ut iuncta SCUTO dextera Thracicas  
 Elisit Hydras, utq; Borystheni  
 Servo Ukrainensem recludis  
 Ense Barum, gelidæq; nimbo  
 Regnante brumæ non sterili manu  
 Pavofocenses nectis adores,

Et

66      **BENEDICTI á S. IOSEPH**

Et Thraca, Bistonemq; Passam

A Patrijs metuendus arvis  
Exesse mandas; pensaq; barbaro

Ferenda Bello, sanguine profluo

Persolvis, in fuso cruore

Aurissuum numerans Hydaspem.

**Quò pulchra SCUTUM concitat additis**

Bellona flammis, ut vel aeneos

A Marte nitrato fragores,

Sulphureo tonitruq; factos

Fundat, volanti Mulcibero, focos:

Vel ipsa fractis aggeribus cavæ

In ima fossæ eat, cavernis

Clam pluvias iaciendo flammæ:

Vel in potenti milite bellicum

Alat furorem, nec nisi nobiles

Assignet in censum triumphos

Barbaricis genitos ruinis.

**Quò fama SCUTI magnanimis volat**

Prognata gestis; &amp; Tu eò alacribus

O Magne STANISLAE pennis

Approperas, decorisq; vicino-

-Ornare penso: (nec socium fugit

In laude Princeps, cum neq; Theseus

Deturpat Alcidem; ex eodem

Si geminis fluit amne fama.)

Tu penna Pyrrhi, Tu manus Herculis

Se-

Secur

Tu

Vesp

Rece

Qu

Bello

Rem

Qu

Apte

Post

Co

Se fu

Quo

Pa

Ult p

Secur

Su

Sed

Dice

Ca

Secunda nostri : carus Ephestio  
 Tu magno Alexandro , Polono  
 Tu focijs Mucianus armis  
 Vespasiano. Quod refugis minor  
 Recedit undis Bosphorus, arcubus  
 Quod Parthus haud instat , nec atris  
 Urget Eos violenta signis:  
 Bellona favam quòd gravis haecenus  
 Removit hastam , laurigeras ferat  
 Quod Mars paludatus secures,  
 Proq; sago trabeam potenti  
 Aptet lacerto : vinctus atrocibus  
 Post terga nodis, quod rabidam furor  
 Componat iram, Fas amœnum, &  
 Cana Fides, quod amica , lætis  
 Se fundat agris ; per Lechicas salus  
 Quod erret oras ; per iuga , per domos  
 Pax quòd triumphalis. serenis  
 Circumeat speciosa bigis ;  
 Ut prima SCUTI gloria , sic Tui est  
 Secunda ferri. Se famulus Tibi  
 Subdit Borysthenes, minorq;  
 Thrax positus veneratur armis.  
 Sed quò futuris carmina sæculis  
 Dicenda narro ? quò melioribus  
 Canenda Vatibus , minori  
 Gesta cano graviora plectro?

Abfi-

Abfiste plectrum ! non levis lyris  
 Res tanta , non plectro indiget ; indiget  
 Res Marte non Phæbo : repone  
 Sollicitas mea Mufa chordas.

## O D E V.

A D

IOANNEM MALACHOVIVM  
 Culmensem tunc ,  
 nunc Cracoviensem Episcopum.

IO Quirites ! iam MALACHOVIO  
 Fortuna nexu Sarmaticos parat  
 Vincire Culmos ; iam iacentes  
 Frugiferos fegetem per agros  
 Stringens acervat Fascia. Protinùs  
 Et pulchra Virtus & nova Gloria  
 Portent in horreum, & repostis  
 Affiliant hilares manùplis.  
 Fæcunda messis, cù similem neq;  
 Campana tellus protulerat, solum  
 Non Catanense , non beata  
 Dat Siculæ quoq; gleba terræ.

ODE

Dom

Est tr  
 Arcu  
 Aureur

Ut suo  
 Vindic  
 Phæbu

Ignear  
 E man  
 Incuti

Non t  
 Spargi  
 Quam

Ah ! fi  
 Princi  
 Pæne

ODE VI.

*Dominantibus, virgâ sic utendum,  
ut Iupiter fulmine.*

EST tridens latas Domino per undas ,  
Arcus intonso nitidusq; Phæbo ,  
Aureum scutum , rutilansq; doctæ  
Hasta Minervæ.

Ut suo quisvis agitur furore ,  
Vindicat raptis violenter armis,  
Phæbus inflatam Nioben , superbam  
Pallas Arachnen.

Igneum dextrâ quoties supremi  
E manu fulmen iacitur Tonantis ,  
Incutit sanè metum , & universum  
Territat orbem.

Non tamen summam ferit ad ruïnâ ,  
Spargit at latum potiùs pavorem ,  
Quàm ut minabundè velit ultrò cunctas  
Tollere gentes,

Ah ! si & humani similem studerent  
Principum fasces retinere virgam,  
Pænæ ut ad paucos veniant , in omnes  
Gratia cives.

ODE VII.

## ODE VII.

*Ad honores lentè & per labores  
ascendendum .*

**N**emo festino nimios honores  
Ambiat cursu , properisq; nemo  
Gloriæ votis inhiet superbos  
Tollere fasces.

Tutior lentè veniens potestas,  
Quæq; paulatim graditur ; volatu  
Confici nescit , neq; fessa fractos  
Obruit artus.

Evolant pulli volucrum , citisq;  
Se vibrant alis , simul aura plumatam-  
-Evocat gentem , tremulis anhelant  
Pergere pennis :

Cauta sed mater comitatur , & ne  
Longiùs stultæ volitent , iuventam  
Alitem sistit , nimiumq; promptas  
Temperat alas.

Machinæ belli graviter moventur ;  
Non statim summum venit ad cacumen  
Quercus , aut ilex ; citiùs palustris  
Crescit arundo.

Ista sed paucis superextat horis,  
Vixq; succrevit , patitur furentem

Sæ-

Sæpiùs

Quercu  
Et licet  
Firma fFirmiùs  
Nitimur  
ConsulitDignita  
Et pro  
Ut TyrImpetit  
Admove  
StrenuoCulmin  
Ingredi  
AmbuleAuream  
Vel Tag  
Per cav

Herculi



Sapius falcem, stipulamq; fisco  
Se exhibet igni.

Quercus in longum remanebit ævum,  
Et licet multis adolescat annis,  
Firma stat semper, superatq; cellas  
Vertice sylvas.

Firmius stamus, quoties honesti  
Nitimur fulcro; properata nunquam  
Consulit tutè ambitio, suog;  
Deperit æstu.

Dignitas arctâ sedet omnis arce,  
Et procelloso manet in profundo.  
Ut Tyrum Pellæ iuvenis gregatim  
Non nisi lectis

Impetit saxi, lapidumq; crebras  
Admoveret moles, operiq; sese  
Strenuo accingens toties adortam  
Accipit urbem:

Culminum sic qui cupit altiores  
Ingredi fervens apices, per ipsas  
Ambulet cautes, & acuta denso  
Obvia sente.

Auræam vix nunc pecudem potentes  
Vel Tagi gemmam capiunt Olynthi,  
Per cavas rupes eat, & potentem  
Stringet Olynthum.

Herculi non fat numerare cellum

Ex

Ex Avis patrem ; Iovis ille quamvis  
Filius, magno nisi parta scandit  
Astra labore.

Vix honor tolli poterit, madenti  
Ni simul sudor comitetur ore,  
Ut quis in summum veniat, peracre  
Sumat acetum.

Annibal duras ita fregit Alpes,  
Et se ad excelsam stitit usq; Romam:  
Per stylos, enses, chalybes, coruscum  
Quæritur aurum.

Obviam panis honor exit ulnis,  
Sed petit curas, meritumq; poscit,  
Nec tamen blennos recipit, sed aptam  
Undiq; mentem.

## ODE VIII.

*Non magni sunt æstimanda, quæ  
Fortuna ignavis dare solet.*

Quod non Assyrius magnificam tibi  
Infestet tunicam vermîs, ianthina  
Insignesq; lacertos  
Quod non purpura vestiat:  
Quod non ad domini servitium frequens  
Nutantis maneat iussa, quod aureo

Ostro

Ostro, & divite Gangis

Gemmâ non niteat domus ;

Audes sollicitis carpere questibus  
Fata , ipsosq; Deos, ac si adeò tuo

Manceps debeat esse

Omnis prosperitas iugo.

Nescis? vel stolidis ingenuam quoq;

Fortunam famulam, quod vel honoribus

Pravum deniq; crimen ,

Et summum imperitet scelus.

Quos fortuna fovet, largaq; divitis

Circumdat penoris copia , per nefas

Ad tantam penetrârunt

Multi sæpè opulentiam.

Sunt æterna licèt , non tamen omnibus

Sunt exempta malis : scena suos ibi

Ludos semper habet; nec

Lunæ deliquium deest.

Ignavas pecudes immeritæ quoq;

Exornant trabæ; prodit agrestibus

Ex campis aries , &

Alto Zodiaco præest.

Spes Matris fuerat, spes fuerat Patris,

Et consanguineæ spes fuerat domûs

Nonacrina puella

Diro nata Lycaone.

Portabat pharetram , læve manu simul

D

Ten-

Tendebat iaculum , tergemina comes

Diana , & sociarum

Ingens gloria Virginum.

Non respexit honor , non micuit favens

Fortunæ facies ; sat Scythicæ fuit

Dianæ comitatus,

Nasci & Rege parente.

At postquam vetiti conscia criminis

Urfa ex eximia virgine prodiens

Uncos crevit in unguis

Villis horrida fortibus ;

Tunc Divis placuit , tunc per inania

Ventorum rapitur , fitq; de adultera

Sidus nobile , Iuno

Et non vindicat invida.

Qui vix serpat humi , sapius ad novos

Excurrit titulos , inq; suæ sinu

Fortunæ cubat , amplis

Ponens iura colonijs.

Vix virtus aliquem vera curulibus

Admovit ; sceleri summus apex patet :

Sapè ignobile germen

Ad magnos penetrat gradus.

Claram non Atavis commemores domum ,

Nec stirpem tenebris indoleas premi ,

Tum quod Stemmatis hæres

Obscuris latites locis ;

Tum

Tum

Qui qu

Et p

S

Indign

Ac me

Obr

F

Non e

Ætern

Tan

R

In syl

Hec o

Gra

P

Et qui

Plures

Pass

P

Quis n

Hoc ta

Eur

Sec

Quæ fl

Calcar

Aut

Tum quod te tumido despiciant situ,  
 Qui quandoq; tuis servierant Avis,  
 Et plebsilla gregalis  
 Sublimi eniteat tholo.

Indigna est animo cura, superfluous  
 Ac mentis gemitus, velle regentibus  
 Obniti Superis, vel  
 Fatorum premere ordinem.

Non est hinc, nec erat perpetuum bonum  
 Æternare potens, nulla fuit nec est  
 Tam constans facies, ut  
 Rugis non careat suis.

In sylvis putidam conspicis arborem,  
 Hæc olim vixit: celsicomo tumet  
 Grandis vertice pinus;  
 Pinus virga itidem fuit.

Et qui pastor erat, posteritas Remi  
 Plures nacta Duces, quam potuit greges  
 Pastoris baculus, vel  
 Pauper pascere perula.

Quis non de miseris exul erat Scythis?  
 Hoc tam vile genus non Asiæ nisi,  
 Europæq; diremptæ,  
 Sed multæ imperat Africæ.

Quæ florent hodie, cras malè marcidæ  
 Calcantur violæ. Frigidior metet  
 Autumnus, quod & ætas

Vastis præparat horreis.

Quid mentem crucias ? si quod heri dedit,  
Aufert hora hodie ; quæ dedit , abstulit.

Si fles , non pietas, sed  
Stultus cor lacerat dolor.

## ODE IX.

A D

IOANNEM SBĀSKI

Episcopum Varmiensẽm ;

*Dum Romane accingeretur Legationi*  
ad Innocentium XI.

ERgò beatas ad Latij domos  
Legatus ibis ? Sarmaticæ tibi  
Sic vota decrevêre gentis,  
Sic Lechico placuit Ioanni.  
I ! nil moramur, Te cupidis Tibris  
Expectat undis, qui , placidæ mihi  
Ut nuper exscripsêre Nymphæ ,  
Ter liquidas agitare ripas,  
Ter se quieti margine dicitur  
Movere rivi. Sacra palatia  
Sedis Vaticanæ disertum  
E Lechicis habitura regnis

Spera  
Remi  
Ar

Il &  
Acced  
Lo

ST  
Reg  
Na  
d

QV  
P  
I

Nec  
Quid  
Ill

Spe-

LYRICORUM LIBER II.

77

Sperant Cineam. Te iuga collium  
 Remiq; tellus, Te Capitoliij  
 Arces adorabunt, Tuâq;  
 Tota fremet propè Roma pompâ.  
 I! & Innocenti culmina Fasciâ  
 Accede avitâ, Laomedontia  
 Locuta sic est svada quondam,  
 Penfilibus redimita vittis.

ODE X.

A D

STANISLAUM SZCZUKA  
 Regni Poloniae Referendarium  
*Natalis SZCZUKOVIORUM splen-*  
*dor ab ipsis Romanis Lucijs*  
*originem suam ducens.*

Qvis LUCIORUM? nescit imagines,  
 Priscaq; ceras? quivè adeo rei  
 Ignarus ac expers Quirinæ, ut  
 Romuleam neq; noscat urbem,  
 Nec quid Quirites, quid Capitolium,  
 Quid Martis olim campus, & inclyta  
 Illa illa Libertas, fuissent,

Spe-

D 3

Quo-

Quovè dein fabricata tanta  
 Auctore moles, calleat? Aut rudes  
 Aut in Latinis historijs parùm  
 Sumus periti, **COLLATINUM**  
 Et dominis graviter superbis  
 Si infesta **BRUTUM** nomina non fatis  
 Hucusq; scimus. Qui **LIVIUM** legit,  
 Is **LUCIOS** discet fuisse,  
 Nec modicam peperisse pressæ  
 Romæ salutem, nubere barbaræ  
 Fæstus parabat quando libidini,  
 Tandemq; pulsus Consulares  
 Ingemuit placuisse virgas.  
 Ivit secundis ivit **Ethesijs**  
 Tunc Roma felix! & **LUCIIS** Honor  
 Servivit, excelsas curules  
 Pro solito statuens tributo.  
 Diuq; dignam prosperitas Domum  
 Beata fovit, divitias, opes,  
 Et ferre quæ. Fortuna novit  
 In meritum numerando censum.  
 Sed ut Coronæ & Regna suos habent,  
 Patiç debent maxima limites,  
 Dum creverint, sistunt, coacta  
 Aut misero retroire cursu,  
 Aut de priori culmine flebilè  
 Subire casum: nullaç prosperis



Perennitas concessa rebus,  
 Imperiis tacito subinde  
 Instante fato; sic etiam potens  
 Illa illa capit Roma senescere,  
 Luxuq; marcens ad ruinam  
 Continuis properare rixis.  
 Nam Barbarorum Romuleam furor  
 Adversus urbem, nam rabies truci  
 Armata bellorum tumultu  
 Intonuit, variaq; signa  
 Movere gentes; mota fragoribus  
 Ut Roma tantis ingemeret, gravem  
 Belliq; civilis procellam  
 Nobilitas fugiens, paternis  
 Expulsa sedem quæreret ædibus.  
 Quas cuiq; virtus, propitij seu  
 Dedere venti, mansit istis  
 Ausonius decor ille terris.  
 Prono sed Albis flumine defluens,  
 Frugisq; tellus & pecudum ferax  
 Electa LUCIIS, Boemæ  
 Fertilitas sapuitq; glebæ.  
 Hinc præter illos, quos habuit Domus  
 Avita colles, Rastrum etiam additum, ut  
 RASTELLINI à Rastro, à recenti  
 Hospitio legerentur HOSTI.  
 Ignava sed pax non placuit diu

80 BENEDICTI à S. IOSEPH  
Desesq; magnis mentibus otium :  
Ad arma quos natura format ,  
Frustra auidi retinentur ignes.  
Ingens ut ille à Balthide spumeum  
Ad usq; Volgam, Istrumq; volubilem  
Victor Ladislaus , vocatus  
Ad Lechici diademæ regni,  
Excelsæ ut insunt Regibus indoles,  
Nec se quietis marginibus tenent,  
Primum coronatæ laborem  
Bella subit generosa frontis ,  
Promptosq; secum deligit HOSTIOS,  
Inde illa nostræ gloria Patriæ  
Effecit Hostios fidelem  
In Lechia statuissè sedem.  
Ac ut Boemus pro LUCIIS suos  
Sermo vocari fecerat Hostios ;  
Nativa sic & lingua nobis  
Patritium revocando Rastrum  
Dixit GRABITAS. Hinc Lucius fuit  
Quicumq; , rursus Sarmatico SZCZUKA  
Dictus vocabulo, hinc frequentes  
SZCZUKOVIIS LUCIIS libelli .  
Nec una solùm Russia nobili  
Tellusq; culta est Littava sanguini ,  
Sed Vissa ubi currens propinquas  
Irriguo fovet amne villas,

Hic

LYRICORUM LIBER II. 63

Nemo, quem positi non superet cibi  
Tandem copia multiplex;  
At solum cupidum vox fugit hæc, SATIS.  
Novit magna fames modum,  
Non nõrunt avidi, nescit avarities-  
-Vasto similis mari,  
In quod quò fluidis plura ruunt aquis  
Magnorum ostia fluminum,  
Hòc plures rapidum poscit aquas mare.

ODE XI.

A D

ANDREAM  
SANTACRUCIVM  
Legatum Apostolicum in  
Polonia.

NON signa Martis, non Aquilas, vetus  
Quas Roma quòndam prætulit, Africos  
Non nos secuturi Leones,  
Sed potiùs veneranda Sanctæ  
Trophæa cuncti deligimus Crucis.  
Tu SANTACRUCI Dux eris, & novæ  
Præbis insignis per omnem

Ds

Mi-

Militiæ Polemarchus orbem.  
 Mentemne ludit palpebra? Principum  
 Vel spectro fasces, vel diademata  
 Regumq; Cæsarumq;, portas  
 Vel Parijs solidas columnis?  
 Palmare signum Crux ubivis: cui  
 Tum regna flectunt prociduos pedes,  
 Tum summa sternitur potestas  
 A dominis quoq; fulta sceptris.  
 Quid SANTACRUCI? quid? quoties Tuar  
 Vel curiosi respicimus Domus  
 Insigne? vel quantum Paternæ  
 Te faciant renitere ceræ?  
 Ut ut lacunar præcipuo undiq;  
 Coruscet auro, vel bifores ut ut  
 Ubiq; ab argenti probentur:  
 Luminibus radiare valvæ,  
 Luxuq; demū splēndida regio,  
 Et gaza ab intrā Perfide fulgeat  
 Domus, locupletesq; monstret  
 Dives opum paries penates;  
 Præ sanctiori nil tamen est Cruce:  
 Fortuna quam vix vidit, & inlyta  
 Virtus, triumphis destinatum  
 Credidit & tenuit trophæum.  
 Hinc Mars paternâ de Rhodope, lare  
 Hinc Phæbus exit de Clario, suam

LYRICORUM LIBER II. 61

Hic lecta multis SZCZUKOVIIIS quies,  
 Hic vineta pulchris fœderibus Domus,  
 Hic magnus Abbas CASIMIRUS  
 Conspicuo renitescit ortu.

At lacte puro, & Cecropio quibus  
 Arrisit olim nectare Russia,

Quibusq; Principum decori  
 Per thalamos placuere nexus,

His Tu vetustæ stemmata gloriae,

His plena debes atria imaginum.

O Magne STANISLAE! primas

His Abavis Proavisq; cunas.

Pulchrum, decoris, pulchrum adeo Domus

Ardere ceris, nilq; superstitem

Illustrius monstrat nepotem,

Quam patrijs radiare signis.

Sed is superbam iactet originem,

Qui parvus ex se: non eget atrijs,

Cui ipsa virtus pro theatro,

Non inopes animiq; dotes.

Et hoc aviti Tu sine sanguinis

Illustris ortu, RASTRO etiam sine

Et absq; collibus STANISLAE-

-Eximius potes esse SZCZUKA.

ODE XI.

*Desunt inopiæ multa, avaritiæ  
 omnia.*

De-

## 82 BENEDICTI à S. IOSEPH

**D**Esunt multa inopi, omnia  
 Sed defunt cupido. Quò quis avarior,  
 Hòc plus semper eget: miser  
 Inter divitias, inter opes inops:  
 Ut quondam Berecynthius  
 Heros, qui Phrygiæ præfuerat plagæ,  
 Esse aurum voluit, manu,  
 Vel quidquid proprio corpore tangeret.  
 Dant lautas famuli dapes,  
 Admoto positæ dente nitent dapes.  
 Poscit pocula cæcubi,  
 Aurum est ex liquido fusile cæcubo.  
 Hinc dives simul & miser,  
 Serò quas petijt, damnat opes; famem  
 Ingens copia non levat,  
 Et guttur nimia exuritur à siti.  
 Nil est unquam avido satis,  
 Non Tartessiacis hunc saties Tagis:  
 Hermos hauriat, & rubri  
 Pactoli latices, maior in arido  
 Regnat gutture siccitas,  
 Et maior misero pectore anhelitus.  
 Tam crudelis opum furor,  
 Nummi ut crescat amor, sola pecunia  
 Quantum crescit; & haud prius  
 Humanam fugiunt vota cupidinem,  
 Quàm vita. Est adeo vorax

Ne.

 Servi  
 Cand  
 Et

 Nom  
 Saltu  
 Al

 Hæc  
 Plen  
 T

 Tun  
 Qua  
 N

10

C

LYRICORUM LIBER II.

87

Servire, sese dum socium Tibi  
 Candor fatetur, blandaq; comitas,  
 Et ille sinceri propinquus  
 Cordis amor, famulare nunquam  
 Nomen recusamus: iuga montium  
 Saltusq; manda, per cava rupium &  
 Abrupta, non segnes Poloni  
 Ibimus, inq; Pij manebunt  
 Hæc vota tandem sæpè Scholis, quia  
 Pleno petemus vivere fœdere,  
 Tuq; Dux præclare quâvis  
 Imperio statuemur horâ.  
 Tunc discet orbis, nos nihil amplius  
 Quæsisse, tantum consistet ut omnibus,  
 Nos & sub Andrea, sacro & SAN-  
 TACRUCII mervisse Signo.

ODE XIII.

A D

IOANNEM FRANCISCVM

à S. Petro, Scholarum Piarum  
 Præpositum Generalem.

Redisnè? Famæ prospiciens tuæ  
 Quod septicollis Roma vel Aufone  
 Im-

Ne-

Implenda Tibri, Cæninensis  
 Vel viridi satianda campo  
 Quandoq; terræ ? tam modico nequit  
 Romana virtus sistere limite ;  
 Ultra Palatinum, Sabinas  
 Ultra etiam volat illa portas.  
 Nec hæret Albæ littoribus, prope  
 Vel si quid Albam est : non Gabiam fuit  
 Contenta debellâsse gentem,  
 Non Metium Metijq; sedes.  
 Ultra Pyrenen, Hesperias quoq;  
 Quâ tangit undas sol, nitido effluum  
 Auroq; post Tagum it, rebellem &  
 Imperio reprimat Britannum.  
 Hinc Scaldis ingens, & rigido satis  
 Rhenus fluente, qui sobolem probat,  
 Ut casta vel non casta Mater  
 Hanc liquidis statuisset undis.  
 Hinc qui profundum Danubium colunt,  
 Novère Daci, Nominis Itali  
 Porrecta quò Fama, utq; totum  
 Circumijit prope sola mundum.  
 Et nostra quamvis Ausonijs fuit  
 Tentata nunquam Sarmatis ensibus,  
 Virtute at auditâ vetustam  
 Ultrò fuit venerata Romam.  
 Sicq; universim sumpta vel ultimis

De  
 Hinc  
 Parna  
 Id  
 Hinc  
 Hinc  
 Pe  
 Vide  
 Hono  
 TI  
 Defo  
 Habe  
 P  
 Tan  
 Poss  
 P  
 Et i  
 Se C  
 S  
 Id i



Delonq̄ deserit , nec arcu ,  
 Nec levibus recreatus hastis.  
 Hinc quidquid Hæmus , quidquid amanius  
 Parnassus olim detinuit , Tuâ  
 Id exstat in Domo , simul SAN-  
 TACRUCIAM cumulatq̄ gentem.  
 Hinc illa laurum fertilitas , seges  
 Hinc illa palmarum , gladius ubi  
 Pennamq̄ Majores secuti  
 Egregiæ studuere laudi.  
 Videt penates , plena & imaginum  
 Honor coruscans aspicit atria ,  
 Tholum triumphalemq̄ spectat ,  
 Conspiciam subito phasello  
 Descendit , & quos in tenero sinu  
 Habere fasces , quas trabeas potest ,  
 Promit , palatinosq̄ cinctus  
 Ac varias adicit curules ,  
 Tantum beata sub Cruce quatenus  
 Possit mereri : militiam neq̄  
 Poscit Camillorum , ultro vestris  
 Accumulans sua vota factis.  
 Et inde quod iam multoties Tuo  
 Se Cardinalis Purpura sanguini  
 Submisit ANDREA , Galeris  
 Quod toties rubuit , satelles  
 Id ipse semper fecit Honor , cui

Mens prima vel nunc, Te Lechicas adhuc

Quando Vaticanæ per oras

Magnus Apostolicæq; Sedis

Legatus & nomen geris, & grave

Pondus ministras, Purpureos brevi

Locare Patres inter, ipso

Id cupidè statuente celo.

Credisne? dicam: quidquid Honor, Tua

Fortuna quidquid cogitat, impiger

Accede conviva, Innocenti

Non vacuis Tibi præparatur

Murex in ollis: ejus in effluo

Cruore virtus tingere Purpuram

It Cardinalem, prævijsq;

Pulcher Honor meritis minister,

Eviscerato pisce adamantinum

Io! ter Io! protrahit annulum,

Quo Roma Piscatore Petro

Et superi monumenta cæli

Obfignet & terræ: hunc Italo Tibi

Fortuna spondet fida Polycrati:

I! perq; Apenninos honorum

Scande gradus, placidæq; promissum

-Haud temne Divæ. Nos, Tua dum venit

Sub signa virtus, dum Pietas novis

Adscripta castris, Fama pulchro

Dum obsequio memoranda certat.

Ser-

LYRICORUM LIBER II.

89

Si Roma reddi quæsiſt axibus  
 Illustris, ambitiq; noſci,  
 Limitibus tamen illa nunquam  
 Claudi paternis ſuſtinuit: Tuæ  
 O magne credis quid Capitolia  
 FRANCISCE ſuffectura laudi?  
 Quid Patriam meritis Mutinam?  
 Si Roma nutrix Te fovet, & ſuis  
 Perfundit undis ſi Tiberis, neq;  
 Colles Apennini, Quirini  
 Sufficiet neq; meta Circi.  
 Orbem in theatrum poſtulat indoles  
 Romana ſemper: non alio Itali  
 Nascuntur euentu, quàm ut omnes  
 Contribuant veniantq; gentes  
 In iuſta laudum præmia. Quod Iovi  
 Eſt Creta, Delos quod vel Apollini,  
 Hæmuſq; Marti, hoc ſepticollis  
 Roma Italis. Niſi Mars ab Hæmo  
 Cretâq; prodit Iupiter, & niſi  
 Eſt Phæbus à Delo; ex Itala quoq;  
 Sic nobiles tellure tantum  
 Proveniunt venientq; mentes.  
 At Creta magno ut non ſatis eſt Iovi,  
 Phæboq; Delos, ſapius integrum  
 Diſcurrit hic & hic per orbem,  
 In varijs poſiturus oris

Tro-

90            BENEDICTI à S. IOSEPH  
Trophæa famæ : sic quoq; septiceps  
Non Roma vobis sufficit, Itala  
Non sufficit tellus: decorum,  
Sarmatico quoq; si Trioni,  
Si vestra Lecho nomina Carpatho,  
Baltiq; , pulchræ creditis integram  
Laudisq; virtutumq; classem : &  
Hic Helicon , sua non profanis  
Hic penna factis : hic etiam indoles  
Est illa nobis , progeniem quia  
Amare Romuli, tributo  
Nec meritæ spoliare palmæ  
Studemus ullim. Tu resono quia  
Es prima plectro materies , quia  
Director es summus Piarum  
Præpositusq; Pater Scholarum,  
Audi , Polonas quod resonat dein  
Io per urbes ! quodq; tui studens  
Testudo promit, filialis  
Et quod amor stimulante dicitat  
Subinde Phæbo. De cerebro Iovis  
Natam Minervam credidimus, Tua  
Est interim FRANCISCE Pallas ;  
Pierij sacra turba Pindi  
Te fassa Vatem, Rumor in ultimum  
Progressus orbem, Pegaseo canit  
Stagnare Te semper liquore , &

Cecropijs dare iura Divis.  
 Adest Atlantis Mercurius nepos.  
 Ac erubescit, si quoties tuo  
 Non scripta conceptu minister  
 Iussa refert, volucresq; plumas  
 Vibrare non vult. Dum calamus tuus  
 Dum dextra scribit, Roma venustior  
 Te sapè adorat, & Quirini  
 Ire iubet super ora vulgi.  
 Imò ipse magnus quem Macedo suum  
 Novit Magistrum, ac Angelici Thomas  
 Ille ipse non simplex Aquinas  
 Ingenij, Tua dum studentis,  
 Et dum doctis pulpita viderit,  
 Ex Te triumphat discipulo, novæ  
 Gaudetq; successisse palmæ, &  
 Omnigenæ in studijs coronæ.  
 Et nos remoti scimus, ut erigit  
 Ipse ipse gratam Pantaleon manum,  
 Quod liber à censu propinquæ haud  
 Ulteriùs tenèatur ædi.  
 Scimus, IOSEPHUM quo CALASantianæ  
 Labore donas, ut radijs DEI  
 Servus coruscet, & beatos  
 Cælicolas numeretur inter;  
 Quos hîc agendo non levis æmulus  
 Expressit olim: pestiferi mala

Ferendo mundi, vel nefandas  
 Invidiæ comitantis iras.  
 Scimus, IOANNI quo studio Pia &  
 Fervore quanto fervierint Scholæ,  
 Primam vocantes ad curulem  
 Ut paribus studuere votis.  
 Ut ipsa demum Iustitiæ Tibi  
 Dilecta virtus, sanctaq; Charitas,  
 Et ut gubernator supremus  
 Has geminas adhibes sorores:  
 Ut eruditæ tam caput erigunt,  
 Quàm forte collum Te Duce literæ;  
 Et ut scholasticæ Tuis sub  
 Auspicijs dominantur artes.  
 Ista, ista scimus, nec tacitæ invidi  
 Damnamus umbræ; si quid ego, mea  
 Si Musa quid potest, sonantis  
 Obsequio celebrabo conchæ.  
 Et nostra nomen non sterilis Tuum  
 Canet iuventus, quâ calamis suis,  
 Quâ voce plestri; quippe nostri  
 Regna tenes Pater alme cordis.  
 Quod si supino segnis in otio  
 Marcebit, addam calcar, & impiger  
 Præibo Vates, impetuq;  
 Ipse adigam, ipse adero Magister.

ODE

## ODE XIV.

*Cui cum paupertate benè conve-  
nit, dives est.*

**N**on cui innumeris impletur dives arca  
nummis

Fulvoq; mensæ promicant metallo,  
Non quem mille boum recreant iuga, tot  
simulq; aratra,

Pinguesq; campi, fertilesq; glebæ:  
Non Phrygijs innixa cui domus eminet  
colossis,

Pictiq; plenum marmoris lacunar;  
Sed cum paupertate sua qui convenire  
novit,

Nec plus eò, quod possidet, reposcit;  
Hic verè est dives, magnis par semper &  
Lucullis,

Nulliq; cedit propriam quietem.  
Pauper; non qui pauca tenet, sed plura qui  
requirit,

Immensa quem torquet sitis tenendi.  
Pauper; multa satis quem copia non facit  
beatum,

Modumq; nescit exigens palatum.  
Nam quid plena penus prodest, quid & ar-  
ca copiosa?

Superba quid gazæ iuvat supellex !  
Si non acquisita , sed acquirenda compu-  
tantur ,

Fænusq; tātum est, quod potest deesse.  
Divitijs modus hic primus , si plura non  
petuntur ,

Svadere solūm quæ solet NECESSE.  
Cui SATIS est, hic Crassos vincet , & in-  
quieta mæstam

Torquere mentem nesciet cupedo.

## ODE XV.

*Livor in rusticis casis non habens  
locum , ad Aulas refugit.*

I Vit per Orbem livor alacribus  
Vibratus alig; iuit , & ultimam  
Egressus ad Thulen quietam  
Perpetua statione sedem  
Inter mæpales quæsiit angulos ;  
Sed è mæpali turpiter angulo  
Expulsus, incertum deinde  
Quas volitet vagus inter oras.  
Ut quisq; vilis, temnit , & invidum  
Excludit arctis sedibus hospitem,  
Nec caula pauper , nec casarum

Vile



Vile genus, tugurijq; parcè  
 Congesta molli culmina cespite,  
 Vel tecta iuncis texta palustribus  
 Dignantur, arcetur modestâ

Ut rabies furibunda sede.

Tentare plures vellet adhuc plagas,  
 Fallente verùm quò nisi tramite

Erraret, aularum potentes

Cum satiùs retinebit arces ,

Et plena eorum tecta satellitum ,  
 Quos maximorum gratia Principum ,

Ardorq; crescendi còëgit

Sollicitis inhiare curis.

Ibiq; tantùm vix stetit , intimis  
 Admissus exnunc est penetralibus ,

Et forte lætus, hæc tumentis ad

Invidiam prope iactat ore.

Utcunq; viles despiciant domus ,

Et rusticanis non benè confitum

Mapale cannis ; è penate

Magnificis radiante sceptris

Nec arma pellent. Hïc mihi Patria,

Hïc regna. Tentas quisquis ad aulicum

Venire limen , i ! in potentem

Livor ero tibi ductor Aulam.

## O D E XVI.

Non

*Non Aula, sed in Aula commo-  
rantes livori student.*

Quousq; demum cor lacerantibus  
Scindar querelis? nec malè garrulam  
Expungo linguam, virulento  
Quæ toties animum malignè  
Transfigit ictu. Tædet & aureis  
Pollere testis, præ foribus statim  
Si inuisus excubat satelles  
Livor, & eximias potentium  
Si pulsat arces undiq; Principum.  
Ac si vel ipsas Rex sit in indoles,  
Qui sceptrâ, qui thronum gubernat,  
Nec potiùs famuli reatus  
Est, si eminentis culmine Curia  
Ignorat uti. Per scelus aulicos  
Immane quæritis fauores,  
Et miseram laceratis Aulam,  
Regumq; famam. Portat hic ambitum,  
Hic invidentis vota libidinis,  
Ille ille livorem, scelestos  
Iste dolos, tacitasq; fraudes,  
Et damnat aulam. Credite, credite,  
Nil Aula pecco: vos sceleri modum  
Inferte, vos finem furori, &  
Innocuam sciet orbis Aulam.

ODE

## ODE XVII.

*Ipsum nomen grandis iniuria est,  
 si plus exhibet, quàm facta  
 doceant.*

**N**il iuvat pulchrum retinere nomen,  
 Turpibus quando maculatur actis;  
 Nil cani magnum iuvat, & minori  
 Vivere laude.

Hic Alexander vocitatur, istam  
 Angelam dicunt, tamen & nec illi  
 Bactra succumbunt, aliquâ nec ista est  
 Angela dote.

Gaudet hic Firmi titulo, probantur  
 Nec tamen firmæ documenta vitæ:  
 Prosperi, Prosper licet alter, omni  
 Nil agit horâ.

Nominum grandes nocuere fasti,  
 Si nihil faustum renuere mores.  
 Detrahit famæ, qui aliam refert, &  
 Nomine vitam.

Ut probro nanus sibi ducit, ipsum  
 Dicit ingentem si aliquis Gigantem,  
 Sic & hi, fallens si aliquando ludit  
 Nominis echo.

E

ODE

## ODE XVIII.

In degenerem Magnæ Domûs  
Filiûm.

*Avorum virtutes, non semper tran-  
seunt in Nepotes.*

Q Uod sæpè narro , rursûs idem cano:  
Nil plena profunt atria imaginum,  
Quas aut Avi, aut magni Parentes  
Parietibus , patulisq; pictas  
Portis relinquunt. Sedula strenuæ  
Ut quisq; tantûm regna modestiæ  
Admisit in pectus, novisq;  
Applicuit genium trophæis  
Illustris hæres, hic Latijs micat  
Omnino Gracchis pulchrius, eminent  
Hic maior Augustis : perennes  
Vix alijs adeuntur arces  
Et castra famæ passibus, intimis  
Quàm si medullis & probitas manet  
Admissa, & indoles honestæ  
Egreditur studiosa vitæ.  
Secus, per ædes qui nisi respicit,  
Et de paterno stemmate gloriam

Me-

LYRICORUM LIBER II.

99

Metitur, in suisq; deses

Nulla iacit monumenta factis,  
Inane lignum est: cui galeas licet  
Et tela & arcus, & clypeos quoq;

Appendis, & multo undequaq;  
Conspicuas chlamydes cruore,

Inane lignum, non ideo tamen  
Trunculvè dici desinet. Arboris

Et sanguinis par fors, ut illa

Quò senior magis & vetusta,  
Hoc certius nil, quàm cariem timet  
Sentitq;: sic & sanguis ut ut calet,

Defervet ætatum per ipsam

Usq; adeo seriem, suiq;

Parùm relinquit vel nihil. Herculem

Nil esse magno progenitum Iove

Iuisset, in cunis minantes

Ni intrepidus laceraffet angues,

Et fæda terræ monstra: velutq; aqua

In fonte primo quæ riget, ultimis

Mitescit in venis, & ipsa

Quò ulterius proprios propagant

Fluenta cursus, hòc citius ruunt

Ac detumescunt: sic generis decor

Magniq; natales frequenter

Per nimiam minuuntur augem.

Non gleba tantùm vilis inutiles

E 2

Pro;

100 BENEDICTI à S. IOSEPH.

Producit herbas : est lolium suum

Et nobili solo, bonusq;

Sæpe Parens vitiosorem

Prolem relinquit. Magno etiam Iovi

Non semper ingens nascitur Hercules;

Martemq; qui prius, bibonem

Mox iterum parit ille Bacchum.

De Patre frustra, deq; Abavis tumes

Ignave Fili. De propria adjicis

Virtute si nihil, dolendum!

Ipse tuos sepelis Parentes.

ODE XIX.

A D

FELICEM POTOCKI

Palatinum Cracoviensem

Exercituum campi Ducem.

POTOCIANA CRUX *palmarum*  
*Polonis signum.*

Semperne mæsti nuncia temporis

Erraticorum lumina syderum

Immanè niçtabunt? nefasta

Parrhasias feret Urfa nubes

Sem-

Semperne nostræ in climata Lechiæ?  
 Nec surgit æther lætior ignibus,  
 Nec noctis authores opacas  
 Fulgidior fugat axis umbras?  
 Io! Poloni luminis æmulas  
 Proscribit umbras POTOCIÆ Crucis  
 Novum serenum, faustiora  
 Inq; suo vovet astra signo.  
 Quod non Bootes, non Getico calens  
 Ardore vincat Luna, quod impio  
 Maxentius congressus ausu  
 Depositis benè sensit armis,  
 Et sentit hostis barbaricus suo  
 Hucusq; damno, dum tragicas nisi  
 Refert ruinas, tanta quando  
 Crux Lechicos animat manûplos.

## ODE XX.

A D

STANISLAVM MALACHOWSKI  
 Palatinum Calissiensem.

TU, tu illa magni sanguinis indoles,  
 Tu, tu illa firmis Fascia nexibus,  
 Palmaſq; pacataſq; lauros,  
 In focios cumulas manûplos.

E 3

Tu

Tu Nestor idem, qui crepitantibus  
 Ajax in armis, & malè stridulas  
 Elidis Hydras, & deserto  
 Attonitum trahis ore vulgum.  
 Et sic agendum, si memoris trahit  
 Cupido laudis: vel gladij stylus,  
 Vel penna signet, cùm sequentes  
 Hac methodo decoramus annos.  
 Strictis ligari fæderibus volunt  
 Et Phæbus & Mars, nec fera paginam  
 Vagina proscribit, sed unum  
 Castra tenent utriusq; collem.

## ODE XXI.

STANISLAO

Decano Gnesnensi

ADALBERTO

Decano Louiciensi

FELICIANO

Capitaneo Gostinensi

IACO



I A C O B O

Pincernæ Zakrocymēsi

K R A I E V S C I I S

Uterinis Fratribus.

**V**T Latona solet, laudet Apollinem  
 Alcmenęq; suum prædicet Herculem:  
 Ut vult, iactet Achillem;  
 Non æquat KRAIEVĪS Thetis.  
 Felix tum genitor, tum genitrix quoq;  
 Quod tantâ Lechicum progenie polum  
 Distinctis velut astris,  
 Stellarumq; beant choro:  
 Bis terni superas iam retinent plagas,  
 Ad quorum tumulos triste silentium  
 Non hæret, sed abunda  
 Ampli copia nominis.  
 Bis bini remanent, quos super æthera  
 Virtus ipsa levat; quos geminis vehe  
 Mecum Fama quadrigis  
 Clangentes adhibens tubas.  
 Quot matres alibi, quot miseros patres  
 His & præteritis cernere sæculis  
 Mæstus debuit Orbis,  
 Lugens pascere Patria,

Dum

## 104 BENEDICTI à S. IOSEPH

Dum vel defidiâ se malè pervicax,

Vel turpi maculat filius otio,

Post dignosq; parentes

Stultus degenerat nepos.

Et quas à Proavis, quas ab Avis habet,

Has in continuis haurit opes scyphis,

Utq; ipsis sceleratus

Hæres, sic pariter sibi.

Magnus, qui patrias servat imagines,

Maior, qui auget adhuc: de proprio addere,

Et se ostendere factis,

Veri gloria Nobilis.

Dignos nostra canit concha KRAIEVIOS,

Quòd cum plenâ Atavis proveniant domo,

Credunt se nihil esse,

Nâ virtute refulgeant.

## ODE XXII.

*Optimum est spernere, quidquid  
assultat.*

Vistula nostri rapidiq; Narvæ

Et tumescentes reputans aquarum

Vortices, vidi, quid iniqua demum

Non agit unda.

Classicum ventis canit, & minaces

E4

U4-

Undevs cogit violenta fluctus,  
Obvium quidquid rapit, & furente

Occupat amne.

Ac ubi largo magis aucta crescit  
Imbrium lapsu, pluviaeq; ab altis  
Montibus vires veniunt, & udi

Copia nimbi,

Tunc dat ingentem strepitu fragorem  
Impetu currens vehementiore,

Tunc, redundanti ruit in propinquos

Gurgite campos.

Et quod agrestis seges inquietis

Nata sit tantum titubare culmis,

Primus in culmos segetesq; lata

Impetus undæ.

Hinc quod abduci videt & moveri

Posse, festino movet unda cursu,

Ut casas viles, humiliq; tectas

Stramine caulas.

Quodsi in Alpinas eadem subinde

Incidit rupes scopuloq; lympa,

Siq; robustam reperit graviq;

Pondere caudem,

Affilit velox quidem, & impetenti

Pugnat interdum similis, sed & tunc

Non nisi allidit, cuperetq; quamvis

Lædere, ludit.

Nem-

106 BENEDICTI à S. IOSEPH

Nempe robustæ gravitas modestam  
Efficit molis generosa lympham,  
Ut nihil possit, redeatq; vano  
Spreta tumultu.

Id fit in nostris animis frequenter,  
Ut quis è limo est, faciliq; molle  
In lutum gleba, modicis liquefcit  
Illicò guttis.

Ut quis exili paleæ leviq;  
Pulveri compar, minimo movetur  
Protinùs vento, tenuiq; prorsus  
Sternitur aurâ.

Non statim cedunt animi valentes  
Æolo cûivis, rationis illis  
Est suum pondus, stabilisq; firma  
Robora mentis.

Bella commotis agat undequaq;  
Fluctibus livor, gravibusq; pravi  
Æmuli certent odijs, & acris  
Cuspide linguæ.

Qui potest sèipso propriæq; fulcris  
Stare virtutis, minùs invidorum  
Hic timet motus, quia tutus omnem  
Excipit hostem.

Tela si pugnant inimica, parvum  
Vir probus sentit reputatq; vulnus:  
Et licet sentit, tamen ille nullo  
Læditur ictu.

Qui

Qui semel mortem didicit vel ipsam  
 Temnere, & temnit, subito minarum  
 Ridet insultum, invidiæq; quasvis  
 Despiciit iras.

Frustra ab obtusis trepidamus armis,  
 Arma vim perdunt ubi cuspidata;  
 Frustrâ hebescentem metuit, qui acuto  
 Non perit ense.

## O DE XXIII.

A D

VESPASIANVM KOCHOWSKI

Nobilem rerum Polonicarum  
 Scriptorem.

Quæ penna? vel quæ sepia Lechico  
 Desudat orbi? Sarmatiæ nova

Quis scribit & signat futuris  
 Gesta stylo relegenda sæclis?

Ventura quæ post tempora posthumis  
 Mirentur annis, & doceat suos

Ævum secuturum nepotes

Historicum relegens volumen.

Audite! dicam, KOCHOVII mantis

Et penna tanto nobilis à stylo.

Hic Scriptor, hic in eruditis

Sarmatiæ notat acta chartis.

Qui

ODE

## ODE XXIV.

IOANNI IABLONOVIO  
Vexillifero Regni

ET

IOANNÆ MARCHIONIS  
de Bethune Filiæ

Inter Geniales plausus  
Epithalamicum votum,

**E**Dico sponsis vota, vel ultimus  
Quæ discat orbis, discat ad æreas  
Evecta Gadium columnas  
Cærulei vetns ora Glauci.  
Vestra laborant sæcula gloriæ,  
Vobis beatæ plurima circumit  
Caterva fortis, & notantur  
Perpetui sine nube soles.  
Vos ad paterni stemmata sanguinis  
Magnas Nepotum addetis imagines,  
Vos prole sublimes futuris  
Fulcra Domûs parietis annis.  
Vos vincita pulchro nomina fœdere,  
Vos, o! Poloni sydera climatis  
Viveteis ætates, & auro,  
Et solidas adamante luces.

ODE

## ODE XXV.

*Quamdiu æquor mundi navigamus,  
tamdiu fluctus.*

**M**Undus Euxino similis, mariq̃  
Caspio, sævis agitur procellis:  
Ut quis huc tantùm subiit, vadosum  
Invenit æquor.

Semper hîc fluctus, resonantis undæ  
Dira vertigo, rapidiq̃ semper  
Vorticis pugnæ, gelidiq̃ cruda  
Classica venti.

Scylla trux unum latus, & Charybdis  
Alterum cingens metuenda, magnò  
Sæviunt motu, varioq̃ replent  
Cuncta latratu.

Non ab infestis aliquam quietem  
Africis speres; Aquilo feroxq̃  
Eurus hîc stridet, tumidiq̃ frendent  
Murmura Cauri.

Navis humanæ miseranda vitæ  
Se freto credit quoties, furentem  
Æolum sentit, tremuliscq̃ pergit  
Anxia velis.

Lætius quòd si referat cubile  
Phæbus, & puro micuit sereno,

MO BENEDICTI Á S: IOSEPH

Heu! nimis sudum breve, blandientisq;

Decipit aura.

Rursus horrendis inimica nimbis

Bella tempestas movet & movebit,

Rursus immittis subeunda rursus

Prælia ponti.

ODE XXVI.

AD

STANISLAVM KRAIEWSKI

Decanum Gnesnensem,

Tribunalis Regni

Præsidentem.

**V**T Themis quondam lachrymata dixi,

Ut Themis quondam querulata flevi,

Non queror iam sic, quia non maligna

Opprimor arte.

Nuper immensis dominando terris

Meq; regali trabeando sumptu,

Ad caput ferto, adq; manum potente

Splendida Sceptro,

E paludatis malè pulsa tectis,

Atq; concessos dare iussa cinctus,

Quas tuli leges, dolui scelestæ

Cedere fraudi.

At



At modò primæ rediêre sortes ,  
 Et profanatæ renovantur aræ,  
 Iura cum specto KRAIEVIANÆ.

Credita CLAVI.

Rusticas erro minimè per ædes,  
 Nec per ignotas vaga vector urbes,  
 Quò feror tantùm, veneratur omnes

Lechia fasces.

Hïc vel obscuro licitum mapali,  
 Vt suas pressum recitet querelas,  
 Ac Herum dicat, quoties gravantem

Sustinet Aulam.

Hïc hero fas est, quoties rebellem  
 Subditum sentit, recitare quantum  
 Subditus peccat, Dominumq; quanto

Asperat ausu.

Si quis ereptos patitur penates,  
 Vel datam venum gemit ire famam,  
 Promat hic vulnus, si aliquando stricto

Scinditur ore.

Nil sciet clausum, referetq; pœnam,  
 Si vel erravit Dominus, vel audax  
 Subditus læsit, vel iniqua si quid

Deviat ira.

Hïc ad ereptam licet irè villam,  
 Hïc laceffitum reparare nomen,  
 Hïc ab inflicto poterit reposci

Pœna dolore.

Sicq;

112      **BENEDICTI à S. IOSEPH**

Sicq̄ dum specto mea iura reddi  
Pristinæ formæ, repetiq̄ leges  
Quas tuli quondam, meliorem nolo  
Vivere sæclo.

Millies dicat mihi iura, rursus  
Millies dicat, voveo, redibunt  
Sceptra sub tali, repetentq̄ raptum  
Iudice Regnum.

Millies dicat mihi iura; laurus  
Fracta quæ quondam, melius virefcet,  
Inq̄ maiores veniet sub isto  
Iudice frondes.

Millies dicat mihi iura, tunc spes  
Crescet ereptæ melior coronæ,  
Tunc reassumet temerata primum  
Purpura vultum.

Atq̄ si Tuscas etiam sub Alpes,  
Vel peregrinas properabo Gades,  
Ultimas vel si Tyrii subibo  
Climatis oras,

Resciam tantum KRAIEVIANÆ  
Iura quod CLAVI data, nil morata  
Desero Gades subito, remotam  
Desero Thulen.

Imo si celsos habitabo celos,  
Et sciam tantum KRAIEVIANÆ  
Iura quod CLAVI data, tunc vel ipsum  
Desero Cælum.      **BENE-**

B E N E D I C T I

à Sancto

I O S E P H

Scholarum Piarum

L Y R I C O R U M

L I B E R T E R T I U S .

O D E I .

A D

STANISLAUM SZCZUKA

Regni Poloniæ Referendarium.

*Pulchrum bellatrixis Domûs testi-*  
*monium in expeditione Viennensi*

*septem simul SZCZUKOVIOS*  
*militasse.*

S Oror Gradivi non reputat quot, &  
Quantinè pugnent, cui fatis est, potest

Si scire, quales. Bella nempe

Non numero, sed agente fortis

Virtute constant militis. Attamen

Roma illa pulchrum censuerat suæ

Quandoq; genti, dum phalanges

Ex

ipsum  
BENE-

114 BENEDICTI à S. IOSEPH

Ex Fabijs numeravit ipsis ;  
Dum tota quondam castra sequentibus  
Nec tanta cessit fama Quiritibus,  
Ut sanguis unus in Veientes  
Patritijs tonuisset armis.  
Pulchrum Polonis & chronicis decus ,  
Conscripta solis quando Toporijs  
Vexilla septem, totq; strictas  
Enumerat Cromerus secures.  
Et SZCZUCIANIS servit adoreis  
Fuisse septem SZCZUKOVIOS simul ,  
Bellona quos Mater cadenti  
In columen statuit Viennæ.  
Ibiq; COLLIS pro rigido triplex  
Mavortis Hæmo, RASTRAq; pro integro  
Nativa castris , pro potenti  
Mens steterat generosa muro.

ODE II.

*Fallitur, qui reverentiam de metu  
querit.*

Nemo non lætus , famulantis omne  
Excipit postquam studij tributum;  
Nemo non gaudens humilis profundo  
Poplite cultus.  
Sed coli quisquis capit , id coacto  
Non metu quærat, trepidante vera

E genu nunquam reverentis exit

Gloria pensi.

Comitas magnum statuit, suiq̄

Imperat summos ubivis amores ;

Nescit incusso veneranda reddi

Larva pavore.

Qui minas addunt, proprij q̄ tali

Corporis cultum methodo requirunt,

Non adorantur, sed ut efferata

Monstra timentur.

## O D E III.

A D

CAROLUM DOLSKI

Magni Ducatus Lithvaniæ

Supremum

M A R E S C H A L C U M,

Scholarum Piarum Dabroviciensem,

Lubieszoviensem Fundatorem ;

*Dum desideratissima suæ Consorti*

E L I S A B E T H Æ

O S T R O R O G I Æ

*Septenæ prolis funeribus stipatæ**dolenter funebria pararet.*

I Nane morti munus, inutile

Simulq̄ pensum flebilibus statim

Sta-

116 BENEDICTI à S. JOSEPH

Stagnare lachrymis & amplo  
 Insoliti gemitùs canali  
 Rigare pectus, dum sociam thori  
 Prolemq; defles, quæ numerosior  
 Ornabat ut vivens Parentem,  
 Sic subitis citò rapta fatis  
 Auget dolorem. Marmora lugubri  
 Perfunde fletu, teq; rigentibus  
 Adsternere lamentans sepulchris;  
 Ad miseram Lachesis querelas  
 Obdurat aurem. Sic Phæton suo  
 Quondam Parenti, per Rhodopeias  
 Defleta sic rupes gementi  
 Euridice toties marito;  
 Nec lachrymarum profluvijs fuit  
 Lenita quidquam mors; stimulo dolens  
 Savire ictuq; in paventes  
 Phæbus equos potuit, negare  
 Ipsiq; mundo servitium; miser  
 At Fata versùs nil potuit Parens,  
 Ille, ille cûi aurora vesperq;  
 Et celeres famulantur horæ.  
 Argilla quædam nos figuli sumus  
 Omnes supremi. quid querimur? sua  
 Si vasa fingit, & refingit:  
 Nemo hominum juvenis senexq;  
 Immunis, ætas nulla, volubilis

Ale-

A lege  
 No  
 M  
 Peren  
 Defun  
 Spe  
 I  
 Imme  
 Iuvabi  
 Et u  
 I  
 (Et qu  
 Orbif  
 Ape  
 S  
 Tutè,  
 Pisces  
 In a  
 V  
 Acced  
 Præda  
 Sta  
 C  
 Perce  
 Abdu  
 Ven  
 S

A lege fati est. Illa eadem dedit  
 Nos hora quæ nasci, illa mortis  
 Nos tragico subicit tributo.  
 Perenne nil sit; plurima iam suis  
 Defuncta fatis; & reliquum quod est,  
 Spectat ruinam: ipsæq; noctes,  
 Imò dies obeunt & astra.  
 Immensa terras tam solidas neq;  
 Iuvabit unquam machina, & oppidis  
 Et urbibus fatalis instat  
 Ictus; ab hoc elementa casu,  
 (Et quidquid hinc nos sustinet, ac alit)  
 Orbisq; pendet; pennigero gregi  
 Apertus aer, ludit omnes  
 Squamigerum genus inter undas  
 Tutè, nec ullas insidias putant,  
 Pisces; at hamus, vel modicum cibi  
 In ære captivat recurvo;  
 Visco in aves pedicisq; laxis  
 Accedit auceps callidus, & novâ  
 Prædâ potitur: sic hominum super  
 Stat Parca vertices, & icu  
 Continuo minùs arbitrantes  
 Percellit atrox: sic aliquem grege  
 Abducit è nostro assiduè gravi  
 Venatui instans, mille ut hamis,  
 Sic laqueis metuenda mille.

BENEDICTI à S. IOSEPH

11

Erepta coniux ELISABETH tibi  
 O Magne DOLSCI! pondò statim suam  
 Præcessit & secuta Matrem  
 Septicipis sobolis ruina.  
 Videre natos exanimés, simul  
 Spectare dilecta ex Niobe unicum  
 Rigensq; marmor, quanta cordi,  
 Quanta tibi catapultæ sævi  
 Fuit doloris! verum animo est opus  
 Magnoq; mentis robore, siquidem  
 Lugere vix viri est, Lacena  
 Christiadùm pietas scit à quo  
 Hæc tela nobis proveniant Duce.  
 Non est Lycæi nervus Apollinis,  
 Nec ira Latonæ furentis,  
 Quæ Nioben nimiùm superbam  
 Suoq; fætu se Ortygias supra  
 Divas ferentem vindice Filij  
 Ultura ferro, grande natis  
 Tantalidi quoq; grande Matri  
 Ut vulnus, ipsum sic dedit exitum;  
 Sed id supremi velle fuit DEI,  
 Humana cûi servit voluntas,  
 Velle hominis cui servit omne;  
 Probata cælis ut tua ELISABETH,  
 Et quarta ternis Gratia Gratij  
 Addenda, de præsentè vita

Ad



LYRICORUM LIBER III.

119

Ad Superum meliora felix  
 Transire posset regna : cui statim  
 Parata cælis præmia, ubi sequens  
 Illa illa natorum corona  
 Se medijs sinuavit astris.  
 Finem dolori pone ; ita Martio  
 Extinctus olim Filius, & quidem  
 Quem mæstus unicum tenebat,  
 Nec reliquæ fuit ulla prolis  
 Spes, temperavit sed gemitum tamen  
 Sic, ut Senator funera publico  
 Privata postponens, eâdem  
 Se Patriæ statuisset hora.  
 Te Curialis Scipio Littavi  
 Ambit Senatûs, funereis videns  
 Te deinde pullatum lacernis  
 Blandus honor, subito curuli  
 Ferale mutat pegma, nec ingerit  
 Lugubre peplum, sed trabeâ, iubet  
 Sed more vestiri Gabino  
 Patritios habitus, & illos  
 Pro nigricantis syrmate tegminis  
 Profert amictus, quos diademata,  
 Quos scepra, quos omnes videre  
 In medio cupiant Senatu.

ODE IV.

Ad

Ad

A D

HEDVIGEM IABLONOVIAM

Supremi Exercituum Ducis

Filiam.

*Dum IO ANNI KRASINI  
desponsaretur.*

**Q**uem Leda mallet, quàm dare Castore  
 Præfert Achilli quem proprio Thet  
 Nubis KRASINIO IOANNI  
 Pulchra IABLONOVII vireti  
 Pomona; deducens IABLONOVIO  
 E Patre Mavortem, KASANOVIÀ  
 E Matre Bellonam, vicissim  
 Ipsa novos paritura Martes.  
 Ut ut querenti perfidus Orpheo  
 Hymen serena pro face flebilem  
 Fumum refuscitat, nec omen,  
 Vel proprium sine nube vultum  
 Ostendit; at vos connubialibus  
 Magis fidelis convenit ignibus,  
 Non dira cum tantas adunat,  
 Sed melior paranympa mentes.  
 Fortuna. Nec Thrax Euridicem Orpheus  
 Heben Polonus sed capit Hercules,

Ad-

Admetus Alcestem, venustam  
 Mars clypeo melior Dianam.  
 Tu nata magno sanguine Cynthia  
 Ignara nubis, Tu Iove prodata  
 Tonante Pallas, Christiani  
 Tu rutilans Cynosura Solis.  
 Tu pulchra pulchræ Filia Gratæ,  
 Minerva Iunonis, melior Tui  
 Pandora sæculi, Dearum  
 Una nurus, graviore multas  
 Præis cothurno, quam famulus Pudor  
 Candorq; pleno circumit agmine,  
 Quam blanda comitas amico  
 Illicium statuit IOANNI.  
 Iam vota felix sume, vel ultimus  
 Quæ discat Orbis! Vive: adamantibus,  
 Auroq; textiles obryzo  
 Vive dies, placitumq; sume!  
 In vota Sponsum. Vivite! vivite!  
 Utriq; longis vivite sæculis,  
 Utriq; , & in vestris avitas  
 Pignoribus cumulate ceras.

## ODE V.

F

AE

Ad-

AD

HIERONYMUM  
AVGVSTINVM  
LUBOMIRSKI

Supremum Regni Poloniæ Thesaurarium,  
Ressoviensem Scholarum  
Piarum Fundatorem.

**N**Unquam Drusorum sanguis ab arduis  
Cessavit armis; à strepitu, minis,  
Nunquam à resultanti tumultu  
Scit requiem SRENIAVA motis  
Pugnator undis. Sæpè voragine  
Vastâ ac hianti gurges hic æstuat,  
Ingenſq; vis illi, nec unquam  
Lenè fluit, nimiâ frequenter  
Sed sævit irâ: saxa cui, graves  
Oppone rupes; in scopulos ruit,  
Firmosq; saxorum lacertos  
Vexat atrox, fluidoq; cuncta  
Assultat iclu. Sic agit horrido  
Fluctu tumescens Adria; sic agit  
Et ille qui pro aquis rubenti  
Sæpe fluit Rubicon cruore.  
Quæ verò tanti Numina fluminis?

Quis

LYRICORUM LIBER III.

123

**Quis SRENIÆ** perspicuas facit  
 Spumare sic lymphas? ut arma,  
 Ut galeas clypeosq; volvant?  
**Nec sola vastis littora fluctibus**  
 Pulsent, sed Hæmo, sed grave Pelio  
 Offæq; deferant duellum  
 Sangvineis saliendo spumis.  
**Tu, Tu ille tanti Fluminis es Deus,**  
**Tu Martiales erigis altiùs**  
 Aqvas, ut immensis redundant  
 Vorticibus, subitisq; semper  
 Stridant procellis. Tu refluentibus  
**Neptunus undis, Tu pelagi Pater;**  
 Quod arva, quod cautes, potenti  
 Quod scopulos feriat fragore,  
**Tu LUBOMIRI Maxime.** Non tamen  
 Spumante Ponto, non fragor editur  
 Latrante Scylla, sed crepantis  
 Fit sonitus strepitusq; ferri.  
 Fluctusq; surgunt non alij, nisi  
**Quos mucro movit; nec regit hic Thetis,**  
 Bellona sed Mater; tridente  
 Res agitur neq; , sed trabali  
 Res constat hastâ. Pro scopulis novæ  
 Petuntur arces; saxa nec ampliùs  
 Tunduntur, at muri; nec agri,  
 Sed validæ feriuntur arces.

F 2

Nec

## 124 BENEDICTI A S. IOSEPH

Nec Phæbus hîc iam tingit equos levi  
 Instructus arcu, sed vehementibus  
 Mars acer armis, cûi capillus  
 Non rutilo renitescit auro,  
 Sudore sed frons, ense riget manus:  
 Quem lenta nunquam balnea noverant,  
 Non molle Nympharum cubile,  
 Sed gelidæ tenuère thermæ.  
 Sic illa primis sanguine gestijt  
 Ætas ab annis, sic clypeo super  
 Reclinis, aut hastâ iuventus  
 In patrio Tibi crevit amne  
 O! LUBOMIRI. Mars dederat cavo  
 Ab ære signum, non Tibi culcitra,  
 Non suavè nutrices canentes,  
 Sed rigidæ placuère conchæ.  
 Parvoq; Achilli non alius thorus  
 Quàm scuta, duri quàm gladij brevem  
 Dedere somnum. Crevit ætas  
 Threijcium sonitq; postquam  
 Ad arma cornu, Tu velut Africi  
 Buriq; motus turbine; barbaras  
 Excurris adversus phalanges,  
 Ac Getico metuendus Hæmo,  
 Spumantis instar voveris æquoris,  
 Littusq; non iam, Thressa minacibus  
 Sed castra verberas procellis,

Et

Et rapido propè mergis alto.  
 At primus in nos arma Borysthenes  
 Sumpsit rebellis, mancipium antea  
 Et vile vulgus, Lerna putris  
 Multiplices pariens sed Hydras,  
 Et mille semper monstra: cœercuit  
 Quæ mucro quamvis Sarmaticus, tamen  
 Illæ renascebantur Hydræ,  
 Quæ Herculeas etiam fatigant  
 Subindè vires. Iverat Hercules  
 Mavorisq; noster; Tu pariter Tuum  
 Post Herculem Theſeu paratis  
 In famulū populum catenis.  
 Verùm obsolescit gloria sæpius  
 In hoste vili; nec satis ad decus  
 Plebeia carrago, triumphus  
 Nobilior, quoties arenam  
 Par monstrat hostis. Quare Oriens Tibi  
 Audaciori quæritur æmulo,  
 Geluq; concretas, acutâ  
 Nec glacie Geta vidit undas.  
 Palmare flumen fluctibus intulit  
 Se non supinis, naufragium statim  
 Ferendo Tauricæ, furenti  
 Ingrueras quoties fluento.  
 Vexilla pugnax quæ tulerat manus,  
 Regnantis & quæ gratia Principis

Infomnis in munus laboris  
 Ultro dedit, Tibi militare  
 Ad bella signum! non puduit sequi  
 Martem vel ipsum, quandoquidem manu  
 Vexilla portabantur illâ,  
 Quæ gladio nisi, vel tripenni  
 Affveta telo. Mox iterum gravem  
 Implevit ingens Scipio dexteram:  
 Et hic paludatos, Achillis  
 Hasta velut, peperit triumphos.  
 Nunquam in virili nempè manu rude  
 Inersivè telum. Clavi etiam potes  
 Præstare, quod clavâ; loco arcæ  
 Si solidas referabis arces.  
 Ibit per ipsas fama Propontides!  
 Tantiq; fulgor Nominis aureum  
 Evincet Hermum: non Idaspem  
 Non tumidum magis æstimabit  
 Fortuna Gangem; pulchrius alluit  
 Qui scuta pro auro, fert Garamantide  
 Qui tela pro gemmâ, corusco  
 Qui remeat SRENIAVA ferro.

## ODE VI.

*Nemo Patriæ tanta tribuit, ut nos  
 plura acceperit.*

Tan-



**T**anta nemo Patriæ  
 Rependit unquam, quanta de benigno  
 Bius accipit sinu.  
 Utcunq; nasci fit bonum perennes;  
 Ast ali perennius.  
 Laus sola, quod gignant, penes Parentes;  
 Amplior sed Patriæ.  
 Sustentat, educat, fovet, tuetur,  
 More matris optimæ.  
 A bellicis phalangibus secundat,  
 Hostiumq; turbine.  
 Spirare si licet malis repulsis,  
 Omnis inde spiritus.  
 Hoc fonte manant gratiæ, beata  
 Hoc volupta margine,  
 Felicitas hoc omnis ex fluento.  
 Vana Patriæ Patris  
 Plerumq; nomina, tituli tumentes.  
 Vel profuso sanguine  
 Das debitum Matri tuæ tributum.

ODE VII.

AD

M A R C U M

M A T C Z Y N S K I

Terrarum Russiæ Palatinum.

Varezensē Scholarum Piarū Fundatorem.

F 4

Eone

EOnè tendam præcipiti ferox  
 Vates volatu? quò celeres vibrat  
 Sublime per nubes & auras,  
 Æthereis propior coluris  
 Festinus alas Accipiter? petit  
 Quò celliorum lumina syderum  
 Nimboſq̄, inaccessosq̄ tractus,  
 Et reliqui nova regna mundi  
 Impune pennis scindit alacribus?  
 Inuitatos nec tenues agis  
 O Magne MATCZYNI! volatus,  
 Accipiter properas avitus  
 Adurget alas, cūi paribus comes  
 Inſtructa plumis Gloria ad ultimos  
 Uſq̄ uſq̄ luſtatur Triones,  
 Teq̄ ſuis ſuper aſtra pennis  
 Portare tendit. Profer in æthera  
 Corpusq̄ mentemq̄, effugit infimas  
 Mens magna valles, quam ſub ipſos  
 Dexteritas vehit ipſa cælos.  
 Credetis? urbes, & capitis minor  
 Recedit orbis, regna volatilem  
 Ivere ſub pedem. Io magne!  
 Heſtor ovas, ſuperoq̄ nomen  
 Inducis axi. Te ſuper algida  
 Remotioris littora Boſphori,  
 Dacumq̄ Getulumq̄ ſupra

Fama vehit, Rhodaniq; canas  
 Excedit undas. Ibis & ultims  
 Noscere Colchis; ibis & ultims  
 Noscere Baëris, Fama promptam, &  
 Accipiter movet ultrò pennam.

## ODE VIII.

*Nibil in mundo securum, quod  
 prosperum.*

Stat nulla certo prosperitas loco.  
 Rerum beatos tangere limites,  
 Immane portentum, omne lætum  
 Ambiguo solet ire passu.  
 Quæ firma credis, continui docent  
 Caduca casus: non ebori fides,  
 Aut pallet, aut rubet, molestâ  
 Nulla caret Cynosura nube.

## ODE IX.

AD

REMIGIUM SUSZYCKI

Cracoviensem Canonicum,  
 Scholasticum Lanciciensem.

F 5

Se.

*Serenissimorum Principum*ALEXANDRI  
& CONSTANTINI*Moderatorem.*

C Hironè sub quo, sapius interest,  
 Et magni Achilles à teneris statim  
 Formentur annis, ad Coronas  
 Et geniti vigilem requirunt  
 Omnino curam. Nos adeo sumus  
 Qui turba simplex, qui populi sumus  
 Servire nati, subditosq;  
 Quos rutilus dedit esse sceptris  
 Natale fatum, præcipuos tamen  
 Semper Magistros poscimus, ultimam  
 Minante natura ruinam,  
 Ni ingenuâ stabilitur arte.  
 Iam verò Regum quos diademata,  
 Quos cincta summis purpura fascibus  
 Expectat, & regale obryzum  
 Quos cupidis manet ultrò votis,  
 Quantum educari pertinet! indoles  
 Privata quando negligitur, sibi  
 Vel admodum paucis nocebit,  
 Exiguum paritura damnum.

At

At quos theatri publica Principis  
 Orchestra poscit, cūi cydares student,  
 Cūi summa maiestas paratur,  
 Hic proprio famulūq; damno  
 Nutritur orbis, si male sedulam  
 Custodis Argi respuerit scholam;  
 Et si gubernatrix ab ipsis  
 Non fuerit bona norma cunis.  
 Sunt multa regnis damna, nec interim  
 Durare possunt; à male Principis  
 Regnantis instructā iuventā  
 Perpetuæ populosq; vexant  
 Regnumq; clades: nec licet his malis  
 Sperare finem, ni vel in ultimo  
 Agone Regnantis, vel ipsis  
 Dum veniunt sua busta regnis.  
 Hinc ita magnos cura frequentius  
 Movit Philippos: hinc Theodosijs  
 Impensus est labor, quis esset  
 Arcadij moderator? & quo  
 Ductore posset tam Imperij gravem  
 Subire molem, quàm diademate  
 Cinctus, paludata decoram  
 In trabea perhibere scenam.  
 Hinc & IOANNIS sollicitum petit  
 Res istā pectus, quo nolo Lechicæ  
 Crescens ALEXANDER coronæ,

## 132 BENEDICTI à S. IOSEPH

Quomodo Sarmaticis & alter  
 Natus triumphis Filius indolem  
 Ad regna formet, formet & inclitam  
 Dignamq; CONSTANTINO opimis  
 Imperijs solijsq; mentem.  
 Nam si IACOBO Sarmaticas prior  
 Lucina spondet Iunoq; purpuras,  
 Non vult ALEXANDRUM, corusco,  
 Non alium spoliare Fratrem  
 Intendit ostro. Sunt ea nomina  
 Formata sceptris; est ea maximi  
 Fortuna Patris, Filiorum ut  
 Quisq; suam teneat Coronam,  
 Regniq; pomum: cum Iagelonic  
 Et Casimiro non patrius nisi  
 Servivit Orbis, sed relictam  
 Regna alibi petière prolem.  
 Fortuna nullum deseret; omnibus  
 Sunt regna natis, si puerilibus  
 Non desit informator annis,  
 Spemq; novis foveat tiaris.  
 Tu tu ille tantæ rector es indolis,  
 Tu ad Scepra formas progeniem optimi  
 O digne SUSZYCCI IOANNIS,  
 Tu Lechicæ sobolem MARLÆ.  
 Augusta proles vel sapientiam,  
 Vel fræna mentis discit, & ubere

In

In regna plausu, se Leonem  
 A tenero manifestat ungue.  
 Crescit futuris gloria sæculis;  
 Orbisq; spectat, quantus hic Hercules,  
 Et ille quantus est Achilles,  
 Deq; tuæ studio Minervæ  
 In quanta surgit culmina Patrio  
 Ornanda Scuto. Iam video, æquitas,  
 Et illa quæ Reges adornat,  
 Temperies bonitasq; morum,  
 Vultûs sereni blandaq; comitas,  
 Regniq; legum magna perities,  
 Et cuncta, quæ Regnante digna,  
 In dociles abiere mentes,  
 Sed te Magistro. Quandoquidem tibi  
 Fortuna nostri credita Cæsaris,  
 Da vela lætus, spesq; nostras  
 Sollicitis moderare remis.

## O D E X.

*Sic quosdam Fortune favor, vel vir-  
 tutis commendavit opinio, ut ipsa  
 vitia putentur virtutes.*

**H**ercules toto celebratur orbe,  
 Hercules pulchris ubivis triumphis:  
 Ple-

Plenus incedit, faciuntq; grande  
Sæcula nomen.

Quod Leo quondam Nemeæ timendus  
Sensit oppreffos graviter lacertos,  
Et quod impactæ gemuit sub alto  
Vulnere clavæ;

Quod coruscanti radians in auro  
Mænali demum superata cursu  
Cerva pernici, quod & Hydra strictum  
Hauserit ensẽ;

Non levis Taurus populis quod horror  
Hesperijs olim reboans in agris,  
Quodvè Sus vastæ Arcadiæ potentem  
Senserit ictum;

Lata discurrrens canit universum  
Fama per mundum, memoresq; fasti  
Herculem clamant, sua dantq; tantis  
Præmia gestis.

Et tamen scimus, quod & impudenti  
Est Leo donum positus puellæ:  
Scimus horrentes maduère nardo  
Quomodo crines.

Scimus, ut duro manus illa ferro  
Nata, vel fufum muliebre fumpfit,  
Vel tubam ponens cecinit nugacis  
Carmina pleçri.

Scimus, ut clavam pudet hæud virili

Fam  
FlexiHerc  
Semp  
HercProb  
Orb  
QuoCre  
-Op  
IpsaSit  
Cre  
Qu

S

E



Fæminas inter studuisse penso,  
Flexit ut Martis soboles ad unam  
Transfuga lænam.

Hercules felix tamen inter istos  
Semper excessus, vetus illa magnum  
Herculem clamat, memoratq; præsens  
Sæpius atas.

Proh! quid id tandem? scelerum nefandas  
Orbe quod toto celebretur hæres,  
Quod sub illustris vitium triumphet  
Pallio honesti.

Credo Fortunæ favor est, & illa-  
-Opinio gestæ semel orta vitæ,  
Ipsa virtutes putet ut tenaci  
Crimina sensu.

Sit miser, certos habeatq; navos,  
Creditor magnus: quia fama pronis  
Quem levat ventis, etiam per ipsas  
Emicat umbras.

## ODE XI.

AD

STANISLAVM WITWICKI  
Episcopum Posnaniensem.

Ergo minacem fatidica face  
Planeta vultum, & prodigialium

Arca

136 . BENEDICTI à S. IOSEPH

Arcana Saturnus dierum

In Lechicum quoq; portat orbem?

Pridem Cometarum exitialibus

Ardemus astris ; firmate longior

Pridem redardescit favilla

Igniferis metuenda virgis.

Credetis? io ! flammivomos trahens

E nube crines sydus in Arctico

Fulsit Polono , faustiori

Sarmaticis radiavit igne

Planeta terris. Surgite Sarmatae

Et emicantis lumina syderis,

LUNAMq; , nativalsq; STELLAS

Multisonis celebrate filtris.

O D E XII.

A D

M I C H A E L E M

à Visitatione B. M. V.

Scholarum Piarum.

*Post administratum optimè gesti  
Provincialatus munus, Religiosa sua  
quieti modestissimè vacantem.*

**N**on illa imperij fames ,  
Non hæc sollicitæ cura superbiæ,

Ho-

LYRICORUM LIBER III.

137

Humanam beat indolem,  
 Sed desiderijs parta pijs quies,  
 Savi nescia turbinis,  
 Ipforumq; potens æmula Cælitum.  
 Hâc Tu pace beatior,  
 Quàm si Bactra tuis subdita nutibus,  
 Vel subiecta foret Tyrus,  
 Vel dives Phrygiæ Persia purpuræ.  
 Inter dum Iuvenes manes,  
 Quos primò teneræ vere puertiz,  
 Vitæ sancta serenitas,  
 Circumfusa suæ luce modestiæ  
 Unos format in Angelos,  
 Et planè medium constituit polum.  
 Nil tali meliùs domo:  
 Nil post Empyreas nobilitis plagas.  
 Terris esse domesticum,  
 Et cælos humili tangere vertice.  
 Sed Tu non MICHAEL fores,  
 Ex his Angelici ni fierent chori.  
 Princeps Militiæ Sacræ,  
 Verbo & compositis moribus eminens,  
 Comprêndis fatis omnia,  
 In se, quæ inferior continet Angelus.  
 Tantâ cumq; modestiâ  
 Privatus tacito vivis in angulo.  
 In nos imperium tamen

Et

## 138 BENEDICTI à S. IOSEPH

Et quædam placidi sceptrâ tenes Patris.  
 Nam quidquid sumus, est tuum;  
 Et nostrum esse, tuo ex esse stat, & stetit.  
 Da signum MICHAEL tubâ,  
 Et prompti sequimur classica milites.

## O D E XIII.

*Didonis, & humana in promissis  
 suis inconstantia.*

**M**E prius tellus subito dehiscens  
 Sorbeat, totam rapiatq; hiatu,  
 Me prius vortex ferat, & profundum  
 Mittat in amnem.

Me vel immiti iaculetur arcu,  
 Vel nimis sævis perimat severus,  
 Fulminum nimbis, pluvioq; tollat  
 Iuppiter igne.

Ut vel infernas Erebi sub umbras,  
 Tetra pallentis vel in antra mortis,  
 Et tenebrôsæ miseranda pergam  
 Limina noctis.

Te Pudor quàm si violè, vel illa  
 Iura dissolvam, quibus obligata  
 Hactenus vixi, retinens prioris  
 Fœdera vitæ.

Re-

Regna  
 Vel tu  
 Delph

Nec I  
 Cui fi  
 Serve

Audij  
 Ille q  
 Hæc

Dicis  
 Ecqu  
 Ignis

Sepi  
 Non  
 Fom

Cer  
 Hor  
 Int

Ure  
 Im  
 Hir

Regna vel Mavors Rhodopenq; donet,  
 Vel suam Delon, Clariosq; fines,  
 Delphicam Lesbou, tribuatq; dites  
 Phæbus Amyclas.

Nec Iovis Cretam volo; prima quondam  
 Cui fides à me fuit: illè nostros  
 Servet affectus, alium recuso  
 Nosse maritum.

Audijt tristi recubans in urna  
 Ille qui primos tenuit iam amores,  
 Hæcq; commotus loquitur dolenti  
 Corde Sichæus.

Dicis id nostris malefida tædis,  
 Ecquid internum tenet ille pectus  
 Ignis, ut totas vehemens adurat  
 Flamma medullas?

Sepibus tædas adhibeto, tanto  
 Non flagrant æstu, stipulamq; non sic  
 Fomes exurit, mala sponfa quanto  
 Ureris igne.

Cerva defixo semel icta telo  
 Horridis errat fugitiva sylvis,  
 Interim nescit, latus alta quando  
 Læsit arundo.

Ureris Dido, neq; Luna svavem  
 Impetrat somnum; vacuas per ædes  
 Hinc & hinc curris, positiq; marces  
 Langvida stratis.

Et licet prandes , licet inquieta  
 Sæpe convivæ loqueris , sub imum  
 Intrat Æneas penetrabile capti

Non bene cordis.

Interim cessant operæ , nec Urbis  
 Tecta consurgunt , validæq; turres  
 Et domus cessant; posito quiescunt

Mænia vallo.

In nemus fert mens ; it odora ponè  
 Vis canum , stipant equites , Phrygumq;  
 Est frequens tecum comitatus , aditat

Dardanus hospes.

Credis in nexos quod itura casses  
 Ursa , vel misso iaculo quod Afram  
 Tigridem prorsus perimes , ferumq;

Dente leonem?

Non aprum , fulvos neq; tanta cervos  
 Quærit indago ; capienda laxo  
 Dama tu reti , peritura tenso

Tu lupa casse.

Fulgurat cælum , sequiturq; plenus  
 Grandinis nimbus , nova quisq; quærit  
 Tecta , sub tanto queat ut latescens

Sistere nimbo.

Troius Æneas fugit , & tu eandem  
 Sola speluncam petis : ardet æther  
 Igne , sed nec tu misseranda parvo

Ureris æstu.

Obf  
 Obf  
 Et V

Coni  
 Et te  
 Nesc

Fing  
 Pell  
 Crim

Ha  
 Exp  
 Heu

Sæp  
 Sæp  
 N-r

Ver  
 Et f  
 Nos

Ha  
 Ira  
 Ira

Obstitit rectum , pietasq; , primus  
 Obstitit sanè pudor ; at Cupido  
 Et Venus vicit, quia prostitutum es  
 Passa pudorem.

Coniugem dicis , sceleris sub isto  
 Et tegis nomen titulo? supernus  
 Nesciat tanquam polus, & corusci  
 Regia solis.

Finge proüt visum; vaga fama turpem  
 Pellicem spargit, penetravit iste  
 Criminis rumor Lybiam , meaq;  
 Detulit auri.

Hactenus fractum Phrygiæ pudorem  
 Exprobat læsus Dominæ Sichæus;  
 Heu! quotus nostrum gravioris haud est  
 Criminis author?

Sæpius cælo , superis vovemus  
 Sæpius Divis ; maculandus ullo  
 Nemo quod nostrum vitio sequentes  
 Vivet in annos.

Venit interdum brevis hora, parvum  
 Et suæ poscit spatium voluptæ ;  
 Nos Dei obliti scelerum lutosi  
 Mergimur undis.

Hæc dies dicit, quia nulla nostrum  
 Ira pulsabit violenta pectus ;  
 Ira non tantum, subeunt sed atri  
 Castra furoris.

142 BENEDICTI à S. IOSEPH.

Hæc dies dicit, quia nulla puram  
Vis subintrabit minus apta mentem ;  
Heu ! Venus nostris quoties potitur

Integra castris.

Hæc dies dicit, quia non avaro  
Vile quæretur studio metallum ;  
Ecce non aurum, minimus sed hæret

Pectore nummus.

Hæc dies dicit, quia lassâ morbis  
Ad suum rectum remeabit ætas ;  
Sanitas venit , tenet omnis ægrum

Vita teporem.

Millies cælo, superis vovemus ;  
Millies cælo superisq; factum  
Frangimus votum , similes furenti

Semper Elisæ,

Heu ! quid infidi superos , Deumq;  
Ludimus ? lapsi meminit pudoris  
Impudens Dido, temerumq; lavit

Sanguine crimen.

Nos Dei iustam retinentis iram  
Prorsus obliti , scelerum vadoso  
Mergimur cæno, immemores sequentis  
Undiq; pænæ.

ODE XIV.

AD



A D

RAYMUNDVM  
à S. CATHARINA

Scholarum Piarum.

*Dum ei Author Lyricorum suorum  
curam commendaret.*

VT absq̄ n̄vo vivis, & integra  
Servas profundæ regna modestiæ,  
Sic vive mi RAYMUNDE; nostri  
Interea memor esto partûs.

Labore proles nata meo, meâ  
Qualiq̄ Musâ, Matre; domesticis  
Non vult supersedere tectis,  
Sed mediij cupidè theatrum

Aspirat orbis. Non, modico memor  
Se Patre natam; non, inopum memor  
Natalium fortis, per urbes  
Per varias cupit ire terras.

Mitto, protervus quò trahit impetus,  
Custode sed Te: fit tenuis licet  
Pauperq̄, Tu contende, ut omni  
Circumeat tamen absq̄ n̄vo.

ODE

AD

## ODE XV.

A D

*Vetustissimam*CORVINORUM  
Familiam.*Cum suo CORVO diutissimè  
perennantem.*

**V**T ut sit ipsis vana superstitem  
 Vixisse CORVUM fabula sæculis,  
 Vester secuturos legendam  
 Historiam dedit in Nepotes.  
 Non una CORVUM sæcula grandibus  
 Implere fastis, postquam adamantinis  
 Is ipse captivam catenis  
 Parcæ agiles agit ante currus,  
 Et pro tributo stamina strenuæ  
 Prolixa vitæ mandat aheneis  
 Ducenda fufis, temporumq;  
 Pensa gravi solidanda ferro.  
 Et cum frementis monstra Propontidis,  
 Aut æstuosi regia Bosphori,  
 Austereq; inaccessiq; Phocæ,

LYRICORUM LIBER III.

145

Et gelidi simulacra Cauri  
 Plerosq; terrent à medio brevis  
 Ardore cursûs, ille tot impiger  
 Decurrit ætates; volucrem  
 Nec spatjs cohibet volatum.  
 Vos illa tantæ, Vos Soboles Avis,  
 Vos è Quirinis proveniens jugis  
 O! Magna CORVINI propago,  
 Per Proavos Atavosq; longum  
 Impletis ævum: cùmq; alias domos  
 Absumit ignis, vel violentior  
 Everrit Eurus, aut hiulcis  
 Trux Boreas, Aquiloq; nimbis,  
 Vastantq; fessis tempora sæculis;  
 Vos à tot annorum ordinibus gravem  
 Nescitis occasum, perenni  
 Sed solidos adamante menses,  
 Sed ducta duro sæcula marmore;  
 Sed fusa forti, ac impenetrabili  
 Momenta ferro, sed metallo  
 Perpetuas numeratis horas.

ODE XVI.

A D

VINCENTIVM à S. IOSEPH  
*Dum Romam ad Generalia Comititia  
 electus illuc infirmus ires, & tan-*  
*dem*

G

*dem sanus, & Scholarum Piarum Provincialis rediret.*

**N**il fata versus, nil adamantinos  
 Contra Polorum possumus ordines;  
 Ut quemq; virtus, vel benignè  
 Respiciens Cynosura blando  
 Dignata vultu, quemq; suæ Deus  
 Commisit urnæ; spebus hic illico  
 Illudit humanis, videtq;  
 Consilij hominum supremum  
 Non stare Numen. Te licet arida  
 Depasta febris, Te macies licet  
 Morbusq; non cessans ad almam  
 Ire diu prohiberet Urbem:  
 Periculosum fida cohors neq;  
 Permisit unquam aut svasit iter; tamen  
 Te Fata spem præter, beatæ  
 Incolumem statuere Romæ.  
 Quem fata amico prona fovent sinu,  
 In seq; cælum suscipit, huic nihil  
 Humana vis obest: per ipsa  
 Letiferi quoq; colla morbi  
 Calcando pergit: nec pueriliter  
 Deridet ægrum, nec iocularibus  
 Vexat cachinnis, ast amicâ

Pren-

LYRICORUM LIBER III.

147

Prensat honor recreatq; dextrâ.  
 Sic post flagrantium tormina febrium  
 In sanitatis promptius essedo  
 Te prima devexit potestas,  
 Præpositi officiumq; Patris.

ODE XVII.

A D

ANDREAM ŁACKI

Infulatum Olycensem  
 Gnesnensem, Loviciensm,  
 Canonicum

Tribunalis Regni VicePræsidentem.

Fama refer, nostris iterum se transfuga re-  
 sistere visa Themis. (gnis  
 Nec iam per varias extorris currere sedes  
 Vel vaga tecta cupit,  
 Postquam ŁACCIA CIS defendi sentit ab  
 Seq; suamq; domum. (Hastis  
 Non audet vitium grandes attollere cristas,  
 Tela nefas reprimunt.  
 Et malefana coqvunt aliquam si pectora cul-  
 Pæna comes sequitur. (pam;  
 Tuta fides, nulliq; patent sua limina fraudi,  
 Nec sua tecta dolo.

G2

Hinc

148      BENEDICTI à S. IOSEPH  
Hinc taceat veteres ætas tranfacta Solones,  
    Numina Iustitiæ.  
ANDREÀ divina Themis præ Iudice, nul-  
    Iura petunt alium.

ODE XVIII.

A D

IOANNEM BONAVENTVRAM  
K R A S I N S K I  
Palatinum Plocensem.

*Dum Varsavia sumptuosissimum  
Familie suæ palatium erigeret.*

Non regna mundi, non Phrygias ego  
    Inviso moles, non Babylonios  
    Prospecto muros, sat dum in illa  
    Pono pedem vetus hospes urbe,  
Quæ prima nostris Principibus data  
De lege sedes, quæve, vacat thronus  
    Si quando Lechicus, vacanti,  
    Prima legit Dominum Coronæ.  
Hic hic Qvirites quantam ego surgere  
Contemplor ædem, quam neq; Punica  
    Molita Dido, quam stupenti-  
    -Anchisiades oculo revolvens

Non

LYRICORUM LIBER III.

149

Non vidit unquam, conspicio domum,  
Magale quondam. Pars manibus suis

Immensa volvit saxa, grandes

Pars alia è Parijs columnas

Excidit instans rupibus. Arx Iovis

Non illa tanti, Regia non fuit

Ac illa Solis, & pyropi, &

Cujus ebur rutilum tegebant

Ut tigna, sic omnem undiq; parietem.

Non illa Memphis pyramide in sua,

Dictynna vel templo; superbâ

Majus opus Babylone, magnæ

Urbiq; compar penè domus: potens

Quam si videbit Iuno; suam statim

Samum relinquet, & KRASINÛ

Magnificas habitabit ædes.

ODE XIX.

A D

IOANNEM CHRYSOSTOMVM

a S. PAULO

Scholarum Piarum

Per Poloniam & Hungariam

Visitatore[m] Generalem.

Descende celsis hospes ab Alpibus,  
Hetrusca non Te detineant juga!

G3

De-

150 BENEDICTI à S. IOSEPH

Descende ! Florentina Chloris  
Non patrijs remoretur hyblis.

Et nostra tellus explicat uberes  
Planosq; campos , & Lechicæ sua  
Sunt præta glebæ , sunt fragrantés ,  
Lætus ubi spatieris , horti.

Quidquid moratur magne CHRYSOSTO-  
Fixumq; reddit; pone moras, amor (ME  
Te nôster, aspectusq; nôster  
Sollicitis vocat ultro votis.

Auditis ? ut jam Fama volucris  
Se tollit alis, utq; CHRYSOSTOMUM  
Venire per campos , per urbes,  
Et cupidus perhibet per aures.

Imus Poloni ! lætitiâ viæ  
Plausuq; frendent ; it Calasantia  
Pubes , & arctis destinatum  
Læta tenet manibus IOANNEM.

O D E XX.

*Rerum omnium jactura reparabilis,  
præterquam temporis.*

**T**hesauris Arabum majus, & aureo  
Pactoli pretio tempus, inanibus  
Si transit studijs , irreparabile  
Damnum , & perpetuum malum.  
Fortunæ varias ut quis opes diu Fe-

Felix  
Poffe

Et ta  
Iullu  
Duci

Hic a  
Resta  
Iactu

Priv  
Priv  
Qva

Bell  
Alto  
Et

Hic  
Liv  
Se

Te  
So  
Da



Felix in propriam detulerat domum,  
Posseditq̄, niger quas habet Æthiops,  
Pleno divitias sinu.

Et tandem miseram pauperiem pati  
Iustus sollicitos in tenui lare  
Ducit sæpe dies, exiguus focus

Lautas nec retinet dapes.

Hic amissa potest prædia, pauperem  
Restaurare domum, qui modici subit  
Iacturam minimam temporis, omnibus

Fert damnum gravius malis.

Privatur placitis alter honoribus,  
Privariq̄ dolet: sed veniet dies,  
Quando munifici gratia Principis

Largis depluet imbris.

Belli præcipitem perdidit aleam  
Alter sanguinei, mox animum erigit,  
Et vires revocans egregius redit

Fusus victor ab hostibus.

Hic famæ subijt grande periculum  
Livorisq̄ minas, mox iterum innocens  
Se virtus perhibet, famaq̄ subdolis

Fit non læsa cuniculis.

Tempus dum stolido perdimus otio  
Socordesq̄ dies, nemo refarciet  
Damnum, præteriti consilio carent,

Quo passu redeant dies.

Si rectè sapias , nec minimum boni  
 Abstumes spatium temporis, vnica  
 Nam vel si hora abeat, non retinebitur  
 Multis deinde repagulis.

## ODE XXI.

IGNATIO  
 à S. STANISLAO  
 DOMINICO  
 à S. THOMAAQVINATE  
 VENCESLAO  
 à S. FRANCISCO

*Scholarum Piarum Religiosis; uteris  
 nis Fratibus.*

Quid vestra nobis attulerit trias,  
 Quid eruditæ mentis, & ingenii  
 Gaza illa dives; nemo nescit,  
 Invidiæ nisi quem malignus  
 Adurit ignis. Cum reliquis tuba  
 Et dura Martis classica Fratibus;  
 Cum castra Bellonæ, vocantis  
 Cum litui placuere campi;  
 Vos ad quietæ Palladis otium,

Vos

Vos castra seu ad claustra modestiæ  
 Iuistis, innocente vitâ  
 Egregium peragendo cursum.  
 Sed castra spernunt, claustraq; desides  
 Odere mentes, his gladius datur,  
 His penna, prout cuiq; visum,  
 Hoc meritam trahit amne laudem.  
 Ad arma quos Mars Sarmaticus suo  
 Accendit æstu, sanguine congruum  
 Soluere iam pensum, Minervam  
 Ingenio, calamoq; prompti  
 Vos fœderatam redditis, indole  
 Illâq; nostram per CALASANTIDEM  
 Regnatis insignes, ut ipsa  
 Non alibi reperisse Pallas  
 Potentiolem gaudeat ægidem,  
 Non regna Svadæ, quam dociles ubi  
 Cujusq; vestrum tam eruditè  
 Introijt, tenuitq; mentes.  
 Vivunt profuso sanguine nobiles  
 Post fata Fratres, ingenio datum  
 Certare vobis, hoc volantem  
 Ingenio retinete famam.

SERENISSIMÆ  
HEDVIGI ELISABETHÆ  
AMALIÆ

Principi Neoburgicæ  
Dum Serenissimo IACOBO Polo-  
niæ Principi desponsata Sarmaticos  
fines ingrederetur.

PROME terra, festiorem  
Prome tellus læta frontem :  
Sume molles compta cinctus  
Martijs egressa nimbis ,  
Quando Aprilis nuptiale  
Administat ipse festum, ferta flores con-  
Alemanni Nympha Rheni, (gere  
Maximi proles PHILIPPI,  
Cæsarum Regumq; sangvis  
Patrio fertur LEONE.  
Et marito capta SCUTO  
Principi Princeps novâ se fert IACOBO  
Iamq; cano sparsa crine (Palladem.  
Bruma sævas clausit arces,  
Durus Athlas non niveoso  
Dissipat nives Olympo ,  
Aigidis nec crudus armis

Hæmus altas stringit ornos, nō propinquas  
 Non tepentes afflat auras (arbores.  
 Eurus udo tristis ore.  
 Non fatigat insolenti  
 Vasta Caurus funda flabro,  
 Sævientis flatus Austri  
 Non meantem torquet Istrū, non Polonum  
 Quâ Neoburgica Diva (Vandalum.  
 Delicatum ferre passum  
 Allubet, statim satelles  
 Te frementis pulchra plausis  
 Scena stringit, te trecentas  
 Excitata per plateas prompta stipat gloria.  
 Blanda dulces aura risus  
 Per nitentem ducit æthram.  
 Ipsa Chloris liliorum  
 Et rosarum fert canistra.  
 Tam genistæ quam ligustra,  
 Tam cupressi, quàm racemi, nuptam adorât  
 Hospitem iam fige calcem- (Principē.  
 -Hebe nova Herculis Poloni:  
 Atq̃ segnes pone tractus,  
 Limpidus dum servit àër,  
 Prende lauros, & fatiga  
 Mille soles, mille lustra, mille Princeps  
 (sæcula.

Vtrifq̄

## SERENISSIMIS NEOSPONSIS

*Dum in Patriæ limitibus obviam,  
convenirent.*

CREDITISNE? Fama postquam  
 Nuntiat Sponsam IACOBI  
 Patrium liquisse Rhenum,  
 Et Lecho stetisse tractu;  
 Pax amæno ridet ore,  
 Ac IACOBUM dulcis Hymen ire gaudet  
 Regijs tunc læta Sponsis (obvium.  
 Sumit amplum terra cinctum.  
 Nec nivofos novit imbres  
 Nec polares sentit iras,  
 Subq̄ plantas utriusq̄  
 Spargit herbas, spargit hyblas, larga spargit  
 Hinc roseta de paterno (lilia.  
 Prodière rubra Pæsto.  
 Inde blandis nardus hortis,  
 Inde lætis caltha campis  
 Crescit, & viam decoro  
 Flore sternit, sternit omnes Flora vernans  
 Pōnit udos Cyclas imbres, (semitas.  
 Asperas hyems pruinas:

Non

Non fatigat saviēti  
 Vasta Caurus funda nimbo.  
 Excitati sed svaves

Trudit alas, trudit auras sibilus Favonij.

Lenē Vandalus susurrat,  
 Carpathus strepit choreis :

Ex Bois tollit undis  
 Lucidas Phæbus quadrigas,

Et nivis pro turbulento

Rore lætos spargit ignes, læta spargit lumi-

Perge alacri Sponse passu, (na

Perge alacri Sponsa passu ;

Iunge amicam uterq; dextram:

Vos Salus, Vos Pax sequetur,

Rifus uno, Plausus uno,

Faustitasq; Comitatusq; Vos sequetur tramite.

## O D E XXIV.

A D

ALEXANDRVM BYKOWSKI

Scholasticum Cracoviensem,

Gnesnensem Canonicum.

*Alluditur ad Gentilitium*

GRYPHEM.

R Eciprocanti Gryphs alibi pede  
 In Atticarum marmoreis capax

Lu-

158      BENEDICTI à S. IOSEPH

Ludit chorearum theatris ;  
Hic levibus patuisse circis ,  
Et cum rotanti ducere flexiles  
Gyros magistro respuit , alitem  
Sed tentat excursum , parato  
    Quadrupedem quia prona currum  
Fortuna GRYPHI iungit , & impigro  
Dat frena collo , per mare , per solum  
Fortuna cum tanto jugali  
    Per varias abitura terras  
Auriga felix. Subtrahe te moræ,  
Tardis BYKOVI subtrahe passibus,  
Et scande currum: GRYPHS paternus  
    Veligeris vehet ultro pennis.

ODE XXV.

A D

STANISLAUM DABSKI

Episcopum Vladislaviensem.

IO festivis sonet io ! campis ,  
Dignus illustri resonare plausu,  
Ipsa quem virtus merito recenter  
    Ambit honore.

Io festivis sonet io ! campis ,  
Io ! iam primis revoluta scenis

In



LYRICORUM LIBER III:

159

In STANISLAI properat decorum

Sepia nomen.

Ibis insigni per inane passu,  
Præsulum splendor, speciosa pulchros  
Fama cūi amplis cumulare pergit

Ductibus annos.

Ibis emotas super Orbis oras!

Ac diem tardo rapiente cælo  
Patriæ vives decus, & Polonæ  
Gloria Gentis.

ODE XXVI.

A D

LUDOVICVM d' ORGEVAL

Dapiferum Livoniæ

S. R. M. V Colonellum.

Bellona Marti connubialibus  
Seu juncta tædis, seu quoq; bellico  
Dilecta sit soror Gradivo  
Fulminei soboles Tonantis,  
Non curiosus disputo: sit penes  
Hæc fabulosas historias fides,  
Martisq; Minervæq; verum,  
Te fat erit LUDOVICE pullum  
Si plectra cantent. Gallia fertilis

Ple-

## 160 BENEDICTI à S. IOSEPH

Plerumq; tales educat indoles ,

Ut ad Pyrenæos Latinum

Inveniant Heliconæ montes ,

Hæmumq; bellis perpetuam domum :

Musæq; eadem Castalias colunt

Quæ forte ripas, non minori

Velivolum studio Garumnæ

Omnino servant. Sic ibi Martium

Quæ stringit ensem ; non refugit manus

Et eruditam ferre pennam,

Ingenijq; acies eadem

In mente, quæ ferri est : ibi paginæ

Vagina concors ; nec gladio nisi

Concessus est campus , disertæ

Sunt etiam sua rostra lingvæ :

Ibiq; iisdem collibus eminent

Parnassus, Hæmusq; , & cytharam solet

Audire quæ Phæbi , canoræ

Illa tubæ quoq; servit auris.

Sic Gallicæ te nutriêrant scholæ ,

Sic Musæ fovit, Strymonio simul

Ut cresceres Marti , parando

Ad geminam monumenta famam.

Ut verò pigram degenerat quoq;

Fons in paludem : non it ab ostijs

Si quando primis , & se eodem,

Natus ubi est , malè servat amne:

Et

Et planta vix se latiùs explicat,  
 Natale si illam detineat solum,  
 Nec alteri translata terræ,  
     In proprio nisi marcet agro;  
 Sic Tu Parentum limine prodiens,  
 Nec flexuosi littore Seqvanæ  
 Contentus, iuisti per amplum  
     Ulteriùs poliendus Orbem:  
 Tagiq; primo pergis ad impigras  
 Lustrator undas, qui haud ita proprio  
 Gavissus est auro, ut cruento  
     Dum micuit tua dextra ferro.  
 Hinc illa tellus, quæ veteri diu  
 Collisa Romæ, divitis ubere  
     Nunc clara glebæ, quam Britannum  
     Nereidem manifestat æqvor.  
 Hinc Scaldis ingens, hinc Venetum tibi  
 Lustrata Thetis, nubiferas subit  
     Hinc quidquid aut transcendit Alpes,  
     Et reliqvas domina inter Urbes,  
 Accessa Roma est; omnigenæ capax  
 Tu ubiq; famæ, seu lituis crepet  
     Ad arma Mavors, litterata  
     Seu studijs recreet Minerva.  
 At Marte postquam sub Lechico tua  
 Bellare virtus caput, & optimam  
     In Biaçocerkuensi theatro

## 162 BENEDICTI à S. IOSEPH

Mens habuit generosa scenam ;  
 Tunc illa quercus ( quæ nemus integrum  
 Tam cingit amplè , ut quanta sub arbore  
 Est herba tota ; tanta totam  
 Illa eadem superare sylvam  
 Annosa quercus possit ) aheneas  
 Ultro secures , ultro Erisichtona  
 Vocat , nec indignata , frondes  
 Si pariter , pariterq; rami  
 Scinduntur : ipsis dummodo adoreis  
 Servire possint , & meritam manum  
 Ornare ; tunc Dodona palmas ,  
 Tunc virides dat Apollo lauros ,  
 Ac ipsa Delos : tunc Driades suis  
 Cedunt choreis , tunc manibus novas  
 Texere quas quondam coronas ,  
 Ultro tuæ Ludovice laudi  
 Et ultro cedunt. Sed grauioribus  
 Quò plectra pergunt affona classicis ?  
 Si bella D' ORGEVAL , severa  
 Si sequeris generosus arma ,  
 Nec Pallas exfors ; tam bene literas  
 Quam castra nôsti : sic gladium foves ,  
 Ut copules Marti eruditam  
 Pieridum LUDOVICE mentem.

ODE

## ODE XXVII.

A D

IGNATIVM à S. STANISLAO  
Scholarum Piarum.

**N**Ec Te seqvacî perfida Theseo  
 Fortuna privat, nec mihi mutuus  
 Tu dêris Hercules: amicas  
 Inuge manus, paribusq; mecum  
 Insiste fœdus ponere legibus,  
 Et reddam Orestem. Peccat aheneam  
 Qvi damnat ætatem, dolorum  
 Sollicitis qveriturq; signis  
 Dedisse raros sæcula Castores,  
 Ego ipse Castor: si placet unicum  
 Assume Pollucem, & Lacones  
 Fama canet redijisse Fratres,  
 Orbisq; plaudet. Nec iuvat argui,  
 Qvod sæpe vilis, qvi prior intimum  
 Testatur affectum, gregalis  
 Miles amor famulare nunqvam  
 Nomen recusat. qvi licet impotens,  
 Dat multa, si votum nimium dedit,  
 Dum se dat ipsum. Me sodales  
 Nulla quidem tibi ferre dextras

For-

164 BENEDICTI à S. IOSEPH

Fortuna, gemmis ut pote defluus  
Non pendit ullos cūi Tagus alveos,  
Me dives ipso : fænerari  
Sed nec amor didicit, vel amplo  
Venalis auro pascere torridos  
Avarus ignes. Muneribus male  
Amor paratur, quem profufis  
Quisqvis avet retinere donis,  
Magis meretur, quàm tenet : at neq̃  
Accedo vilis sarcina, debito  
Vel absq̃ commodo, fidelis  
Si statuo monumenta cordis,  
Census fat ingens. Ditiore Indico  
Præ Gange candor, nec Mareotico  
Non maior auro, sed volucris  
Rara, fides, adeoq̃ multum  
Fæcunda, verum quælibet Herculem  
Si gignit ætas : sæcula Theseum  
Si tota dant unum, stupendis  
Indubiè focianda monftris.  
Admitte dextram, haud diffociabile  
Et scribe pactum : velle perennibus  
Et nolle servemus diebus  
Semper idem, studijsq̃ prisca  
Simus Dimantes. Quis scit in alteras  
An fama festis vecta curulibus  
Non ibit ætates, tubarum

Gran-

Grandiloqvo recitans fragore,  
 Vixisse & isto tempore Nestores,  
 Vixisse amicos, quos semel unicus  
 Ut iunxit affectus, svaves  
 Nulla dies dirimet catenas.  
 Quis scit futuris fabula sæculis  
 Non vana num & nos historiam ultimo  
 Non demus ex nobis Nepoti,  
 Unanimes retinendo mentes.

## ODE XXVIII.

A D

ERNESTVM NVGIVM

*Quid hæc omnia sunt, Opinio,  
 Laudes, Elogia? Venti.*

Qvod Te fama levat, qvod proprijs NU-  
 Sublatum manibus portet in æera (GI  
 Applaudens populus, publica fervidis

Qvod Te laus rapiat rotis.

Credis Te solidis pergere curribus,  
 Sub limiq; vehi celsius effedo,  
 Infelix Phæeton, heul per inania

Picti duceris ætheris.

Venti sunt, celebris non juga nominis,  
 Venti plaustra ferunt, & nimium levis

Auræ

Auræ temo regit, non ita frivolis

Te committe jugalibus.

Quid Thebis genito profuit Herculi?

Quid Pellæ domino? Bactra quod & Tyrus,

Gades occidua quod fremerent novis

Tanta ad nomina plausibus.

Unus follis erat, vel modicæ nisi

Flatus gloriolæ: mors subijt celer,

Et Famæ periijt fumus, in unicum

Et versa omnia pulverem.

Ingentis memores nonnisi nominis,

Et vitæ immemores vivimus, & tamen

Plausus nil hominum, nil dat opinio

Plenis turgida laudibus.

Virtutis studium qui tenet, hunc vehit

Festivis melior fama curulibus,

Importatq; polo, cellaq; prosperis

Fert in sidera passibus.

### ODE XXIX.

A D

LVDOVICVM ZALVSCIVM

Suffraganeum Præmysliensem.

Q Vis Te Parentis gloria maximi  
ZALUSCIANÆ splendor originis

Effu-



Effudit ignis ? quæ superna  
 Parrhasio dedit Urfa cælo,  
 Qvis misit æther ? rursus ab Arctico  
 Venisne summo ? & nobilior trahis  
 Ignemq; temonemq; Solis  
 Per medios Phæton coluros ,  
 Inferq; terris. Num Tibi proprias  
 Pandora dotes deposuit , suis  
 Exuta donis ? num paternas  
 Calliope dedit ipsa sortes ?  
 Qvocunq; Præsul Te posuit die,  
 Qvicunq; & author ; non ego vilibus  
 Adscribo Te glebis , polari  
 Sed genitum venerabor AGNO,  
 Datumq; terris. Non humiles Tibi  
 Adscribo cunas , purpureo cui  
 In ore Comitas refedit ,  
 Perpetuo memoranda cultu.  
 Te Te ZALUSCI stipat alacribus  
 Laus vera plumis ; Tu Lechico novus  
 Splendor Trioni , Tu futuris  
 Materies satis ampla fastis.

## ODE XXX.

AD

A D

OTTONEM FRIDERICVM  
à FELKIERSAMB

Palatinum Czerniechoviensem.

**M** Endace ni me perfida decipit  
 Dioptra centro , cerno tuæ rotam  
 O! digne FELKIERSAMB curulis ,  
 Dumq; rotam, simul & paratum  
 Adverto currum. Non Cybele suis  
 Deesse vellet prompta Leonibus;  
 Ambiret & magnus Camillus  
 Hæc patriam properare Romam,  
 Vehiq; Victor , quem niveis eqvis  
 Romana miles sub Capitolia  
 Secutus intrantem relato-  
 -Ex Celtiberis hilarem triumpho.  
 Non ille tanti currus , ab unico  
 Cui axis auro, temo cui aureus,  
 Et ipsa curvatura puro  
 Ac radij micuère ab auro ;  
 Ut ista quamvis fracta rota est, vias  
 Habere fuso quæ nisi sanguine  
 Gaudet, triumphaliq; semper  
 Tesqva solet superare cursu.  
 I perge felix , nec vaga nubilis

Da-

Damnanda peplis lumina porrige,  
Sed inter ignes, inter astra  
Flecte tuum moderator axem.

## ODE XXXI.

## Ad Famam.

*Vt de Severissimo IOANNE & e-*  
*xistente in Valachia Polonorum exer-*  
*citu nuntiet aliquid.*

TERRÆ Parentis Nata, Fama quid files?  
Mobilitate vicens  
Viresq; eundo possidens.  
Cur nubila inter abscondis tuum caput?  
Cui oculi totidem,  
Plumæ quot extant corpore.  
Nostri IOANNES quid gerat Princeps  
Regia quid soboles? (throni?  
Quid militares ordines?  
Prutumnè victor & vagum emensus Tyrā,  
Moldaviæ populos,  
Infida Daci littora.  
Deditnè pugnae copiam mixtus Dahis  
Concanus? & Cilicum  
Armata telis agmina?

H

Ivitne

170      BENEDICTI à S. IOSEPH  
Ivitne Seres sub jugum? averfo minax  
Parthus eqvo, gravium  
Vel grande robur Bistonum?  
Hucusq; nobis innuens nihil, files  
Fama, loqvax aliàs  
Et orbe toto garrula.

ODE XXXII.

*Vana hominum cura, & fortuna-  
rum licitatio.*

QVàm sæpe spectans ridet inutiles  
Fortuna curas, dum studio nimis  
Urgente venamur superbas  
Divitias, & opes anhelis  
Votis procamur. Deficit interim  
Fortuna tantis parta laboribus  
Nostrasq; spes ludit, nec illis  
Tanto animi studio petitis  
Permittit unquam divitijs frui:  
Sed vix amicas exhibuit manus,  
Infida subducit deinde  
E medijs fugitiva castris.  
Est qui capaci condat in horreo,  
Quidquid paternis verritur arcis,  
Gaudetq;, sarculo boum si, &  
Mille jugis arat inquietos

*Osyris*

O Syris agros : est etiam sua  
 Qui laxa pandit vela cupidini,  
 Quousq; non plenas peculi  
 Tum vel opum sedet inter arcas  
 Parcus sibimet. Fit cui libera  
 Et hora non est, sæpe quod integras  
 Noctesq; consumit diesq;  
 Usq; adeo studiosus auri,  
 Et usq; nummi : cumq; superfluas  
 Avarus auceps caput opes, & his  
 Se sperat usurum, scelesti  
 Mors agili properat phaselo,  
 Et omne tollit, quidquid avarior  
 Collegit ingenti Euclio anhelitu,  
 Hæresq; vel nequam subinde  
 In cyathis nepos abligurit.  
 O ! vana multæ cura pecuniæ,  
 O ! spes inanes! quò cupidam magis  
 Mentem nutrimus, sæpe plus illa-  
 -Esurit & magis æstuantem  
 Profert orexim. Sollicitudini  
 Quandoq; nostræ sit modus. Omnium  
 Sis plenus; & gemmis & auro  
 Ultima te spoliabit hora.

## ODE XXXIII.

AD

STANISLAVM SZCZVKA,

Regni Referendarium.

*Dum à morte SAMUELIS PRAZMO-  
WSKI, Palatini Plocensis, relietam Ha-  
statorum cohortem obsequio Patrie  
tenendam suscepisset.*

**L**Aus nulla major munificæ manûs,  
Quàm postulantem dum Patriam fovet,  
Servatq; censu liberali,  
Nec modico retinet potentem  
Sumptu cohortem. Taliter efflua  
Et se profundens dextera clariùs  
Elucet, & dat eminentis  
Signa satis generosa mentis.  
Nam quid superbis nunc Arabum bonis  
Pollere prodest? Mygdonias juvat  
Tenere quid gazas? scelestus  
Si nisi regnat amor tenendi,  
Et largiendi nobilis exulat.  
Inter Virorum non ego divitum  
Exempla pono, quos avara  
Mens nisi sollicitat, fitisq; ,

Quis

Quâ parte magnâ divitiâ affluent :  
Et in petentis commoda Patriâ

Quo refluant sinu, tenaci

Nullus amor studiumq; menti.

Immane monstrum ! si patulis nisi  
Rimatur aurum faucibus Euclio :

Ad totq; fortunas, minaces

Excubias peragunt dracones:

Vel ille Serpens, Hesperidum aurea

Ad poma semper qui vigilat ferox,

Gryphesq; pennati, silentium

Ac domini nemorum leones.

Quæ liberalis dextera pulchrius

In militares effluit indoles,

Cum sicut herbam imber, vel humanum-

- Ut nutriunt alimenta corpus,

Sic ad viriles excitat impetus

Et Martialem sæpè animum favor

Regumq; Magnatumq; Regno

Protinus est cuivis parata

Fortuna, quando præmia bellicis

Sunt prompta dextris. Strenua quilibet

Audere novit, quando frustra

Nemo. Statim cadit atq; langvet

Herodâ virtus, si rude, vel parum

Videt metallum nobile, fulgidum

174 BENEDICTI à S. IOSEPH

Si ponis aurum ; & excitatur  
Et celeres agitat triumphos.  
Non peccat unquam Munificentia  
In exigentem prodiga Patriam ;  
Laudemq̄ habet, qui militares  
Irriguo fovet amne mentes.  
Sed ista quorsum ? ni Patrius Tibi  
Gratetur Orbis, ni Lechici quoq̄  
Gratentur Hastati, profusâ  
Quos retines refovesq̄ dextra  
O Magne LVCI. Non Patriæ nisi  
Hæc turma, laudi velit & tuæ :  
Tibiq̄ quælibet perenne  
Hæc levat cataphracta Nomen.

ODE XXXIV.

A D

IOANNEM BONAVENTVRAM  
KRASINSKI  
Palatinum Plocensem.

*Valerij* CORVUS in KRASINIO-  
RVM & CORVINORVM  
Nobilissimæ Familjæ al-  
tissi.



*tissimè evolans.*

Polona Corvum Vanda, vel aureo  
 Fortuna lenis copulat annulo?  
 Fortuna? vel pernix citatis  
 Fama iubet properare pennis  
 Phæbi volucrum! cum levioribus  
 Commune Nisis huic nihil aliti;  
 Qui si volaturus per auras  
 Plumigeris parat ire remis,  
 Non segnis, uno sed cum Aquilis gradu  
 Iam convolutum verberat aëra,  
 Iam sub coruscantem calenti  
 Sole domum propior sagacem  
 Non stringit acri lumine palpebram:  
 Sed sive ferri fulgor, atrocior  
 Seu urit ardor, verberantes  
 Intrepidè speculatur ignes.  
 Qui signa primo Marte sub Ausone  
 Secutus, alis, indomitis velat  
 Armis minabundos adorsus  
 Nil animo metuente Celtas.  
 Audere visus plura, severior  
 Quàm posset hostis credere, & impotens  
 Sperare Messalæ Gradivus  
 Ancipiti variante bello.

176      **BENEDICTI à S. IOSEPH**  
Vernante stipat prodroma Martium  
Bellona lauro protinus Alitem,  
Et rumor egressus tubarum  
Grandiloqvo resonat fragore,  
Non Sole tantum lora vel aureos  
Tenente frenos, Marte etiam nigrum  
Rectore **CORVUM** iam quadrigas,  
Iam celeres agitare currus.  
Nec Roma tantum cognita nobili  
Est sola pullo, per varias volat  
Illustris auras Ales, ipsa  
Præpetibusq; sub astra pennis  
Se tollit audax: quâ vitreis tumet  
Tibiscus undis, quâ genus inclytum,  
Servile nec vulgus, Poloni  
Littavicis sociantur armis;  
Ille, ille lætus fridet, & alite  
Passu triumphans sub pedibus pigrum  
Relinquit orbem. Panno concors  
Interea medijs paternæ  
Campis Coronæ postulat, & sua  
Tendenda firmis sceptrâ dat ungvibus,  
Pomumq; (quod vanis cupido  
Sæpe putans patuisse votis,  
Ut quærit amplo sanguine, sanguine  
Sic sumit amplo) porrigit aureum

Sic

Sic orbe subscribente, prono  
 Sic superum statuente voto.  
 Novo futuris carmine saculis,  
 Quod fulminantes extra Aquilas quoque  
 Sceptri capacem Nitra CORVUM  
 Imposito reperisset ostro.  
 Lechus coronas si popularibus  
 Non subdit urnis, pone tamen thronos  
 Volare vicinum, ac eburna  
 Stare iubet prope sceptra CORVUM.  
 Ubi Ducales partim apices, peda,  
 Summasque partim possidet Infulas,  
 Et inter illustres honorum  
 Magnifice vehitur curules.  
 Adhuc patentes excidio legit  
 Vocalis echo Sarmatiae domos,  
 Quarum Ales hic semper ruinas  
 Suppositis abigebat alis.  
 Dum vel quietis a Patria graves  
 Arceret iras consilij, trucem  
 Sermone vel docto, suisque  
 Auspicijs removeret hostem.  
 Tum si qua diris improba partibus  
 Produxit Hydram Lerna volubilem,  
 CRUX fortis & chalybs aduncos  
 Sat valide soleavit unges:  
 Quae pullulantes proterat impiae

Omnino cristas belluæ , & obvium

Concalcet hostem, si subinde

In rapidos agitur furores.

Ego ista Vates : præproperis fugit

Cum CORVUS alis, laudeq; Lechicæ

Prægressus oras, usq; ad Alpes,

Ad superas volat usq; sedes,

Et me stupentem deserit, ætheris

Non primus hospes. Fama volatilis

CORVI satelles clariorem

Nacta tubam properat, sub ipsum,

Inter novorum classica plausuum

Itura Pindum : & quâ Tanais, vago

Quâ Rhenus excurrit fluente,

Per Rhodopen, per aqvosa Tybris,

Per vasta Sossæ flumina, divitis

Quâ gemma Gangis defluit, & Tagus

Promanat Hispanus, pyropo ac

Latifluo pretiosus auro ;

Septena Nili fertur in ostia :

Tubâq; claris grande sonat plagis

Et FERRO & ANNULO decorum

KRASINIIS volitare CORVUM.

ODE XXXV.

CARO-

AD

CAROLVM

RADZIWIE

S. R. I. Imperij Principem ,  
in Nieśwież & Ołyka Ducem.

M. D. L. Procancellarium.

**T**U quantum olim parvus adhuc puer

Inter Paternæ compita gloriæ

Reptasse diceris , tenello

Laurigeris Tibi ludit ætas

Quando trophæis : cum haud temerariâ

Virtute nixus , pufio crederes

Laudiq; honoribusq; , natus

Eximæ pariterq; famæ.

Virtute tandem conspicui Tibi

Fulfère ut anni , magnificæ statim

Venère in occursum Curules,

Littavicum simul & Sigillum.

Qvos nempe fangvis , qvos meritis **Domus**

A dulta nutrit , femper in indolem

Videntur educi Paternam,

Nec Thetidis fua vult deefle

Pupilla Achilli ; fit quoq; Peleo

Mater fuperfles , qværit & hæc , fuum

Qvi formet efformetq; partum,

Et vigilem reperit Chironem.

A D

CASIMIRVM SZCZVKA

Abbatem Paradisiensem

*In Principum Aulis ad canos usq; à  
teneris deducta atas gloriosissime.*

**N**Ec Aula simplex, aut adeo rudis  
Palæstra, dignè quâ generosior  
Procedit instructrice sanguis  
Egregios penetratq; mores,  
Qvos in paternis sæpius ædibus  
Vel blanda nutrix, vel nimum fovens  
Tutela Matris non tulisset  
Præ tenero insinuare corde.  
At quisquis Aulæ se iuvenilibus  
Commisit annis, semper hic indolem  
Ad magna format, quando & Aula  
Scena satis luculenta magnæ  
Campusq; pûbi. Mixti odijs ubi  
Certant amores, gratia fulmini  
Concurrit, alicæq; discunt,  
Qvid fugiant capiantq; mentes.  
An tanta multis profuerit Schola?  
Nil quæro: sat quod Te iuvenem semel  
Ut Aula sumplit, sic amanter  
Fovit ad hos CASIMIRE canos.

B E N E D I C T I

à Sancto

I O S E P H

Scholarum Piarum

L Y R I C O R U M

LIBER QVARTVS.

O D E I.

J O A N N I III.

Poloniarum REGI Serenissimo

QVod minùs rauco metuenda cantu  
 Territas hostis tuba reddit aures,  
 Et Salus, & Pax quòd in ampliores  
 Irruit urbes,

Inclyto debes Leche cuncta Regi;  
 Svada cùì Sceptrum, soliumq; Confus;  
 Seu Sagum, felix Toga seu quietas  
 Exigit artes.

Nempe, non semper meruit cruento  
 Lauream ferro manus, & tonanti  
 Vis inest verbo; quod ab erudito  
 Provenit ostro.

O D E

182 BENEDICTI à S. IOSEPH

ODE II.

A D

STANISLAUM SZCZUKA,

Regni Referendarium.

*Dum in Generalibus Regni Comitij  
Equestris Ordinis Marechalcus  
fuisset electus.*

Quæ scena? vel quæ Sarmaticos vocat  
Orchestra Cives? Consilij locus,  
Et ampla Libertas Polono  
Hanc tribuit cuicumq; sortem,  
Ut ista dicat, quæ velit: & velit  
Quæ sentit omnis Nobilis; arduæ  
Res sicq; tractantur subindè,  
Ut pariter sua sint salubri  
Ius Fasq; voto. Tam Genitrix bona  
Nos à tot annis, tam facilis Parens  
Tot sæculis servat, suosq;  
Imperio retinet benigno  
Pridem Nepotes. Obsequium fides  
Subire semper debet in exteris  
Submissa Regnis, & tacendo  
Impositas retinere leges.

Da



Dum nec beatæ Consule fulgurant  
 Sacræq; sedes, proxima non adest  
 Cum lege dum Prætor Potestas,  
 Patritiæq; vacant curules.

Dum cuncta Cæsar præcipit & jubet :  
 Assentiendi muta necessitas

Explere dum debet, ferenda

Quæ tumidis placuere sc eptris

Et nulla veri copia subditas

Obturat aures; quæq; placent throno

Hæc quisq; suffert, improbantis

Grande scelus reputando linguæ.

Sed ista solùm non datur exteris

Fortuna Regnis; altera Lechicæ

Est forma Libertatis, ampla

Quandò patet cuivis facultas,

Vt ore promat quod benè iudicat :

Linguæq; tradat, quod ratio putat,

Sensusvè censet. Nec ullus

Esse potest pudor, auspicatum

Si sol sequetur deniq; Phosphorum.

Aurora Phœbo non nocet, aureis

Si vecta bigis, prima pandit

Purpureas præeundo portas;

Tandemq; Titan diffugientibus

Hinc inde stellis, ipse novissimus

Diem reducit, ultimòq;

Syderei statione cæli

Et

## 184 BENEDICTI à S. IOSEPH

Et arce prodit. Sit famulus prior,  
 Heroꝝq; latis præeat ignibus;  
 Non inde vilior, præeuntem  
 Si Dominus regitur per ignem.  
 Sic nil Honoris Principibus perit  
 Noſtris, bonorum ſi quoꝝ Civium  
 Mentem requirunt, ac apertum  
 Conſilijs faciunt theatrum.  
 Deliberantis tot Lechiæ baſes  
 Et fulcra, quotquot Sarmatiæ bono  
 Inſerviunt Cives, honeſtam  
 Iudicij peraguntq; ſcenam.  
 Verùm iſte fulcrum nobilius, cui  
 Ceſſit ſupremum Conſilij decus:  
 Regniꝝ qui ſortes gubernat,  
 Atq; datam bene verſat urnam.  
 Hic, virga monſtrat Mercurium, boni  
 Quæ eſt ſemper index, aut etiam mali:  
 Vt quiſq;vis hæc virgâ fruetur,  
 Sors Patrios manet iſta fines.  
 Rectène primus Scipio dirigit,  
 Tunc recta ſunt omnia: ſi malè,  
 Parata tunc Regnis ruina,  
 Indubius populisq; caſus.  
 O! quàm ſecundum Te duce & arbitro  
 Sperare rerum poſſumus ordinem  
 Cui docta Virtus, erudita  
 Cui Pietas, animiq; candor,

LYRICORUM LIBER IV.

185

Cui cura semper maxima publicæ  
 Felicitatis fixit amabilens  
 In corde sedem; cui in imis  
 Regnat amor Patriæ medullis.  
 Tu, si cicatrix Sarmaticum premit  
 Acerba corpus, vulneribus manum  
 Director appones medendis,  
 Sollicitas faciesq; primus  
 Omnino curas, inter Equestrium  
 Divisa votorum studia, ut novo  
 Pax læta descendens paratu  
 Per Lechicos spatietur agros.

ODE III.

ALEXANDRO  
 ZAZUSKI,  
 Palatino Ravensi,  
 Nomine Filij sui Francisci  
 nunc Vexilliferi Nurensis.

Lyrice Aggratulatio.

**R**Eduxne Fatum? prodigialia  
 Vel ominoso vincula Gordius  
 Appendis axi, dum implicatum  
 Nectis amor pharetrate nodum.

Pri-

## 186 BENEDICTI à S. JOSEPH

Pridem solutus nodus aheni  
 Ictu mucronis, nil ea præferunt  
 Arcana, ALEXANDRI tenaci  
 Mucro dedit sua fata loro.  
 Audite ! dicam: Rex animi mei  
 Hucusq; non est. nodum amor hîc locat:  
 Rex esto, qui solvet; sub isto  
 Ponit amor mea regna nexu.  
 Evolve nodum magne Parens, tuæ  
 Hoc consecrârunt sidera gloriæ:  
 Evolve ALEXANDER, vel ipsum  
 Urget ad hæc monumenta nomen.  
 Fallorne? mendax, an dubias agit  
 Fortuna mentes. io! vel aspero  
 Solvenda vix ferro, paternus  
 Explicuit mea vincla pollex.  
 Abfiste verbis, quam tibi detulit  
 Fatum Coronam magne Parens cape:  
 Rex esto, non moror, sub ipsas  
 Pressa Tibi fero sceptrâ plantas.

## ODE IV,

A D.

D. THOMAM AQVINATEM,  
*Acerrimum adversus Hereticos  
 Scriptorem.*

Roma

Roma Spartanæ documenta dextræ  
 Poscit, in grandes adolesce pugnās,  
 Sume Bellonam, validumq; fume  
 Pectore Martem.

Ibis in pugnam, domitoq; grandes  
 Victor effundes super hoste plausus,  
 Quem sub abstrusis Patrio requires  
 Flumine nervis.

Et Dei & legum, scelerisq; vindex  
 Per triumphales gradiere lauros,  
 Nescies taxos, vel amica nigræ  
 Flumina Lethes.

Te per ingentes spatiosa terras  
 Hæresis duris trabæata cristis  
 Sentiet fortem, peritura magno  
 Hæresis ictu.

Ibis in duræ fera monstra Lernæ  
 Hercules alter, quotiesq; vastum  
 Corpus attollet, dabis æstuantes  
 Corpus in ignes.

Horret & Python, maculosa centum  
 Terga qui signis vehit, & minaci  
 Sibilans vultu vomit impotentes  
 Squameus iras.

Ponet & torvos Acheron furores,  
 Turbidus cæno, vel aqvosa quando

Bella

198 BENEDICTI à S. IOSEPH

Bella confurgunt, sinuantq; vastos  
Flumina montesq;

Cedet & Ditis, neq; dissolutos

Eumenis crines, geminaq; pestes

Et Minæ & Diræ patientur acres

Tollere vultus.

Ibis informem positurus Orcum,

Qui vel immanes iacit ore flammæ,

Vel venenatis animas verendus

Subiugat armis.

Quâq; Cocyto propior voraces

Tænarus monstrat malefidus oras,

Et Chaos, & quâ Phlegeton rapaci

Imminet undâ.

Quâ vel infernas Stygis inter umbras

Theseum duræ cohibent catenæ,

Poma quâ captat fugitiva sicco

Tantalus ore.

Ibis, & sacræ geminare palmas

Haud fines Romæ, novus in paternis

Scipio terris, novus in Latinis

Scævola campis.

Fallor? an certo mea vota demùm

Fine subsultant, Io? iam virentes

Laureas nectis, validoq; fracta

Hæresis ictu.

Iam Tibi primi rudimenta belli

Lau-

Laurus  
Arripis

A  
Frus

Q Vâr  
Dil  
Mente

Cor tib  
Impeti  
Et meo

Perfida  
Credid  
Candic

Non a  
Non v  
Non a

Laurus implevit, metuendus orco  
 Arripis palmas, tumulumq; cæcis  
 Erigis umbris.

ODE V.

Ad Ferrerium Vulpium.

*Frustra amorem pascis, qui non  
 adfers.*

Quam tuus mendax amor est, vicissim  
 Diligi dum vis, memoriq; nescis  
 Mente complecti, quam adhibes malignas  
 Sæpius artes.

Cor tibi constat validi subinde  
 Impeti sævis odij favillis,  
 Et meos audes, quibus abdicasti,  
 Querere amores?

Perfidæ nunquam sua vela Scyllæ  
 Credidit navis. Renuunt amicum  
 Candidi mores dubijs studentem  
 Vivere votis.

Non amat Cæsar, quoties aperto  
 Non videt ferri populi favore:  
 Non amat Troas, si aliquando vastrum  
 Sentit Vlystem.

Nec

190 BENEDICTI à S. IOSEPH

Nec tibi fidum fore crede pectus,

Quod vacillanti referas amore :

Est ibi censor tacitæ revisens

Ostia portæ.

Ut lubet fingas ; scio quisquis odit ,

Ac amat quisquis , scio ; nec bipenne

Diligo pectus , biforem nec unquam

Diligo frontem.

Tu mihi monstra , quod amor fidelis

Te regat mecum , statuamq; certum

Fæderis pactum , variante non me

Distrahe sensu.

Ista num puro tibi dico corde ,

Quod modi tales , vapidæq; profunt

Nil similtates : bene ama , si amantem

Poscis amicum.

### ODE VI.

A D

ANDREAM SUBVALLIVM.

Nullus ANDREAS crucis absq; mole,

Nullus ANDREAS populi favores

Sic habet pronos , ut iniqua nunquam

Sæviant aura.

Est & Ægeas nimium severus

In DEI Iudex famulum , parati

Sunt



Sunt statim clavi, tremuliq; pendens  
Machina ligni.

Lætus ANDREAS tamen inter istos  
Semper angores, quia scit supremi  
E Iovis dextra nebulas, & omnes  
Surgere nimbos.

Quidquid affligit, dolor, & molestus  
Pectoris mæror veniunt ab illis  
Naminum regnis, hilariq; miscent  
Tristia sudo.

Gratior quò quis superis, probatur  
Per procellosi vada sæpe ponti:  
Sordidos, terræ genitosq; nullus  
Vexat amaror.

Firma Te virtus quia, fama prompto  
Te quia illustris comitatur axe,  
Invidens ex nunc fremebunda ducit  
Prælia livor.

Hæc sed ignavas nisi dura nõrunt  
Et minus notas lacerare mentes:  
Quisquis est fortis, reicit, datumq;  
Ridet ad ictum.

Sat tibi, magnæ superestq; famæ,  
Ponderat dum plus melior; maligna  
Ora non claudes, nisi solvis uno  
Omnia risu.

A D

STANISLAUM  
IABLONOWSKI,  
Castellanum Cracoviensem,  
Supremum Exercituum Ducem.  
*Gentilitium IABLONOVIAE DOMUS  
Insigne adornatur.*

IBo! ibo Vates, quò IABLONOVIIIS  
Pes ducit armis. Ibo! seqvacibus  
Armata quo præit Thaliæ  
Planta tubis, subitoq; grandes  
Ingressa calles ultrò superstitis  
Sat pulchra dat vestigia gloriæ,  
Insignis & famæ decorum  
Sternit iter, patrijsq; præfert  
Proh! quanta ceris fulmina bellici  
Alumna Martis. Falx ubi vindice  
Armata ferro, pullulantes  
Si qua parit mala gleba vepres,  
Exscindit, atras & Lacheses truci  
Minatur hosti. Crux ut Heraclio  
Semel triumphalis superbam  
Non levibus Babylona bellis

Attri-

Attrivit, ac in Cosroa inhospitum  
Compressit Euphratem; à gravidis ita

Nec nunc super sedet trophæis:

Sed rabidum modo dura tellus

Obtrudat hostem; barbaricas statim  
Compefcit iras. Et Soleæ decus

Dotale non fistit, sed omnes

Ire moras iubet, evolanti

Par quando nimbo cum Selymo vagos

Praet Diorea, turpe putans levi

Hæere cum Niso ruinâ,

Aut positam titubante calce

Subire metam. Nec popularibus,

Pes, vena pleætris; quem Patriæ basim,

Quem fulcrum, & ingentem columnam

Sarmaticus veneratur Orbis.

Pes, quem superbis verticibus gravem

Audacioris cruda frequentius

Arena Bellonæ cruentè

Per medias stupet ire cædes.

Pes, quem Polono non benè limite

Ambire tentes; quò Tanais suos

Evolvit æstus, quò Britannum

Mercifluis mare ditat undis,

Et quò decoris Seqvana flexibus

Baltisq; multo frigidus Æolo

Dimanant; excurrit, Lechææ

194 BENEDICTI à S. IOSEPH  
Grande decus referendo gentis.  
Ibo ! ibo Vates , qvò IABLONOVIIIS  
Pēs ducit armis. ibo; sed impigræ  
Vix penna suffectura plantæ  
In medio stetit ipsa cursu.

ODE VIII.

CERTAMEN

Honoris Pontificij ,  
*Cum meritissima Senectute Viro,*

ILLUSTRISSIMO DOMINO ,  
D. CASIMIRO SZCZVKA,  
*Nominato Episcopo Culmensi & Po-  
mesania.*

Hon. Qvamvis tardus Honos, emerito  
tamen  
Captandus senio. Culma dat Insulâ,  
Oblatum CASIMIRE  
Promptâ fume Pedum manu.  
Szc. Annosumne Senē Purpura, vel sacer  
Invitet vetulam Scipio dexteram?  
Fractos cūi senio ægrè  
Sustentat baculus pedes.  
Hon.

LYRICORUM LIBER IV. 109

Hon. Nil obstat senium, quod meritis vi-  
get,

Nil obstat fragilis sarcina corporis :

Dum non languida virtus,  
Nullam ruga facit moram.

Szc. Dum vixi vegetus, Præsuleis eram  
Ornandus trabeis : nunc miserum la-  
Exeditq; senectus, (bor,

Quid cum istis mihi Fascibus?

Hon. Si velles vegetus, magnificis Tuum  
Ambirem ultrò caput cingere tanijs,

A quovis generosus

Sed Tu transiuga Culmine

Szc. Si sprevi vegetus, quid parer Senex  
Tam duro gravidum pondere manice?

Lassis quidve licetis?

Ingens ponis Honos onus?

Hon. Non est pondus honor, functa labo-  
ribus

Dum cervix meritas accipit Infulas :

Illi maxima moles,

Cui nullo merito Infula.

Szc. Illos ornet Honor, qui cupidis nimis

Aspirant studijs : nulla mihi fames,

Nullus crescere fervor,

Dulcis, quam teneo, quies.

Hon. Sed fit sæpè, quibus gratus Honos,

Honos

Iz

Illos

## BENEDICTI à S. IOSEPH

Illos ob nimium despicit ambitum,  
Contemptimq; repellit,  
Quos ardens cruciat fitis.

**Szc.** At nunquam senio mens fuerat meo,  
Ut canis cuperet fulgere crinibus,  
Mortem vera senectus

Non quenquam reputat gradū.

**Hon.** At respexit Honor, vidit & indolem  
Vltrò se tacitis volvere nubibus :

Crimen ; ni ista nitentem

Gestet cæsaries Mitram.

**Szc.** Quis me sepositis extrahit angulis,  
Ac angusta Senem ducit in atria ?  
Nix infusa capillis ?

Et Coæ studeant Tyro ?

**Hon.** Ignoras agiles Principibus manus,  
Longas siq; velis dicere ; maximi  
Tangunt SCVTA IOANNIS

Tantum culmen & ingerunt.

**Szc.** Agnosco Dominæ Sydera Gratiaë,  
Et pronus veneror. Vividioribus  
Verùm tanta coruscet

Vellem Gratia brachijs. (pit

**Hon.** Legem magnanimo vis dare Princi-  
Clarè Sceptra vident , quos trabeant  
Votis Roma secundis (Viros.

Ad tantum stimulat decus.

**Szc.**

LYRIGORUM LIBER IV. 197

- Szc. Votis ergo Tybris, Romæq; calculo  
 Subscribit veteri provida quercui?  
 Ah! nescit cariem, quam  
 Fessis sentio viribus.
- Hon. Est tinctura novæ pulchra modestiæ,  
 Ad laudes proprias & meritum, pu-  
 Quò vitas magis, amplis (dor.  
 Hòc Tu dignior Infulis.
- Szc. Virtus eximijs vel sine fascibus  
 Campum semper habet, nec titulis e-  
 Privatus quoq; circus, (get.  
 Magnæ sufficit indoli.
- Hon. Virtus eximijs vel sine fascibus  
 Illustris fateor: splendidius tamen  
 Semper nacta theatrum,  
 Alto admota cacumini.
- Szc. Non est svave decus, sollicitudinis  
 Quod plenum, validus remigium pe-  
 Istis absq; theatris, (tat.  
 Laudatum dabo Roscium.
- Hon. Peccat, qui renuit; Gratia Principis,  
 Et Romæ properans urget ubi favor:  
 Palmis Culma supinis,  
 Dum justas adicit preces.
- Szc. Si sic Roma jubet, si Clypei favor  
 Regnantis; cupidis si precibus petit  
 Supplex Culma; senile  
 Flecto tanto oneri caput. O-

198 BENEDICTI à S. IOSEPH  
ODE IX.

A D

PETRV M ROSTKOWSKI,  
Varmiensem Canonicum, Custodem  
Culmensem, Abbatem Mogilni-  
censem.

*Dum vacante Sede Episcopatus Cul-  
mensis, Administrator electus, brevi  
ad eiusdem Episcopatus Infulam,  
Avunculum suum, CASIMIRUM  
SZCZUKA, Nominatum Epi-  
scopum, ex literis accepisset.*

IO! quid est hoc? quod tibi tradidit  
Vix perlegendam cursor epistolam,  
Latante sic vultu receptos  
Multoties relegis libellos.  
An Scuta iunctis Regia Gratijs  
Duxère currum? Tequè suo super  
Vmbone sumptum, purpuratis  
Vltrò parant redimire vittis?  
An Culma multa deinde panegyri,  
Ex Administri munere publicos  
Indicit applausus, in unum  
Iuncta videns coijsse sensum,

Sic



LYRICORUM LIBER IV. 199

Sic Vota Fratrum, ut de proprijs Tibi  
 Quis remittens spiritibus, pari  
 Par quisq; cederet, vacante  
 Imperium regimenq; sede.  
 Nil est quod exhinc insolitis Tua  
 Tantum resultent pectora plausibus:  
 Majora Tu semper mereris,  
 In peregrè cui visitatis  
 Polita terris emicat indoles,  
 Et illa Virtus, quæ Themidis sacræ  
 Probata quinq; bilanci,  
 Ad meritos gradus est honores.  
 Tamen triumphas, nescio gaudia  
 Ad tanta quali percitus entheo,  
 Pectusq; dulcedo pererrat,  
 Ac hilarem jubet esse mentem.  
 Io! ter io! forsitan insonas,  
 Ad Pomesanam SZCZVKA quod Insulam  
 Vltrò requisitus, colendo  
 Admoveat sua Rastra Culmo.  
 Io! ter io! si prior incipis,  
 Seqvente nec nos negligimus chely  
 Cantare millies idem io!  
 Et fidibus, cytharisq; lætum  
 Iuvare festum. Non quod Avunculus  
 Ascendat Hector, non quod ad Insulam  
 Affinis eluctetur ortus,

200 BENEDICTI à S. IOSEPH

Non quod ad eximiam vocetur  
Sangvis propinquus deniq; Purpuram;  
Sed orba possit Culma quòd optimo  
Gaudere Patre, non profano  
Quod resonent elementa plausu,  
Venisse prisca tempora sæculi,  
Quæis non petita, sponte sed obvia  
Ruunt Tiaræ, & esto canam,  
Sed meritam decorant senectam.

ODE X.

A D

STANISLAVM DONHOFF,  
Capitaneum Koscierzynensem,  
Palatinidam Pomerniæ.

A Chille quantum Theffalico Thetis,  
Beata tantum Te Genitrix suâ  
E prole gaudet, magna magnæ  
Progenies STANISLAE Matris.  
Spartana nutrix Peliasos Tibi  
Quærit Chirones, sub quibus indolem  
Ad summa formes, prodeasq;  
Digna Tuo Soboles Parente.  
Materna nec jam pectora pallidi  
Torquent timores, ut Phrygijs ubi

Sævi-

Sævitur armis, Te relinqvat  
 Fæmineæ Lycomedis aula.  
 Sed eruditi post juga Pelij,  
 Et Hippocrenis flumina, Thracium  
 Assignat Hæmum; ibi reducto  
 In teretem calamo mucronem  
 Monstrabis orbi, quàm docili nihil  
 Menti repugnat, laurigero priùs  
 Studere Phæbo, post severi  
 Signa seqvi graviora Martis.  
 Sic Te mariti conscia fæderis,  
 Enixa Natum Magna Parens, Tui  
 Sic illa non oblita Patris,  
 Vt medijs quibus hic, ijsdem  
 Te poscat altam quærere gloriam,  
 Et Martiales ingerat impetus,  
 Post ducta de libris theatra,  
 Vt rigido studeas Gradivo.  
 Te Patre functo, dignum & Avunculo  
 Monstra Nepotem, cumq; Pijis Tuam  
 Formabis in Scholis juventam,  
 DONHOFIIS superadde palmis.

## ODE XI.

I;

AD

A D  
**PETRUM DUNIN,**  
 Societatis I E S V.

**N**I Cygne pennis ultrò Tuis meam  
 Olim excitâsſes candidior Chelym,  
 Regniq̄ ni Primas moneret  
 Ad Nomium properare Phæbum;  
 Fortaſſe deſes ſterteret entheus,  
 Neglecta buxus forſan inertibus  
 Hucusq̄ dependiſſet uncis,  
 Nec nitidam mea Muſa lucem  
 Vidiffet unquam. Sed monitis ubi  
 Res acta mecum, meq̄ Heliconia  
 Vtcunq̄ reſpexit Thalia,  
 Vela dedi, petijq̄ lento  
 Tentanda lembo Caſtalidum freta.  
 Tu PETRE DVNIN ille Cayſtrius  
 Hortator Ales, Tu Cycneis  
 Ad cytharam volitare pennis  
 Impulſor ingens. Qvas referam bonis  
 Grates Magiſtris? vel tumulo levet  
 Se Magnus ANDREAS, meiſq̄  
 Non reſidem fidibus det aurem.  
 Cantabo ſummas OLSZOVII prius,  
 Deinde dotes dulcis Olor Tuas,

(Nec

(Nec erubescet pro Sodali,  
 DVNINIO cui digna Mater  
 Prognata Cycno.) Sæcula defluent  
 Millena, tantum nec parient Virum,  
 Qui literatos sic faventer  
 Cecropias foveatq; puro  
 Amore Divas. Non tituli, neq;  
 Primatialis Purpura culminis,  
 Fortuna non ingens, & amplæ  
 Divitiæ potuère magnam  
 Ab eruditæ pectore Palladis  
 Movere mentem. Plus studijs dedit  
 Librisq; scribendis, disertæ  
 Eloqvij, calamiq; venæ,  
 Quàm fert superbæ mos opulentia; ;  
 Primiq; si quis Principis inclytam  
 Spectabat Aulam, penè doctam  
 Obstupuit coijisse Delphum.  
 Dum nullus adstes, nec lateri comes  
 Admissus, in quo vel schola Tullij,  
 Vel os Demosthenis, supremam  
 Non agerent ubicunq; pompam.  
 Condita nunquàm mensa alio sale,  
 Quàm qui profundis de sapientia  
 Prodit fodinis, postq; sumptum  
 Prata cibum peramæna lati  
 Traxère campi. Quisq; ibi proprij

## 204 BENEDICTII à S. IOSEPH

Promebat amplas ingenij dapes :

Svavesq; discursus, secundam  
Symposij subiêre mensam.

Tu verò qvantus docte DVNIN amor,  
Lojolianæ qvando modestiæ

Insignis actor, Purpurati  
Herculeâ veluti catenâ

Pectus trahebas OLSZOVII. Nihil  
Facunda promptit lingua, Carystium

Qvod non Apollinem sonaret,  
Omnisciam saperetq; mentem.

Locuta nunqvàm Svada disertius,  
Qvàm Tu locutus ; seu sacra fulminans

Conscenderes in rostra præco,  
Seu mediâ loqvereris Aulâ.

Tu, quidquid olim Tullius eloqvens,  
Qvidquid Qvirinus lusit Horatius,

Vel Strada vester, vel Lechæi  
Sarbievius stupor ille mundi

Ex erudito protulit entheo,  
Proferre doctus, non sine maximo

Gentis Lojolianæ honore,  
Eximio Olszovijq; plausu.

Et hæc stupendi me attonitum dabant  
Miranda Cycni. Vox Tua classicum,

Illudq; doctrinæ theatrum,

Ad Latiam mihi circus ingens

Omni-

Omnino famam. Sic volucrum solent  
 Pulli minores, vel teneras adhuc

Probare vires, se vel uda

Tollere humo, cupidisq; sursum  
 Levare plumis; quando Aquilam vident  
 Secare latis æthera passibus,

Ipsasq; vel subinde nubes

Non temeris penetrare pennis.

Sic ille primò naviculam levem

Discit minori credere flumini,

Dum spectat, ut verrit peritus

Cæruleum Palinurus æqvor.

Exempla ni nos præstita provocent

Maturioris sapiùs ingenî;

Sopitur indoles. Achilles

Æmonio careat Magistro,

Et iste langvet, segnis & in nigris

Hebescit antris. Omnibus est via

Proclivis ad lucem, præeunte

Sed face opus: detur ære signum,

Et pugnæ amorem sumit equus statim,

Totusq; fervet, dum tubicen cavo

Dat classicum cornu, monetq;

Concha novi fremebunda belli.

Quod scuta castæ præfero Palladis,

Quod utor arcu, quod vel Apollinis

Porto pharetram, quod sonoris

Castalidum recreer fluentis,

Quod

206 BENEDICTI à S. IOSEPH  
Quod me Latinis infero vatibus,  
Ut prima primi gloria Principis,  
Secunda sic Cygni, mihiq;  
Assiduo recitanda cultu.

ODE XII.

AD

CASIMIRVM IOANNEM  
SZCZVKA,

*Dum in Culmensem Episcopum  
consecraretur.*

ET sic trecentis dives adores  
Conspirat in Te blandus honor, diem  
Simulq; dicit, vindicemq;  
Pro solito sibi more litem  
Intendit. Eheu! nè fuge concitis  
Secutus alis ille vel ultimam  
Conscendit Arcton, & sub ipsa  
Pennigeris volat astra remis,  
Nescitq; cursûs ponere terminum,  
Ni conseqvatur; quem nec inhospitus  
Sistit Bootes, nec profundis  
Oceanus remoratur undis.

Io!



LYRICORUM LIBER IV. 207

Io! triumphat, Victor, Honor, Tuos  
 Premitq; passus: gemmiferis Io!  
 Inibat coronis, ac amicè  
 Præsuleâ redimit Tiarâ.

Formosa virtus per tacitas enim  
 Lippire caulas nescit, & inscias  
 Hiare per sortes, sed ipsas  
 Pegaseo properat volatu  
 Ad usq; Gades, & super invias  
 Enixa nubes, fertur in arduos  
 Subindè cælos, ac Honoris  
 Arbitrio manet inter amplos  
 Secura fasces, quos neq; turgidis  
 Horrenda flabris Cyclas, edax suo  
 Non Caurus afflatu, maligno  
 Non violet Boreas furore.

ODE XIII,

AD

STANISLAVM BONIFACIVM  
 KRASINSKI,  
 Capitaneum Stumensem,  
 Palatinidam Pïocensem.

Monet

## 208 BENEDICTI à S. IOSEPH

**M**onet diserti Corvus Apollinis,  
 Avu sc̄q̄ Mavors, Herculeam potens  
 Hortator ad clavam, ex utroq̄  
 Fama Tibi referenda cornu,  
**O !** Nate magni Sangvinis, & Tui  
 Corona Patris. Non decet inclytam  
 Torpere stirpem, quò Volucris  
 Præpetibus Tua ducit alis,  
**Huc** perge felix, profer & indolem  
 Ad summa natam. Docta modò haud rudè  
 Adaptet ægidem Minerva,  
 Lecti animum recreentq̄ libri:  
 Post dum vocabunt classica, grandior  
 Et crescet ætas, impiger alitem  
 Conscede bellator caballum,  
 Teq̄, Tuoq̄ Parente dignam  
 Ordire scenam: mox celeres Honor  
 Iunget quadrigas, Teqvè curulibus  
 Portabit in celsis ad illas,  
 Qvas Proavi tenuère, metas.  
**Ego** ista vates fatidicis Tibi  
 Propono votis, cum ruditas prior  
 Calcatur hostis, mensq̄ magno, &  
 Ingenium properat volatu.  
**Si** tanta vernæ flore puertia  
 Impubis audes, quanta sequentibus  
 Deinde non audebis annis?

Dum

Dum famulus Tibi subjuganti  
 Se sternet Ister: quando ab Avo Tibi  
 Relicta torvum Clava Borysthenem  
 Confringet, & Corvus Paternis  
 Quando vehet super astra pennis?

ODE XIV.

AD

FRANCISCVM WOOD,

Theauri Regni Notarium.

*Nihil in mortalium rebus ad suam  
 pulchritudinem sic exactum, quod  
 non fatiget contemplantem.*

Pulchrum nil adeò, nil adeò bonum  
 Fert mortale genus, quod cupidam sui  
 Servet semper orexim,  
 Et non sit sinè tædio.

Humanis oculis intuitus prior  
 Objectas facilè laudat imagines:

Mox idem satiatus,  
 Vifas spernit imagines.

Nil extrà positis pulchriùs urbibus,  
 Quas vel Sosa suo circuit alveo,

Vel priscis Tyberinus  
 Amnis stringit amoribus:

Has

210 BENEDICTI à S. IOSEPH

Has tanto studio spectat ab ultimis  
Lustratum properans advena finibus,  
Celfas aspicit arces,  
Et pomposa palatia.  
Primò aspecta placent, mox oculus satur,  
Contemptis reditum præparat arcibus,  
Fastiditq; , quod ante  
Longis quæsierat vijs.  
Aulæis paries Phocæicis nitens,  
Et dives Tyrij copia muricis,  
Accersit peregrinam  
Ad se deniq; palpebram.  
Fucò tincta tenet purpura Punico  
Captivos oculos : lana brevi & color  
Afrì desipit ostri,  
Phænissæq; labor Tyri.  
Invitant niveis lilia vestibus  
Et factâ varium germen in arbore ,  
Narcissusq; rubescens,  
Ac mixtæ violis rosæ:  
Nil verno potuit jugere gratius  
Umbrosq; dari nil topiario :  
Hæc, pupilla sequenti,  
Transit pasta semel, vice.  
Et quamvis breviter regna, vel Africa  
In pictis tabulis cernimus æqvora,  
Fastiditur & Orbis  
Parvo visus in otio. Nobi-

Nobis  
Hæc F  
Nil l  
Hu  
Sola æt  
Human  
Qvic  
Pr

L  
In ma  
IOAN  
me  
t

PAup  
Ref  
Vt Ti  
Inter  
Clau  
Deflu

LYRICORUM LIBER IV. 217

Nobiscum tacitâ mente revolvimus  
Hæc FRANCISCE simul. Nil adeò bo-  
Nil hucusq; beatum (num;  
Humanae obvenit indoli.  
Sola æterna suum nonnisi limitem  
Humanae statuent sollicitudini;  
Quidquid quæritur extrâ,  
Primo despicitur die.

ODE XV.

Lugens Pauperum Chorus.

*In mesto egenis discessu CASIMIRI  
IOANNIS SZCZUKA, Episcopi Cul-  
mensis & Pomesaniae, ad Pon-  
tificiam Cathedram Varša-  
viâ moventis.*

Pauperum furdi nisi vota cæli  
Respuant, multâ prece supplicamus,  
Ut Tibi firmæ diuturna nentur  
Stamina vitæ.

Interest, multos numeres ut annos,  
Clausa cûi nunquam manus, irrigante  
Defluit rivo, generosa largi  
Æmula Nili.

Impi-

212 BENEDICTI à S. IOSEPH

Impigri sed quò properant jugales ?

Quovè festinæ cojere rhedæ ?

Deferis forsan Pater indigentem

Optime turbam.

Sit dies felix alijs, Tibiq;

Fertili sedem posuisse Culmo :

Sit dies felix, subit ut merentem

Scipio dextram.

Flebilis nobis domuiq; nostræ,

Flebilis nobis penoriq; nostro,

Quando præsentî caritura supplex

Palpebra Patre.

Mille post vivent, neq; CASIMIRVS

Alter, in nostros ita liberalis

Surget aspectus, miseros ut omni

Protegat horâ.

Tu Tibi demis, quotiès egemus,

Tu Tibis demis quotiès benignam

Poscimus dextram, velut alluentem

Area fontem.

Tu Tibi demis quotiès patentes

Imus ad valvas ; neq; pompa grandes

Poscit impensas, modo desitutos

Pascat egenos.

Ipsa, quæ tanto fabricata sumptu,

Ingemit moles, inopumq; ad usum,

Structa pomposè renovant acerbum

Tecta dolorem.

Dùm sui spectant abitum Parentis,  
 Dùm sui arreptum Domini recessum  
 Cogitant, fixum memoriq̃ volvunt  
 Marmore vulnus.

Si rudis moles, minimèq̃ vivens  
 Indolet saxum; quid hiulca nobis  
 Corda dùm spirant? reprimentnè summum.  
 Vivida luctum?

Muta non pauco gemitu perorant  
 Saxa; nos læto maneamus ore?  
 Mens ubi mæret, lachrymasq̃ pleno  
 Elicit imbre.

Sed quid effufis ita deprecamur  
 Et viam, & captum lachrymis recessum?  
 Prompta pervadent iter evocatis  
 Carbasæ ventis.

Ibis & nostri minimè reducent  
 A via planctus? modò Tu Paternam  
 Sic manum serva, stipem vt & remotis  
 Mittat ab oris.

Sol fatigatas etiam qvadrigas  
 Vrget, immensum qvoties per orbem  
 Volvitur, nigras qvotiesq̃ pergens  
 Dissipat umbras.

Currit & parvam revidet bidentem,  
 Matris an puro satiata lacte:  
 An pecus demùm tenuit petitam  
 Lassâ quietem. It

214 BENEDICTI à S. IOSEPH

It per immensas spatiando fylvas,  
It per abstrufum nemus, & virentes  
Respicit frondes, placidâq; lustrat  
Omnia fronte.

Vult & halantes peragrare campos,  
Vult & hortensem revidere glebam,  
Cuncta scrutatur, minimâq; præfens  
Prospicit herbæ.

Svadet interdum violenter acrem  
Pigra nox somnum, properusq; cursum  
Pofcit à Phæbo Pyrois, citumq;  
Temo regressum.

Sol abit pulvis redeundo nimbis,  
Sol abit primum revocando manè;  
Interim pendet vigili ad relictam  
Lumine terram;

Et videt, si quæ violæ vel hyblæ  
Proprij langvent habitu caloris;  
Occidens vix dum, subito relictis  
Providet hyblis.

Sic fuum mæsto comitata Solem  
Nostra paupertas gemitu, supinas  
Elevat dextras, qverulis moleftans  
Sydera votis.

Ibis, ast nostro SZCZVKA Magne damno,  
Vltro currentem capiesq; Mitram,  
Orba gaudebit vigili proboq;  
Præfule Culma.

Nos ta  
Nos t  
Flemu

Tu ve  
Qvid  
Sarcin

AN

PAU  
Sic  
Vt

Disce  
Non e  
Co

Et fol  
A mu  
Or



LYRICORUM LIBER IV. 215

Nos tamen nostrum memorando Patrém,  
Nos tamen nostros repetendò planctus  
Flemus, humentes lacrymas, nec ullus  
Comprimet æstus.

Tu velut Titan abiens, quid æger,  
Quidvè mendicus petat, ac modestis  
Sarcinæ poscant precibus, retorto  
Aspice vultu.

ODE XVI.

ANTISTITIS ILLUSTRISSIMI,

*Verus in Pauperes amor.*

Pauper turba luges, interea mihi  
Sic commota tuis viscera luctibus,  
Ut vester dolor in me,  
Et totas veniat fibras.

Discedo, levium non sitiens opum,  
Non ditis cupidus portitor Infulæ:  
Commissi violentam

Urget cura viam gregis.  
Et sol se roseis subtrahit axibus  
A mundi facie; non ideò tamen  
Orbus redditur Orbis,  
Si fulgens abeat jubar.

Non

216 BENEDICTI à S. IOSEPH  
Non desunt vigili lumina lampadi,  
Aspectum esto rapit, servit adhuc Phanes,  
In summoq; refulgens  
Terram respicit infimam.  
Nec vos sollicitis plangite questibus,  
In nostro positus ROSTKOVIUS loco;  
Vos me credite Solem,  
Hunc Solis radium sui.

ODE XVII.

A D

VENCESLAUM SZCZUKA,

Culinæ Regni, & S. R. M. Le-  
gionis Præfectum,  
Vavelnicensem Capitaneum.

*Pulchrum heroica virtutis testimo-  
nium, triginta aliquot prælijs  
bellatorem interfuisse.*

**N**atalis ortus si nisi nobilem  
Probat Nepotem; si nisi sanguine  
Nasci Palatino decorum,  
Patritijs redimiq; cunis

Si sola tantùm fama, superflua  
Est scena pompæ; non ego nobiles

Dedit

Dedignor ortus, arroganti

Non ego Progenies vetustas

Proscindo nervo : sed sibi in hostium

Qui tingit amplam sanguine Purpuram,

Hic Nobilis mihi. paternis

Se tumidè nisi sublevantem

Perstringo ceris sæpius Icarum.

Ambage quavis absq̃, Vir est, rigeus

Arena quem probat ; probatum

Reddit atrox pugilemq̃ campus.

Pulchrum; Parentum non mediocribus

Gaudere gestis si poterit Nepos :

Sed pulhrius ; præter Parentes,

Si proprijs quoq̃ fulget actis.

Sanguisq̃ longè nobilior, teres

Qvo mucro fulis tingitur hostibus :

Non ille ; qvo natalis hora,

Et teneræ maduère cunæ.

Nunquàm superbi Nobilitas agat

Sic plena fastûs ; ut nisi fascijs,

Lucina quas lavat, tumescens

Prociduum sibi credat Orbem ?

Major vetustæ fama Propaginis,

Si bella tractat : major, & asperas

Si per cicatrices avitæ

Vt Domui, sibi sicq̃ grande

Pandit theatrum. Te LVCIIIS parùm

218 BENEDICTI à S. IOSEPH

Prodisse, vel nil, proderit ignibus,  
Ni castra cum RASTRIS Gradivo

Confocias meritura Marti. (plex

Non quòd SZCZVKARVM non faciat tri-

Ad gloriosam COLLIS originem;

Non quòd superstitem venustent

R A S T R A minùs SZCZVCIANA  
stirpem.

Sed quòd requirunt non in agresibus

Hæc RASTRA pratis, belligerantibus

Arare sed campis, novoq;

Ipsa petant nisi castra cultu.

Addi Paternis Stemmatibus putans

Dùm SZCZVKA quivis; si Patrios suâ

Virtute collustrat Penates,

Barbaricoq; rubet cruore.

Hinc quanta fortis gloria pectoris,

Te quina plusquam prælia sexies

Subisse Bellatorem, & arma

Impavido tenuisse corde,

Totamq; solis papilionibus

Fovisse vitam; non sterili manu

A CASIMIRO usq; ad IOANNEM

Continvas numerando palmas.

Nec Chocimensem belligerâ Tyram,

Istrumq;, tantùm stringere dexterâ,

Sed arma quòd profert IOANNES,

Huc comites adhibere peltas.

Al

Alter cruentam si videat semel  
 Heres arenam; jam sibi vel Tyrum,  
 Vel Bactra debellata credit,  
 Nec Geticum repetit sequenti  
 In verè campum. Tu quoties tubis  
 Conchisq; dantur classica; protinus  
 Ad arma procurris, domandum  
 Assiduò properans in hostem.

ODE XVIII.

OLORIS DUNINI,  
 Bello, pace, legationibus meri-  
 tissimi,  
 Honoribus Illustrissimi  
 ALITIS.

AD

PETRUM DUNIN  
 è Soc: JESU,  
*Relatio Lyrica.*

DOMum & vetustis portor in atria  
 Fumosa ceris; hùc celeres move  
 Thalia passus, & dicati  
 Si qua manet tibi cura Vatis,

K 2

Men-

220 **BENEDICTI à S. IOSEPH**  
Menti profundosingere spiritus,  
Qvâ non agresti carmine nobilem  
Elucter ad nidum, CYGNVMq;  
Haud humili celebrem Camæna,  
Non ad Caystrum, non vitrei supra  
Ripas Cayci devolat hæc Avis,  
Ad vile non pendet fluentum;  
Ad gelidum potiùs sed Hebrum  
Stativa ponit: non alios amans  
Formare cantus, qvàm reboantibus  
Qvi machinis constant, tremendis  
Qvivè fremunt lituis fragores.  
Vt Dana liquit littora, Lechicæ  
Ad stagna Vandæ progeniem suam  
Sedemq; contulit, simulq;  
Armifonum voluit Gradivi  
Subire currum. Vectus ab Alite  
Mars noster isto, per juga montium,  
Per tesqva, per rupes acutas,  
Sangvineos adeoq; campos.  
Et lingua qvamvis famineo fuit  
Succisa ferro, non ideo tamen  
Aut desijt loqvi, aut adunco  
Arma ferox crepitare rostro.  
Qvi de polito marmore providis  
Postqvam locavit Cælitibus domos  
Prope octies denas, profuso  
Ac Superos veneratus auro ;

Ad

Ad arma totus, totus & arduum  
 Defertur Hæmum, despiciens lacu  
 Hæreere cænoso, nec alas  
 In rigidis numerare castris.  
 Non odit unquam bellica strenuas  
 Arena mentes, quin magis uberes  
 Profert triumphorum maniplos,  
 Quando videt generosa promptis  
 Instare bello pectora passibus :  
 Sic non Olori Mars meritis sacra  
 Invidit in signis trophæa ;  
 Sed rigidè rutilante Scuto  
 Hastâq; fortem muniit Alitem.  
 Aleq; tectus fulminei satis  
 Umbone Martis, Pomeranos  
 Per tragicas properando cædes  
 Secutus hostes, ut politis fugam  
 Armis inirent, castraq; divite  
 Onusta prædâ destitutam  
 Defererent fugiendo Puscum.  
 Amat sequentes laurea laureas  
 Præmissa, palmam palma prior parit,  
 Stragesq; præludit secundæ  
 Auspicio meliore stragi.  
 A Pomeranis Pannonicas itum  
 Adversus Urbes, Hungaricis ubi  
 Princeps requisitus Coronis

## 222 BENEDICTI à S. IOSEPH

Et viduo CASIMIRUS ostro.  
 Hic militares duxerat ordines  
 Turmasq; CYGNUS, Principis huic suam  
 Fortuna credidit carinam,  
 Sollicitos trabiumq; remos.  
 Quidcumq; demum Lechica frigidulis  
 Bellona conchis intonuit, Viros  
 Regni necessitasq; fortes  
 Ad clypeos habilesq; contos  
 Vocavit, illuc non trepidis Olor  
 Festinus alis iverat, acriter  
 Non ore tantum,, verum & ære  
 Sarmaticas animando mentes.  
 At grande crimen, sub galea cui  
 Si canet ætas, non itidem memor  
 Regnantium thronus labores  
 Aut modicè facit, aut supino  
 Sopit veterno. Miles in asperum  
 Excurrit hostem, non proprium dolens  
 Fudisse sanguinem, rudiq;  
 Vendibilem faciens metallo  
 Vitam frequenter, dummodo præstitis  
 Condigna sumat pensa laboribus,  
 Stipendijs tam, quam recepto  
 Vilem animam recreando nummo.  
 Qvos verò plenâ nutrijt amplior  
 Lucina mammâ, qvos vel opes Patris



Matrisq; fortunæ petito  
 Non tulerant eguisse pane;  
 Hi bella tractant, ut fluitent novæ  
 Per alta famæ, purpureis Honor  
 Ut veſtet inſignes quadrigis,  
 Punicæis cumuletq; fertis.  
 Hos intuetur palpebra Principum,  
 Hos providentis lumine Gratia  
 Ut reſpicit, ſic ſæpe digno  
 Pro meritis veneratur oſtro.  
 Non ſpe lucroſæ Veſter OLOR ſtipis  
 Ad bella promptus, cūi ſatis eſt, ovans  
 Si per Palatinas curules  
 Pegafeo properat volatu.  
 Hinc Scipiones, hinc Patrij dedit  
 Sigilla Regni Lechia, Martias  
 Hinc illa Clavas promerenti  
 Deposuit retulitq; Cycno.  
 Ornata Virtus ſepoſitâ neqvit  
 Condi ſub urna, nec piceis Olor  
 Se nubit umbris, aſt Iberi  
 Hesperias petit ultro portas,  
 Et ſacra Romæ ſub Capitolia  
 Legatus intrat, non ita ferrei  
 Auriga Martis, ut diſerti  
 Excutiat juga docta Phœbi.  
 Probata Gentes Svada per exterâs,

224 **BENEDICTI à S. IOSEPH**

Cygnosq; , Sais Pallas eburneo

Applausit ore, quod recisâ

Tanta canat sapiatq; lingvâ.

Sed de vetusto hucusq; strepens ego

Olore Vates, quam Tibi Signifer

Buscensis olim, nunc Senator

Digne Lubacoviensis inter

Castella terræ prompsero barbiton?

Quæ fila tanto digna traham Viro ?

Cum Filio Parens recentes

Quando vides properare fasces.

Non sat quaternos plus decies sequi

Rauci per annos murmura classici,

Non sat superstitem relictæ

Ex Proavis studuisse famæ ;

Ni fæderatos sollicites polos,

Et templa Divis è solido struas

Superba saxo. Filiusq;

Grande Tibi columen Parenti,

Quem veste vidit testum adamantinâ

Vienna Martem, quem valido globus

Accessit ictu, militaris

Quove suo Duce gaudet ordo.

Nec SVENTOSLAI penna Sodomiris

Non nota terris, cûi propriam Themis

Reducta commisit bilancem,

Inq; sinu requiescit alto

Secu-

Secura somno, cūi vigor ingeni,  
 Doctrina, blando suavis amānitas  
 Vultu renidens, & trecentæ  
 Cūi animum subiere dotes.  
 Verūm quis ausus me temerarijs  
 Hūc ire pennis? remigibus præit  
 Quo Cygnus alis, & canoro  
 Attonitas trahit ore Nymphas?  
 Nil vile sistrum, nil tenui iuvat  
 Arundo cantu; cūm modulamine  
 Ipse, ipse suaviore Cygnus  
 Æthereas bene mulcet aures.  
 Tu PETRE plestrum fume DUNIN, Tuſ  
 Dignumq; carmen profer ad Alitem;  
 Me sat Cayltriæ Volucris  
 Vel minimas tetigiſſe laudes.

## ODE XIX,

A D

**MARTINUM KATSKI;**  
 Palatinum Kijoviensem,  
 Artilleriæ Regni Generalem Præfe-  
 ctum.

I Mus? vel acres segnis adhuc mora  
 Distendit ausus? cedite Lentuli

K 5


Et

## 226 BENEDICTI à S. IOSEPH

Et lenta qvos virtus alacri  
 Non patitur properare gressu.,  
 Ægrèq; tardum languida promovet  
 Tæstudo passum. Pulverem Olympicum  
 Tu miles ingressus fatigas  
 Fulmineo pigra monstra cursu;  
 Nimboq; compar & Selymum, & citos  
 Præis Dioces, nescius ad levem  
 Hæreere cum Niso ruinam,  
 Aut positam titubante calce  
 Tardare metam. Per salebris graves  
 Tu sæpe calles, per gelidas nives  
 Volas Alexander Polone,  
 Difficiles neq; frangis Alpes  
 Mordaci aceto, sed gladio. cui  
 Est pro Paterna non Leo tessera  
 Sed Cervus haud segnis, Nemaos  
 Qvi superat tamen & Leones.  
 Tu Martiali vividus impetu  
 In Tauricani cornua Bosphori  
 Descendis audax; Tu Gelono  
 Perpetuas inimicus hosti  
 Moliris iras, duraq; Martium  
 In colla ferrum, vel Mareotica  
 In membra distringis mucronem  
 Letifero bene notus ictu.  
 Qvod si nitrato pulvere, plumbeâ

Vel

Vel sæva nactus prælia grandine,  
 Tormenta quod si, machinæq;  
 Sulphureo reboant tonitru;  
 Quam Tu Tonanti par ubivis Iovi,  
 Quam sæpe fractis aggeribus, cavis  
 Infundis & Martem cavernis,  
 Et pluvios jacularis ignes.  
 Hinc quâ voraci profluit impetu  
 Garumna præceps, Seqvana quâ suos  
 Distendit amnes, ac furentem  
 Præcipitat Rhodanus fragorem,  
 Vel Bætis ingens, vel Tagus aureo  
 Dives metallo, saxea nobiles  
 Gadesve quâ spectat Pyrene  
 Herculeis memores columnis;  
 Hac Fama promptis provehitur rotis  
 Et KATCIANIS laudibus attonat,  
 Cervumq; Bellonæ sacratum  
 Ac rigido canit esse Marti.  
 Remugit orbis, lætaq; concavis  
 Resultat echo rupibus undiq;  
 Nec sylva, nec vallis retorto  
 Non resonat fremebunda plausu.



228 BENEDICTI à S. IOSEPH  
ODE XXI.

A D

ADALBERTUM  
BARTOCHOWSKI,  
SOCIETATIS JESU.

Dum Orientis Victori

JOANNI III.

POLONIARUM REGI,

A salvata Vienna reduci eruditissi-  
mum Panegyricum,  
*Fulmen Orientis* intitulatum, in lu-  
cem publicam edidisset.

Fortuna magni maxima Principis,  
Si Martiali quod parat impiger  
Mucrone nomen, hoc futuros  
Ferre potest remanens in annos.

Nam nil triumphus, nil validis juvat  
Oppressus armis hostis, in unico

Si palma, quæ die parata,  
Hæc alijs sterilefcit horis.

Trophæa quamvis magnifico manent  
Erecta sumptu, quæ Herculeas probent  
Fuisse vires, ac in illo

Fusa loco trepidasse castra.

Ta

Tamen trophæis imminet ultimus  
 Quandoq; casus. & Parijs licet

Constructa de saxis theatra

Sæpe gravem subeunt ruinam.

Ni penna scribat, quod gladius suo  
 Signavit ictu, ni calamus notet,

Quod mucro fortis exaravit

Sanguineos recolendo campos,  
 Inanis omnis fabula gloriæ,

Agerq; tantum mole cadaverum

Tumescit unus, dissolutis

Mox pereunt monumenta truncis.

Molita quantum Roma suo potens

Olim Trajano! dum Capitolium

Vel duxit obvium, vel altas

Phidiaco statuit labore

Manuq; moles; dum spolijs graves

Currus trecentis vinxit adoreis;

Arcus triumphales, & ære

Dum solidos posuit colossos.

Hos apparatus magnifico satis

Sumptu paratos si cupide sequens

Inquirit ætas, præter unos

Non reperit ruderum lapillos.

Exstincta magni gloria Principis,

Sepulta Romæ magnificentia;

Quod Plinius scribente penna

De Ausonio retulit Trajano,

Hoc

## 210 BENEDICTI à S. IOSEPH

Hoc est Traiani. cætera barbaro

Oblivionis pressa jacent situ ;

Et Roma & orbis de peractis

Immemores reticent triumphis.

Achillis unam vidit imaginem

Magnus Macedo, se lachrymis statim

Perfudit, indolens, Homero

Se domiti caruisse digno

Scriptore mundi. Hinc, qui dominū Tyri,

Marisq; rubri, divitis Asia,

Delinearet penicillo,

Sollicitis studijs Apelles

Quæsitus: ingens gloria Principum

Reddi perennis si cupit, eloquens

Hanc penna scribat, posterisq;

Præla ferant repetenda lustris.

Quam Te beatus Sarmatiæ suo

Scriptore Princeps : Purpura nobili

Quam BARTOCHOVII colore

Tincta fatis, Clypeiq; vincens

Regnantis Umbo quam calami micat

Nitore docti. Non ita Plinius

Suum Trajanum, ut BARTOCHOVI

Tu Lechicum celebras IOANNEM.

Ut orsa tantum Svada loqui Tua,

Mirata quævis machina bellicis

Instructa nimbis, protinusq;

Attonitæ tacuere conchæ,

Dum



Dum penna caput scribere grandium  
 Stupenda prorsus pondere sensuum,  
 Styliq; majestate tanta,  
 Ingenij Latijq; cultu,  
 Ut ipse nolit vel Cicero loqui,  
 Nolit disertus scribere Plinius,  
 Tu quando salvatam IOANNE  
 A Lechico loqueris Viennam,

## ODE XXII.

A D

A L E X I V M

à CONCEPTIONE B. M. V.

*Dum Author à Præposito olim Scho-  
 larum Piarum Generali  
 Infulae Cracoviensis imprimendæ  
 licentiam obtinisset.*

D I S T I N C T A gemmis vix melius potest  
 Habere posthac Infula scrinium;  
 Quam quando de assensu paterno  
 Prompta premens subit ultrò prælum.  
 Laudem meretur, qui calamo, integro  
 Se monstrat orbi, non itidem minor  
 In laude successor, qui ad istam  
 Est aliquis stimulator auram.

Nec

232 BENEDICTI à S. IOSEPH

Nec præla solum plumbea seruiant  
Scribentis uni deniq; nomini;

Et præla qui permittit, unam  
Indubiè referet coronam.

ODE XXIII.

A D

DIVUM AUGUSTINUM

HIPPONENSEM ANTISTITEM,

Pelagianorum, Manichæorum, po-  
tentissimum hostem.

ET feriantem non finit Herculem

Antæus ignes ponere Martios,

Et angve succrescens Medusa

Stricta tuæ vocat arma pennæ.

Ibis minaci fortior Hercule

Divine Perseu, & colubri minas,

Iræq; , spumantescq; rictus

Magnanimo prohibebis ictu.

Nondum Latinis quippe securibus

Accisa collum subdidit Hæresis,

Adhuc reluctatur, tumentes

Grandis adhuc movet Hydra cristas.

Spretisq; plures non semel ictibus

Instaurat iras, & male perfidis

In-

LYRICORUM LIBER IV.

233

Instructa technis Africanas  
 Peste premit violente terras.  
 It Africanus Perseus æmulos  
 Adversus hostes, quâ calamo, piæ  
 Quâ voce lingvæ, virulentam  
 Insequitur reprimitq; labem.

ODE XXIV.

A D

Religiosam Scholarum Piarum  
 IUVENTUTEM.

*Nulla Apelli dies sine linea.*

FAvete lingvis, carmina posteris,  
 Dicam futuris carmina sæculis,  
 Quæ CALASANTINÆ notanda  
 Assiduo repeto juventæ.  
 Prave supino segnis in otio  
 Tractatur ætas, heu CALASANTIA  
 Assurge pubes nata magnum  
 Ingenijs referare campum.  
 Labore pulchros rectius improbo  
 Mercemur annos : FABRICIO jugum  
 Quantas maritavit coronas ?  
 Et virides nisi dextra palmas

Metit

234 BENEDICTI à S. IOSEPH

Metit quietis nescia langvidæ.

Ignaviores pigra cui otia

Strinxere nervos, per reclines

Ille jacet nisi bucco valles.

Hac arte plenæ maxima possident

LOIOLIANI culmina gloriæ ;

Hac arte vos famam, superstes

His studijs fabricate nomen.

ODE XXV.

AD

STANISLAUM

MAZOPOLSKI,

S. R. M. SECRETARIUM.

FRontem senectus subsilit, in dies

Anniq; vergunt ; non tamen obsit

Langvescit indoles senectâ,

Immò magis veneranda vivum

Promit vigorem. Sic reverentia

Major vetustis quercubus, integras

Quæ possident vires, nec ullum

A carie metuunt periculum.

Matura magnæ non nocet indoli

Ætas, ob ipsam canitiem gravi

Honor

Honor Camillo, Roma felix,  
 Quando senes sequitur Catones.  
 Victor Darij non alio Tyrum,  
 Lateq; sparsam milite Persidem  
 Possedit, Euphratiq; duras  
 Imposuit domito catenas,  
 Quam dum receptus sub Macedonicas  
 Nullus phalanges, in galea cui  
 Adulta non caneret ætas,  
 Quivè grauis senio verendos  
 Non ferret annos. Illyricos eo,  
 Et Sogdianos robore terminos,  
 Medosq; Alexander subegit,  
 Inq; rubros penetravit Indos.  
 Res magna nunquam perficitur, nisi  
 Provediorum consilio Senum,  
 Speret triumphales, caterva  
 Si fuerit veterana, palmas.  
 Sed quas Senectæ non temerarius  
 Appono laudes, has venerabili  
 Assume STANISLAE vitæ.  
 Iudicij gravitasq; morum  
 Et innocentis plena modestiæ  
 Illa illa laudem postulat indoles,  
 Rerumq; praxis, quâ occupatum  
 Cor KRASINI retines IOANNIS.

236 BENEDICTI à S. IOSEPH

ODE XXVI.

A D

IOANNEM IOSEPHVM

CASIMIRVM

TARZO.

Palatinidam Lublinensem,

In primo ad Scholas accessu.

TE velut magni sobolem Parentis,  
Te velut magnæ sobolem Parentis,  
Non minùs lætum, Schola læta panis  
Excipit ulnis.

Hic dies nonum Tibi pandit annum ;  
Hic dies nostram vehit ad palæstram :  
Palladem tracta, ruditasq; primus  
Occidat hostis.

Annibal vix dum fuerat novennis,  
Æmulæ indixit fera bella Romæ :  
Est Tibi campus schola, Tu futuris  
Prospice palmis.

Quanta crescentis documenta laudis !  
Ad scholas horrent alij ; sereno  
Tu volas vultu, reprimisq; quemvis  
Fronte pavorem.

A si-

LYRICORUM LIBER IV.

237

A sinu Matris, gremioq; Patris  
 Abripi haud uni grave Pufioni,  
 Ista Tu nunquam trepidante fers di-  
 vortia mente.

I per oppressam Rudium phalangem,  
 Et Tuo magnum recrea Parentem  
 Sæpe profectu, videatq; doctum  
 Mater Achillem.

Firma spes nobis, quia post peractum  
 In scholis dignè studium, sub acris  
 Signa Bellonæ, validiq; perges  
 Classica Martis.

Tunc scient omnes, Tibi quod paratur,  
 Et Tuæ quantum Domui theatrum :  
 Hinc & hinc postquam fluet in Paternam  
 Fama SECURIM.

ODE XXVII.

AD

PETRV M FRANCISCV M  
 à CONCEPTIONE B. M. V.  
 Scholarum Piarum

GENERALIS SECRETARIUM.

ID Rumor ad nos sæpe strepentibus  
 Deduxit alis ; quod Capitolio  
 Tu digna Romano theatra,  
 Et tragicas perhibendo scenas

No-

## 238 BENEDICTI à S. IOSEPH

Nomen parasti, non sine comici  
 Plausu laboris. Sic animi solent  
 Ad magna nati, nec supinam  
 Nec refidem retinere mentem.  
 Sublimis ut quis conscitus ingens,  
 Futura prudens cogitat, & libris  
 Scriptisq; se testatur Orbi,  
 Non dubius melioris augur  
 Post fata Famæ. Dramata Senecæ,  
 Duceo tragædum plus ego Senecam;  
 Quam dum Neronem, & per Neronem  
 Ausonium moderatur orbem.  
 Silent triumphi, quos domitis tulit  
 Pompejus Afris; quæ veteri dedit  
 Theatra Romæ, hæc in alma  
 Nunc etiam celebrantur Urbe.

## ODE XXVIII.

A D

ANDREAM  
 NAGORSKI,  
 SUBDAPIFERUM BUCENSEM.

Non parva gloriæ Parenti pars bono  
 Cernere, quos genuit,  
 Non deviantes Filios.

Non



LYRICORUM LIBER IV. 239

Non parva gloriae bonis pars Filijs,  
 Quo praestit Genitor,  
 Hoc ire per vestigium. (hunt,  
 Venarum aquae secum indolem semper tra-  
 Hanc sapiunt ubivis,  
 Quocumque tantum fluxerint.  
 Et sanguis excellens ad ortus respicit  
 Saepe suos, propriam  
 Originem considerans. Tuam  
 Quam Tu beatus prole NAGORSCI  
 Quando pari studio  
 Servat paternos spiritus.  
 Bellona STANISLAO ahenam cassidem,  
 Terribilem clypeum,  
 Hastamque tortam tradidit.  
 Nupsisse Marti diceres fortem DEAM,  
 Sic cataphractus Eques  
 Mavorte praestat pectore.  
 Quem non sagitta vulnerans, non grandinis  
 Sulphureae pluvia  
 Ullo retraxit praelio.  
 Per ferrum & ignes, & per enses Noricos,  
 Non timidus volitat  
 Per mille strages Optio.  
 Nec non IOANNES signa IUBOMIRII  
 HIERONYMI subiens  
 Pari resultat spiritu.

Mens

240      BENEDICTI à S. IOSEPH  
Mens acris illi, quodq; militem decet,  
Primus inire manu,  
Postremus ensem ponere.  
Tertius amœna Scuta sequitur Palladis,  
Inq; Pij's varias  
Scholis meretur Laureas.  
Utq; ense Fratres, eloquente SAMUEL  
Et stylo, & ingenio  
Uni laborant Patriæ.  
Pulchrum senectæ nobili solatium  
Et gladio, & calamo  
Claris potiri Filijs.  
Pulchrum NAGORSCIO tot annis oblit  
In vetulis vegetos  
Spectare ramis furculos.  
Segnis Parentes sæpè strangulat nepos,  
Dedecus & Domui  
Fædo propinat exitu.  
Hic Palladi Martiq; serviens Trias  
Et Domui & Lechia  
Omni meretur tempore.



## B E N E D I C T I

à Sancto

I O S E P H

Scholarum Piarum.

E P O D O N

LIBER VNUS.

O D E I.

A D

ELISABETAM ŽOSIAM,

VLADISLAO ŽOS,

PALATINO MARIÆBURGENSI,

Skarſzeviensî, Pokrzywnensî, Latovi-

censî, CAPITANEO,

Defideratissimo Mausolo,

Superstitem Arthemisiam.

*Inter eclipses oritur, qui illustris  
moritur.*G Rande tormentum, quoties amatus  
Conjugem reddit Viduam Maritus,

In domo cogit quotiesq; mæsta

Cernere signa.

L

Corda

BE

242 BENEDICTI à S. JOSEPH

Corda quæ firmo cojère nexu  
Sæva mors quando dirimit, cruentus  
Pectoris licetor, nimiq; sæva

Ansa doloris.

Sed tamen quisqvis meminit malignis  
Hanc DEVM legem posuisse fati,  
Ut ferant nunquam diuturna nostræ

Stamina vitæ,

Indolet, certum lachrymisq; ponit  
Tempus, ut longo gemitu dolentem  
Sauciet mentem, timet, & cadentes

Temperat imbres.

Te VLADISLAI meminisse, pulchrum  
Integri semper documentum amoris:  
Sis memor, tristis posito sed omni

Turbine planctûs.

Non eget tantis lachrymis, sereno  
Læta quem spectat Cynosura vultu:  
Et polus panis cui præparatus

Obviat ulnis.

Inter eclipses oritur, peractis  
Qvi nisi illustris moritur triumphis,  
Nec mori damnum est, ubi destinatis

Reddimur astris.

Ius in hunc nullæ tenuête Parcæ,  
Læve nec nevit Dea cruda filum,  
Sola cûi virtus præit ad futuram

Vltro salutem.

Sic

Sic tuus Conjux etiam per atrae  
 Pressa calcando ruit arma mortis,  
 Quem polo Rectum, memoranda cælis  
 Reddit honestas.

## ODE II.

AD

CONSTANTIAM  
 LOSIAM,

Palatinidem Mariæburgensem,

*Dum statim à morte Parentis sui col-  
 lecto omni Virgineo ornatu, maternis  
 pedibus aduoluta, eximia pietate &  
 innocentia petit, ut possit diuende-  
 re, congregato inde peculio ani-  
 mæ Parentis suffragatura.*

Virago fortis, & tuo CONSTANTIAE  
 Nomine nobilior  
 Magnæ voluptas LOSIAE  
 Spartana Te Mater? Laconnè vel Parens  
 Eximiam sobolem  
 In hoc nutritiuit sæculum?

L 2

Qvo

244 **BENEDICTI à S. IOSEPH**

Quo sumptibus non parcitur, corpus modo,

Putre aliquando nihil,

Et esca verax vermium,

Exhauriat totum Padum, cunctas Tyri

Divitias & opes,

Et fulva Gangis littora,

Insignis ostro dum puella prodeat,

Aurea purpuream

Vestemq; neçtat fibula.

Nodantur in aurum nitens crines vagi,

Vt Zephyris, levibus

Sic vana ventis carbasa.

Aurata collum sepiunt monilia,

Sqvama caput rutila,

Et laxas, onyches, togas.

Nec luxui parçit pedum fastus tumens,

Dum crepidas ligulis

Ornat superbè gemmeis.

Tu nata Virgo sæculo tam prodigo,

Nec duodennis adhuc

Ab his abhorres moribus,

Constantiæ vel Innocentiæ novo

Nomine digna cani,

Major Lacæna quâlibet.

Prostrata pedibus Matris unicum petis,

Sollicitè reliquæ

Quod deprecantur Filia,

Orna-

Ornatus omnis ut Tuus vendi queat,  
 Lugubre quando peplum  
 Parente sumptum mortuo,  
 Ac inde collectum peculium in sacra  
 Auxilijs animæ  
 Tradi paternæ postulas.  
 Non cultui parcit tuo Mater pia,  
 Enumerat pretium  
 Iuri relinqvens Filia.  
 Stupenda virtus in tenella Virgine!  
 Omnia prostituis  
 Functo Parenti seruiens.  
 Hæc tanta pietas optimæ fat uberes  
 Elicuit lacrymas,  
 Summumq; Matri gaudium.  
 Vel ipse nigrâ prospicit tumba Parens,  
 Tamq; animum tenerum  
 Sux stupet Constantiæ.  
 At rumor hujus ad me dum venit rei,  
 Non taceo; memori  
 Sed cuncta pando carmine.



## ODE III.

AD

IOANNEM ANTONIVM  
L O S,Capitaneum Pokrzywnenscm,  
Palatinidam Mariæburgensem.

O! magna magnæ Gratia Gratia,  
Ocelle Matris, firma domestica  
Columna DÆBROVÆ, ac imago  
Eximij rediviva L O S i.

Acerba nuper mors Lechico Patrem  
Subduxit orbi: Flevimus, & Tuis  
Matrisq; lamentis profundi  
Addidimus fluxivos doloris.

Cùm Tu superstes, cum docilem Parens  
Ad quæq; format maxima Filium,  
Spes certa, quòd reddes Parentem,  
Quòd Proavis, Abavisq; dignum  
Ages Nepotem. Nobilitas juvat,  
Nasciq; magno Sangvine; sed tamen  
Plus præstat indoles, superbos  
Et superat melior penates

Omnino virtus Hâc duce maximi  
Crevêre Gracchi, crevit & Hercules;

Tu



EPODON LIBER VNUS. 247

Tu deinde cresces, ac Achillem  
 Magnanimo perhibebis ausu.  
 Tunc læta Marris pectora non leues  
 Ducent triumphos, cum poterit suum  
 Spectare subsultans IOANNEM,  
 Ut rigidi modò signa Martis  
 Ille, ille ducit fortiter, ut modò  
 Adest Equestris Nuntius ordinis,  
 Ut vel Palatina curuli  
 Ad Lechicum vehitur Senatam.  
 Aggratulabor tunc & ego meo  
 Fortasse Vates lætior entheo,  
 Quòd ista prædixi, futura  
 Quæ solidi statuere cæli.

ODE IV.

AD

PETRUM  
 SUSTINOVIVM

Multa sine crimine patientem.

*Reliqua decora utcumq; didiceris, pati-  
 entia nonnisi per exempla instillatur.*

*S*partana virtus vix aliter potest  
 Quandoq; disci; ni doceant prius

L4

Exem-

## 248 BENEDICTI à S. IOSEPH

Exempla Majorum, peractæ

Cumq; alijs aliquando scenæ.

Spartana virtus est patientia ;

Hanc PETRE nemo possidet: indiget

Res arte ; nam natura longè

A simili refilit decore.

Thebanus olim Miltiades suo

Ad bella ductu non ijt: excitent

Prius Themistoclis trophæa,

Tunc rigidum subit ille campum.

Posses molestam pauperiem pati,

Posses misellæ liba paropsidis ;

Vt quisquis aut lingvâ procaci, aut

Innocuam lacerat liturâ

Mendace famam, jam stomacho ferox

Bilis movetur, jam refugis abis

Ad arma viribus, frementis

Impatiens remanesq; pugnat.

At erigendus sæpè animus ; furor

Non iste primam Te, neq; pugio

Hic me secundam cuspidato

Insequitur penetratq; ferro.

Fuère plures, quos eadem rudes

Palæstra postquam vidit, in optimos

Formavit Athletas, virorum

Non modicos statuendo casus.

Quousq; tantum vivimus, in dies

Re-

Recens ferendi materies datur.

Quicumq; non passus, putandus

E miseri nisi fæce vulgi.

Vnum levamen, si veniunt mala,  
His non reniti. Fit levius jugum,

Quod leniter fertur : paramus

Non steriles, patiendo, palmas.

## ODE V.

AD

TYLMANVM

à GAMEREN

GAMERSKI,

S. R. M. &amp; Illustriss. MARESCHALCI

Regni Architectum.

Decet Dynastas nil aliud magis  
Quàm thaumaturgos quærere Phidias ;

Pulchrumq; , non rudes Apelles

Si dominis remanent in Aulis.

Fecere magni semper id Hæctores,

Et clara summis Nomina purpuris :

Fecere Alexandri, bonosq;

In pretio tenet Architectos

Quicumq; dives, nec nimis indigæ

250      BENEDICTI à S. IOSEPH  
Ex sorte plebis. Qvod LVBOMIRIO  
Dignum MARESCHALCO est, ubiq;  
Eximias locat ille moles,  
Grandiq; sumptu summa palatia,  
Et digna tanto nonnisi Principe,  
Qvæ Regiam solis, superbas  
Qvæ superent Babylonis arces.  
Iam verò qvot non eminet ædibus  
Erecta Padvano ANTONIO Domus ?  
Non qvanta, sed qvalis, stupendâ  
Atq; fidem superante pompâ.  
Et hæc supremi laus LVBOMIRII  
Qvod tanta præstet, deq; rudi situ  
Immensa ponat tecta, longo  
Indubiè memorandus ævo.  
Tibi ARCHITECTO non tamen eripit  
Hanc ille famam, præcipuè Tuâ  
Qvod arte, Te qvod & Magistro  
Tam celebres statuatur ædes.

ODE VI.

A D

A D A M U M  
R O S T K O W S K I,  
Præpositum Varſaviensem.  
Vladi-

Vladislaviensem, Plocensem Cano-  
nicum.

*Dum Regio beneficio Prælaturam  
Varsaviensem obtinuisset.*

VT fama, sic & grande fatis decus  
Summis probari Principibus, quibus  
Non quilibet cordi, nec omnes  
Irriguo recreantur amne.  
Diu rogari munificus solet,  
Ut manet, imber: sæpe diu genu  
Necesse flectat, Gratiarum  
Qui faciles sibi poscit aras.  
Plerumq; lanx est, dextera Principum,  
Quæ sæpè strictè ponderat, ut cui  
Fortuna largienda, vel non:  
Qui meritis gravis est, benignæ  
Hic experitur munera Gratiæ;  
Exile pondus rejicitur, neq;  
Agnoscit aut frontem serenam, aut  
Propitios hilaresq; vultus.  
Sed ista debent immeritæ nisi  
Sufferre vires: respiciunt, suo  
Stringuntq; pectori favores,  
Dum meritam reperere mentem.

252 BENEDICTI à S. IOSEPH

Non hæsit in Te Gratia Principis,  
Dignum notavit quando per omnia

O! docte ROSTKOVI, fovente

Quin potiùs gremio sinuq;

Complexa magnam protinus indolem,

Et his revinxit fascibus. Aureo

Quippe imbre dignus, qui per omnes

Ne minimùm sterilefcis annos.

Ascende felix! nec tamen ultimum

Hunc esse honoris credito limitem :

Prædico vates, quod nitebis

Præsuleis aliquando Vittis.

### ODE VII.

A D

S E V E R I N V M

S Z C Z V K A,

Canonicum Culmensem.

**F**orsan severi territa Nominis

Horrore buxus non poteris novos

Formare cantus, plectra forsan

Nil cupidæ recinetis auri.

Sed nil severi nubila Nominis

Vos oro tangant. Vidi ego, quod nisi

Hic candor & Rectum triumphant,

Quod probitas teneat quietam

Ad-

Addicta sedem: blanda sonantibus  
 Quin Musa chordis carmina tempera,  
 Buxusq; dulcis, barbitosq;  
 SZCZVCIACVM resonante Nomen.  
 Innata quanquam dexteritas Viri  
 Est sæpè magni, gessit ut ardua  
 Et magna postquam, malit omnem  
 Egrediè meruisse laudem,  
 Quàm audire turgens. Nil resonantibus  
 Externa prodest tibia plausibus:  
 Virtute censeri, supremus  
 Semper honos, meritiscq; vera  
 Laus æstimari. Nil cytharæ sonent,  
 Nil molle plectrum, nil Bercynthiæ  
 Et tibiæ, chelyscq; , virtus  
 Non vacuas canet ipsa laudes.

ODE VIII.

AD

CASIMIRVM  
 P A C,

EQVITEM MELITENSEM,  
 M.D.L. Supremum Notarium.

ET Malta novit nil aliud, nisi  
 Vel Martiales quærare spiritus;  
 Igna-

## 254 BENEDICTI à S. IOSEPH

Ignava vel si mens inersq̄,  
 A proprio remove portu.  
 Et PACIORVM non alijs potes  
 Sangvis morari sedibus, aspera  
 Qvàm bella qvæ tractant, ferumq̄  
 Assiduè meditantur hostem.  
 Inventa postqvam per Latias Tibi  
 Exulta Musas, & peregrè simul  
 Lustratus orbis, bellicosæ  
 Castra statim placuère Maltae.  
 Nec acta remo res, sed ahenæ  
 Vbiq̄ conto; pro levioribus  
 Vexilla velis, proq̄ proris  
 Herculeæ valuère parmæ.  
 Spectavit heros Insula LILIO  
 Nocere spinas nil Mareoticas,  
 Spectavit, ut Ducum propago  
 Littavici sobolesq̄ Martis  
 Inter frementis littora Nerei,  
 Et Melitensis regna Propontidis  
 Interritus stabas, merendo  
 Non teneas CASIMIRE palmas.  
 Vicina palmis LILIA; bellicis  
 Propinqva semper classica PACIIS,  
 Ex LILIO & nunc PACIANO  
 Malta novam sibi speret herbam.



## ODE IX.

A D

LAURENTIUM  
WODZICKI,

Pocillatorem Varſavienſem.

*Novum fanoris genus DEO ſenera-  
ri: dare quod acceperis, ne luculen-  
tius recipias, quod dederis.*

L. Argiens promptè manus, irriganti  
Quævè decurrit ſimilis fluento,  
Deficit nunquàm, parat imò plures  
Prodiga gazas.

Nam quod offertur Superis, benigni  
Illico reddunt Superi, nec unquàm  
Se ſinunt vinci, quia plura poſſunt,  
Plura rependunt.

Filij tolli pòterunt, & omnes  
Sanguinis venæ, Superis profuſa  
Dextra dat quidquid, manet, ac ſuperſtes  
Durat in ævum.

Sæpè cisternas videas fugatis  
Aridas undis; videas lacunam  
Sæpiùs ſiccam, quod aquas avaro  
Detinet hauſtu.

256 **BENEDICTI à S. IOSEPH**

Qvò fluunt fontes magis, & propinquos  
Irrigant campos, magis auctiore  
Defluunt alto, faciuntq̃ plenis

Flumina ripis.

Largus in cælos, velut æqvor unum  
Semper effundit recipitq̃ semper;  
Qvæ dedit, rursùs repetit trecenta

Omnia fructu.

Virgo qvam è puro veneraris auro  
Ponderis magni statua **WODICCI**,  
Non sinet vinci, referetq̃ dite

Munera censu.

Pauperum mensas quotiesq̃ misso  
Pane sustentas, etiam pro ijsdem  
Est vades Numen, vacuamq̃ nunqvàm

Perferet arcam.

Numini quidquid dederis, refundet  
Largius Numen, referata nunqvàm  
Dextra stringetur, quia prompta prompta

Præmia dextræ.

**ODE X,**

**AD**

**DOMINICVM IGNATIVM  
WINKLER.**

Supremum Thesauri Regni Notariùs.

Nil

*Nil de tempore prodigit, qui curas  
Pietate temperat.*

**F**ortuna nobis parcius nihil dedit,  
 Quam spatia pauca temporis.  
 Auro æstimanda cuius hora quælibet,  
 Fulvoq; Gangis gurgite.  
 Natura nostra sed nihil scelestius  
 Caro profundit tempore :  
 Dies & anni transeunt, acti breuem  
 Intrâ theatri limitem.  
 Nec vita quidquam pensi habet, negotijs  
 Quamvis trecentis obruta.  
 It otiosus sæpe homo ! lustrans forum  
 Urbis plateas circumit.  
 De crastino totusq; pendet, nescius  
 Quod manè mortem prospicit.  
 Ætatis est quidquid retrò, mors jam tenet  
 Tempusq; transit aureum.  
 Curas bonus Pietate Vir dum temperat,  
 Nil prodigit de tempore.  
 Immensa virtus, sed recenti sæculo  
 Aut exul, aut hospes nisi :  
 Magno tamèn Notario domestica  
 Ipsiq; culta à fascijs.  
 Procede felix, pariet ipsa laureas,  
 Sublime quæ cælum parit.

Non

258 BENEDICTI à S. IOSEPH

Nō minuit, auget sed adhuc hæc opes Dea,  
Nomenq; reddit inclytum.

Quæ Principes ornat, fovet Provincias  
Fortiq; custodit manu, (mum,  
VINKLERIANAM provehet simul De  
Hoc Vate dico Spiritu.

ODE XI.

AD

ALBERTVM STANISLAVM  
CHROSCINSKI,

Regiæ Camerae intimū Secretarium.  
Cum Lucani Pharfaliam versu vernaculo  
eruditissimè concinnatam, luci publicæ  
commisisset.

*Literis & scriptis suis Vir doctus ef-  
ficat, ut mortalitas sua finire pos-  
sit, non vita.*

TE Musa mater, Te genitor dedit  
Apollo Vatem, cui ita Delphicæ  
Stravère se laurus, ut ultrò

In virides abeant coronas.  
Sic arma Cai Cæsaris, & simul  
Cognata multo sanguine prælia,

Sen-

Sensu repræsentas Polono,  
Sarmatico recinisq; pleetro.

Vt si Lucanus surgeret, & novam  
Spectare vellet Pharsaliam, Lecho  
Correptus entheo Latini

Defereret juga trita Pindi.  
Mos iste magnis ingenijs, suæ  
Studere genti, cumq; idiomate  
Possunt domestico referre,

Nolle alias adhibere lingvas.  
Mos iste summis ingenijs, stylo

Parare famam, seq; sequentibus  
Monstrare sæculis, perennem  
Perq; libros reparare vitam.

Suis premuntur cætera finibus,  
Fortuna, vires, firmaq; sanitas,  
Roburq; corporis recedunt,

Et miserâ tumulantur urnâ.

Ipsæ perennant nonnisi literæ,  
Ex eruditæ fama; profluens

Labore mentis perseverat,

Et remanet satis æviterna,  
Æterna si non. In miseris patet  
Terra ipsa mortes, per tumidas Domos,

Per regna, per gentes, cruento

Sæviti atrox Libitina ferro.

Totumq; quidquid nascitur, horrido

Perit

260    **BENEDICTI à S. IOSEPH**  
Perit tumultu. Non Parijs cinis  
Tutus sepulchris; instat atrum  
Marmoribus tumulisq; Fatum.  
Vis sola docti non perit ingenâ  
Per eruditas difflua paginas:  
Theatra nutant; literarum  
Stant solido monumenta fulcro.

**ODE XII.**

AD

**IOSEPHUM  
LUBOMIRSKI,  
CURIÆ REGNI MARESCHALCÛ,  
S. R. I. PRINCIPEM.**

¶ **E**lociores quis mihi spiritus  
V **C**oncessit alas? quis furor igneus  
Sublime per nubes, & altum  
Quæ superis dedit ire regnis  
Fortuna Vatem? Iam mihi frigidi  
Transacta cursu culmina Caucafi,  
Iam cessit Hæmus, & nivolas  
Æoliæ superavit arces  
Decorus error. Iam mihi Tybure  
Excessit ales penna, per Appulas

Iam

Iam vectus ocre, sisto tandem  
 In Lechicis vetus hospes oris;  
 Et Te Paternæ gemma Propontidis  
 Flumenq; canto. Non Helicon magis  
 Præ SRENIAVA, non amæni  
 Castalidum potuere vati  
 Placere fontes. Hic CALASANTIIS  
 Est ripa Musis, hic quoties Tui  
 Crystalla spectamus fluenti,  
 Nil aliud nisi gratiarum  
 Spectamus Altum. Lechia Martium  
 Experta flumen, nec petit Indicos  
 Subinde Ganges, ditiores  
 Quandoquidē SRENIAVA vester  
 Ostendit Hermos. Curre per aurei  
 Longæva felix sæcula fluminis,  
 Nos LYBOMIRSCIVM perenni  
 Obsequio celebremus amnem.

ODE XIII,

A D

IOSEPHUM  
 LUBOMIRSKI,  
 ABBATEM TINECENSEM,  
 S. R. I. PRINCIPEM.

Iam  
 T VI faventes Fluminis alveos  
 Et larga cantem rectius ostia, Im-

262 BENEDICTI à S. IOSEPH

Immensa quàm Nili profunda,  
Aurifluig; sinus Hidaspis.  
Ut nostra tantùm pauperies Lechos  
Ingressa calles, protinus alterum  
Experta Gangem, SRENIAVÆ  
Munificas reperitq; ripas.  
Quem Thressa sensit sub Chocimo Pharos,  
Periculosis quèm reducem Lechus  
Agnovit in rebus Camillum,  
Larga PODOLINII fluenta  
Direxit in nos. Mox similis Patri  
Et Thaumaturgo non minor Hercule  
GEORGIUS RESSOVIENSES  
Propitius patefecit undas.  
Impressa magnis tanta Nepotibus,  
Insculpta magnis gratia Filijs,  
Ut PODOLINII faventem &  
Ressoviæ fateamur amnem.  
Nam quid Supremus Scipio Lechici  
Director Orbis? quid Lechicæ cui  
Concreditur clavis saburræ?  
Ni Hesperijs Tagus est arenis?  
Hoc fonte manat gratia, quæ Pias  
Amore magno prosequitur Scholas,  
Hoc nostra paupertas fluento  
In tenui vehitur carina.  
Et Tu Patrona non deeris manu,

Præ-



EPODON LIBER VNUS. 463

Praclare tanti Pelee gurgitis,  
Et Tu CALASANTINO opimus  
Non deeris Benefactor Orbi.

ODE XIV.

A D

ANTONIUM ANDREAM  
KRZESIMOWSKI,

ABBATEM COPRIVNICENSEM, S. O. C.,  
per Poloniam Commissarium, &  
Vicarium Generalem,

*Dum Viatorem Christianum iteratò  
lucti publicæ commississet.*

Q Vis me per æquor, per nimias jubet  
Qvis ire flamas? quis per inhospitas  
Viator ignotum cavernas  
Difficili facit ire passu?  
Et cum per Vrbes, per varios quoq;  
Imus receptus, ille vel integro  
Ab orbe divertit, Deumq;  
Et superas nisi svadet auras,  
Viamq; cœlum versùs. Inutilis  
Non iste trames, non KRZESIMOVII

Du-

264      **BENEDICTI à S. IOSEPH**  
 Ductoris ignavusq; tractus,  
 Sed Pieras, sed honesta virtus  
 Qvò quemq; poscit ducere. Barbaras  
 Labore vano carbasa tendimus  
 Stulti frequenter ad Mycænas,  
 Et madido nimis æstuosas  
 Sudore Syrtes visimus, interim  
 Qvam sæva torvæ bella Propontidis  
 Instant peregrinis, stetitq;  
 Qvam tragico via sumpta damno.  
 Alter remotas Hesperia domos  
 Scursor intrat, transit in exterum  
 Et sæpe curiosus orbem  
 Magnificas specularo Thebas.  
 Sed inde crescit, qvanta domestici  
 Iactura nervi, dum Patrium nepos  
 Dissolvit ac absunit aurum,  
 Exq; adito nihil auget orbe.  
 Et sancta rarò respicitur Sion,  
 Et alta cæli regia defidi  
 Aditur haud menti, nec unquam  
 Æthereæ revocantur oræ.  
 Tu KRESIMОВI ductor ad inclytam  
 Nunquam dolendo tramite Patriam,  
 Tu ducis ad cœlum Viator  
 Eximiaq; Sionis arces.

ODE

## ODE XV.

AD

CASIMIRUM  
ZELIGOWSKI,  
Pincernam Braclaviensem,  
Notarium Theſauri S. R. M.

Dum cum Tartaris conſtigens, & è  
ſummo periculo evadens, votum  
MARIE de Gratijs Varſaviæ  
depoſuit.

Virgo, quæ Caſtrorum acies frequenter  
Dicitur Nobis; Tua vota pronò  
Accipit vultu, proprijsq; poni  
Gaudet in aris.

Martij poſtquam cupidus duelli  
Ad rigoroſæ data ſigna conchæ  
Mente Bellonam, validum ferebas  
Pectore Martem.

Thrax pharetratis violentus alis  
Caſtra conſcribens micuit ſevero  
Illicò ferro, Pharijsq; cepit  
Prælia telis.

Prodigus vitæ ruis in furentem  
Mox ZELIGOVI generoſus hoſtem,  
M Comi-

266 BENEDICTI à S. IOSEPH

Cominus stricto sinuascq; multa

Vulnera ferro.

Hinc & hinc ardent nimio calentes

Impetu dextræ, numerus sed inde

Et cruentatis numerosa præstant

Agmina peltis.

Quid tot & tantas ageres phalanges

Miles adversus? duo sæpè magnum

Herculem terrent, quid ubi frequentes

Excipis hostes?

Virgo quæ Thressam dominis cõdercet

Calcibus Lunam, placuit potentem

Robur in Thracem, dubijsq; certa

Anchora rebus.

Illa diffusas Dolopum sarissas

Pressit admoto domitrix cothurno,

Illa flagrantem medio Camilla

Iuvit in æstu.

Illa vel fractis metuenda telis

Diffluas hostis tremefecit alas

Illa concussum penitus duellans

Reddidit Hæmum.

Tu tuam tantæ Dominæ salutem,

Tu tuos tantæ Dominæ triumphos

Gratus adscribis, venerando sacram

Virginis aram.

ODE

## ODE XVI.

AD

## AMICUM

Iniquis inuidiæ moribus expositum.

*Pulcherrimum est, scire inuidias, &  
posse spernere.*

INvidos nunquàm fugit ille morfus,  
Quem sua virtus tenet in palæstra :  
Ut quis est recti studiosus, acres

Invenit hostes.

Sed nimis parvum retulit profectum,  
Ferre qui effrenes rabidasq; lingvas  
Nescit, & stictæ minimam pavescit

Cupidis umbram.

Non levis magnos gradus ad triumphos  
Scire mordacis fremitum furoris ;  
Fama sed longè melior frementes

Temnere rictus.

Fortis id signum specimenq; mentis,  
Nil ad undosos trepidare fluctus,  
Assilit sanè scopulum fremens, nec

Concutit unda.

Nubilis Phæbus tegitur subindè,  
Non tamen purum minuit nitorem,

M 2

Firma

## 168 BENEDICTI à S. IOSEPH

Firma stat lampas, sua suntq̄ claro  
Lumina Phæbo.

Impigrum vexant culices caballum  
Et vagæ muscæ, tamen ille gressum  
Promptius profûs glomerat, levesq̄  
Despicit ictus.

Sic ad immensum stimulat decorum,  
Quidquid adversis remoratur armis,  
Magna mens tangi poterit, nec atro  
Cedere nimbo.

Sæpè formosum redijt serenum,  
Infolens postquàm tonuit procella,  
Lassa prout venti quoq̄ mitigatur  
Sæpius ira.

## ODE XVII.

AD

CAROLVM AFFAITA

Gnesnensem, Varmiensem Canonicum

*Dignitas pramium est probitatis,  
non temporis.*

TE Gnesna quamvis CAROLE tardiùs  
Princeps honestis cinxit adoreis,

Te Varmie licet sacratis

Lentus honor cumulavit aris;

No

EDOPON LIBER VNUS:

269

Nocet probatæ nil tamen indoli,  
 Quæ magna per se. Præmia temporis  
 Non dantur, at virtus honoris  
 Erigitur probitasq; palmis.  
 Fuere multi, quos properis Honor  
 Accessit alis, quos trabeæ quoq;  
 Summæq; Purpuræ subinde  
 In tenero subiere flore  
 Vitæ virentis. Sæpe at inutiles  
 Truncos videbis, sæpe sed hispidos  
 Spectabis, explodesq; fungos,  
 Quos aded properis stupebas  
 Enare remis. Nobilius decus,  
 Quodcunq; tardis provehitur rotis,  
 Ilex diu quercusq; crescit,  
 Innumeris sed habenda lustris.  
 Arundo se se proripit, & citò  
 Implet staturam, sed nec arundinis  
 Est tanta fama, quanta quercus,  
 Quæ varijs adolescit annis.

ODE XVIII.

A D

CASIMIRUM  
 DVNIN GLVSZYNSKI,  
 Canonicum Vladislaviensem.

M<sub>3</sub>

Dum

270 BENEDICTI à S. IOSEPH  
Dum post Stanislaum Kraiewski Cu-  
stos Loviciensis denuntiaretur.

**D**Efunctus etiam subfilit KRAIEVIUS  
Datam Tibi Custodiam.  
Vivusq; fidum quem colebat Castorem,  
Suo lætus fert in loco.  
Et iste RADIOVII magni favor,  
Post optimum, dare optime.  
Laus purpurati Principis, quos unicus  
Affectus olim strinxerat;  
Hos morte ne quidem pati ipsâ dividi,  
Vnumq; nomen reddere.  
Dulcescet & funus pio KRAIEVIO  
Dum funeri accines Olor  
Vtrôq; lætus se eriget tumbâ suâ,  
Tam candidam spectans avem.

O D E XIX.

A D

IOANNEM CHRYSOSTOMVM  
GOLEMBIOWSKI,  
Ord. Erem. S. Augustini Sac. Theol.  
Doctorem, Ecclesiastem Regium.

Stupenda dicam! quæq; Oriens prior  
Non vidit unquam: Sceptra Chrysofomi  
Ama-



Amare suggestum, ac ab ore  
 Veridico, simul & diserta  
 Pendere svadâ. Non ea Præfulis  
 Fortuna quondam visa Bisantij,  
 Eudoxiam postquam hic, & aulam  
 Assiduum sibi sensit hostem,  
 Qvin & Dynastæ sæpius impio  
 Furore moti, prælia barbaro  
 Movère ritu, mella quamvis  
 Ac liquidum loqveretur aurum.  
 Ingratus hospes, libera veritas  
 In regiarum limine sediam;  
 Verumq; qui dicit, paratas  
 Indubiè subiturus iras.  
 Hinc septa multo tecta satellite,  
 Ne tanta celsis sistat in atrijs  
 Intretq; Virgo, ne superbas  
 Diva loqvax agat inter arces.  
 Privatus ut quis, sustinet in suis  
 Illustre Numen sedibus, ad thronos  
 Si vellet ire, Principesq;,  
 Mille Deam remorantur hastæ.  
 Tu quæ futuris scena nepotibus  
 Ecclesiastes Regie, pro Sacris  
 Cui veritas rostris, decorum  
 Eximiè peragit theatrum.  
 Sunt quæis malignè vel simulatio.

272 BENEDICTI à S. IOSEPH  
Vel turpe claudit labra silentium,  
Tu vera pandis: sed IOANNES  
Sarmaticus dubium stupenti  
Relinquit Orbi: lausne ea Principis?  
Qvi tanta dici sustinet, an tua?  
Qvi liberè sic dicis, omnem  
Eloquio perimendo naxum.

ODE XX.

*Damnatur ad curas, qui ad regimen  
elevatur.*

**R** Ideo vanos hominum labores:  
Fæda regnandi quibus est cupido,  
Cum nihil gignit nisi turbulentas  
Purpura curas.  
Plurimis illud placet **EMINERE**,  
Et gubernatrix hominum corona,  
Nec sciunt quantis diadema sœvit  
Pungere spinis.  
Æstimat, qui nescit adhuc, potestas  
Summa quam magnis agitùr procellis,  
Qvi probat tantum citò nauseatas  
Ponit habenas.  
Omnium est planè famulus, supremos  
Se putat quisquis retinere fasces,

Servi-

EPODON LIBER VNUS.

273

Servitus quædam, regimen protervi  
Maxima vulgi.

Cuncta privatus sibi vult licere,  
Nil gubernanti: benè stertit omnis  
Subditus, longo recreans quieta

Membra sopore.

Qui præest, custos sit oportet Argus,  
Totus insomnes peragatq; noctes,  
Crimen est lasso quoq; ferre paucum

Corpore somnum.

Optimè quidquid facies, malignus  
Vertit in pejus tua facta livor,  
Ipsa subjectus reputat nocivum

Mella venenum.

Heu coronatæ pereant catastæ,  
Viximus nuper sine fastuosis  
Fascibus læti, tetricas nec unquam

Duximus horas.

Blanda regnandi trahat esca vanas  
Rectius muscas, mihi firma mens est  
Nolle pomposum, grave nolle duro  
Pondere sceptrum.

ODE XXI.

A D

M 5

IA-

IACOBUM SZCZUKA,  
Canonicum Cracoviensem,

Dum feralis Nuntius venisset de  
morte Casimiri Szczuka optimi  
Antistitis.

*Senes, Iuvenes, neminem atas im-  
munem facit: & cum nati sumus,  
subijcitur huic tributo.*

Nuntius nostras inopinus aures  
Involat tristi cecidisse Fato  
Præfulum gemmâ, tacitasq; SZCZVKAM  
Ducere noctes.

Heu! nimis crudæ fera pensa Parcæ!  
Heu nimis duros Lachesis furores!  
Tam citò rumpi sinuosa dignæ  
Stamina vitæ.

CVLMA sexcentos etiam per annos  
Viveret tanti studiosa RASTRI,  
Sæva falx CVLMAM, tragicosq; RASTRÛ  
Percutit ictu.

Nescio quis non ad atrox recentis  
Non fleat mærens pelagus charybdis?  
Flet mihi buxus, rapiturq; multo  
Tibia planctu. Nec

Nec tibi tantæ strepitus ruinae,  
 Nec tuis tanti sonitus fragoris  
 Non ciet fletum, renovatq; fixis  
 Vulnera telis.

Sed quid immiti miseri dolore  
 Ad parentalem gemimus cupressum?  
 Vita cum sanctæ fatis acta, lætam  
 Porrigit herbam.

Tarda seu velox subiisset hora,  
 Firma funesto SZCZVKA meta Fato:  
 Vixit, at certum meditatus omni  
 Tempore finem.

Mors senes audax, juvenesq; stricto  
 Infilii ferro, paribusq; magnos  
 Parca seu parvos truculenta semper  
 Obruit armis.

Nascimur quotquot, simul & tributa  
 Pendimus certæ miseranda morti,  
 Induat vivens chalybem, severo  
 Subiacet æri.

Nemo non atri juga sub Charontis  
 Tendit, ad dandum properatq; censum,  
 Mille ad immitem miseramq; mille  
 Ostia Lethen.

Vnicum tanti gemitus levamen,  
 Quod sit in nostris manibus, decora  
 Morte vel pravâ volumus peractam  
 Claudere scenam.

276 BENEDICTI à S. IOSEPH

Funus haud novit, cui vita nullo  
Mergitur cæno, cui firma mentem  
Occupat virtus, teneriq; cura

Regnat honesti.

Funus haud novit CASIMIRVS, esto  
Corpus obscuras abiit sub umbras,  
Spiritus vivit, medijsq; se se

Ingerit astris.

Interim trinas pudeat sorores,  
Sic quòd abruptum secuere filium,  
Vivit, & vivet dirimente felix

Forcipe SZCZVKA.

O D E XXII.

PRINCEPS HYMENÆUS,  
MAXIMILIANI EMANVELIS

COMITIS PALATINI RHENI,  
Vtriusq; Bavariae Ducis, S. R. I. Archidapi-  
feri, & Electoris.

&

TERESSIÆ CVNEGVDIS

SERENISSIMÆ  
POLONIARVM PRINCIPIS.

COrda seu isto coitura nexu,  
Regna seu isto socianda vinclo;  
Phæbe da plausum resonasq; tange  
Pollice chordas.

Fi

Filias Regum Lechiæ maritis  
 Vidimus pridem caluisse flammis,  
 Nec SIGISMVND0 licuit beatam  
 Cernere scenam.

Ad VLADISLAVM revoluta Quartum  
 Pompa desponsæ fuerat Sororis,  
 Cùm IAGELLONIS data Neoburgo  
 Virgo Leoni.

Tertius sceptri Lechici IOANNES,  
 Prima nostratis CASIMIRA pomi  
 Elocant faustâ propriam BAVARO  
 Sorte TERESSAM.

Mitra cum Sceptro veniunt in arctum  
 Prosperè nodum : Genitam Parentes  
 Fæderant vivi ; quid habent remotæ  
 Lætiùs oræ ?

Sangvinum stirpes ab utrinq; certant,  
 Semper Augusta coeuntq; Cunæ :  
 Nexus hic unus propè fæderatum  
 Efficit orbem.

Thracijs clarus spolijs BAVARVS  
 Hæc paludati Soboles Gradivi :  
 Quid, novo Pallas nisi copulatur  
 Lechica Marti ?

Hercules nollet redivivus Heben,  
 Peleus nollet Thetidem marinam,  
 Tanta si prisco thalamis Amazon  
 Viveret ævo. Mars

178 **BENEDICTI à S. IOSEPH**

Mars statim ferret Rhodopen, Apollo  
Delphicam Lesbos, Patriamq; Delon:  
Ille gemmato Clypeo, iste prompto  
Cederet arcu.

Alteri verùm DEÀ nostra Sponso  
Cessit, & cedit, Lyrico fragore  
Regiæ quidni canimus revincta  
Serta puellæ?

Vandalus Rheno stipulatur, atq;  
Maximi Europæ fluvij secundo  
Defluunt secum recreantq; vasta  
Regna susurro.

Certa spes Nobis, quia post peracta  
Fæderis tanti thalamiq; festa,  
Et Salus, & Pax niveo subibit  
Oppida curru.

Tu Tuo Virgo referes Parenti  
Veneris postquam Boicas in arces,  
Quod Tibi largis pretiosa manant  
Tempora gemmis.

Tu Tuæ Virgo referes Parenti,  
PRINCIPI vives ubi juncta Sponso,  
Melle quòd nòrunt Tibi delibuti  
Currere rivi.

Interim Lechi canimus, quòd isto  
Corda non tantùm sed & ipsa pacto  
Regna conspirant, veniuntq; in unum  
Maxima fædus. Ode



Ejsdem

SERENISSIMIS  
NEOSPONSIS,

Dithyrambus.

pRome tædas, nuptiales  
 Dulcis Hymen prome flammas,  
 Profer ignes, & nigrantes  
 Dulcis Hymen pelle nubes,  
 Prome tædas, nuptialis (mina  
 Pompa lætos poscit ignes, læta poscit lu-  
 Io! tellus! io! lætos  
 Blandus Hymen promit ignes.  
 Io! svave sibilantes  
 Fama lenis tollit alas,  
 Pellit umbras, & molestas  
 Si qva nubes fixit arces, mæsta pellit nubila.  
 Ibitis per purpuratæ  
 Verna Sponsi regna Floræ:  
 Vos inaurat ditiori  
 Delicata Chloris auro.  
 Vos marito flore Pæstum, (piter  
 Amne Vanda, rore cælum, sole donat lup-  
 Pax sereno vecta curru  
 Sors alacri prompta passu.

Comi-

280 BENEDICTI à S. IOSEPH

Comitalisq; conjugatum,

Faufitalisq; tollit axem.

Blandiori perflat ore

Aura campos, & fragranti tempus instat or.

Astra clamant, Sponse vive: (dine

Terra clamat, Sponfa Vive:

Prata clamant Sponse Vive:

Stagna clamant Sponfa Vive:

Sponse Vive, Sponfa Vive

Astra clamant, regna clamant, longa cl-  
(mant sæcula.

ODE XXIV.

A D

Non degenerem Magnæ

TARNOVIORVM FAMILIÆ

NEPOTEM.

Pallasnè vel Mars parietibus suos

Fixit triumphos? quæ video sacram

Descripta per Domum trophæa?

Quæ Patriæ simulacra gentis?

Dum Martiali Vividus impetu

In Tauricani cornua Bosphori

Ille ille desævit, Boruffo

Ille graves inimicus hosti.

Moli-

Molitur iras, duraq; Barbari  
 In colla ferrum, vel Mareoticis  
 Defigit in membris mucronem  
 Sanguineis metuendus armis.  
 Quis ille verò Ductor in arduam  
 Excurrit Vle? creditis? inclyto  
 Io SEBASTIANVS ausu  
 Sarmatici redivivus orbis  
 Camillus & Mars. quando Aquilæ truncem  
 Ferociori robore nobiles  
 Pugnamus in Moschi Draconem,  
 Et validis inimica fortes  
 In corda pugnis imus, & impigro,  
 Vt quemq; Virtus excitat ardua,  
 Tentamus annisu potentes  
 Intrepidi penetrare muros.  
 Quis ille verò? quis novus Hercules?  
 Cui clava plusquam Marmaricos gravis  
 Sternit Leones, & superbas  
 Si qua movent fera monstra cristas,  
 Deponit ultro, surgit & in novos  
 MARTINVS ausus, PETRVS & impiger  
 PAVLVS, STANISLAVSq; grandes  
 Persequitur NICOLAVS hostes.  
 Inde inde magnæ quos toga Palladis  
 Accenset armis, quos vel ad Infulas  
 Enixa Virtus, vel beata  
 Præsuleis radiare vittis

For-

282 **BENEDICTI à S. IOSEPH**

Fortuna fecit. Numinis integros  
Nosco IOANNES, & meritis graves,

Quos orbis in Cruces Polonus  
In Patrias retulit Curules.

Ego ista vates, ut Tibi grandibus  
Præire possim solibus, & simul  
Per tanta testari decora

Pulchra Tuæ monumenta mentis.  
Magnisq; magnum pagina colligat  
Avis Nepotem, quem medij tenent  
Hinc Plausus, hinc Honor, Paternis  
Inde Domus radiosa ceris.

**ODE XXV.**

A D

**ADALBERTVM. DONHOFF,**  
**Episcopum Premisliensem,**  
**Supremum Regni Cancellarium.**

**D**Ecora Virtus semper in uberes  
Crescit triumphos, vœtus Ethesij  
Assurge, dum Tibi virentes  
Dexteritas parit ipsa lauros.

Te pulchra virtus, Te melioribus  
Nutrita factis vita, per unicos  
Portat resultantem decores,

Quos tumidi neq; penna Cauri, Nō

EPODON LIBER VNUS. 283

Non fluctuantis flumina Nerei,  
 Non Auster, ingens non Notus, arduis  
 Elidat alis, sed venustæ  
 Aurifluis comitentur annis  
 Vbiq; dotes. Sic Lechicus Tibi  
 Favit IOANNES, Sarmatiæ Tibi  
 Sic vota subscripsere, firmo  
 Sic statuunt Tua facta jure.  
 Te lætus Hæmus, Te juga Caucaſi,  
 Gadesq; noſcent. Tu niſi gemmeis  
 Nutritus annis, ad ſupernam  
 Præſul ovans remeabis Arcton.

ODE XXVI.

A D

P E T R V M

à Viſitatione B. M. V.  
 Scholarum Piarum.

ILLi loqvaciſ carmine tibiæ,  
 Illi ſonoræ peſtine barbiti,  
 Adire Te debent, decenni  
 Sedulitas Tua qvos labore  
 Formavit olim. Me niſi priſtinus  
 Amor, recentes ſuſcitat in PETRI  
 Abire laudes; & vel illa  
 Norma Tuæ ſat honeſta vitæ. Sex

N6

184 **BENEDICTI à S. IOSEPH**  
Sex Iustra planè sub CALASANTIO  
Vixisse nostro, nec minimum pigræ  
Dedisse momentum quieti,  
Ac tenero reticere magnas  
Pudore dotes, hoc tumidâ mihi  
Præ buccinantis voce superbiæ,  
Hoc mille præ conchis, suasq;  
Plus placuit reboante buccâ  
Vbiq; nugas. Sic age, fulgidi  
Quousq; vitam contulerint poli,  
Silente Te loqvar, fidelis  
Assiduò referamq; testis.

ODE XXVII.

A D

Dignæ olim memoriæ  
ADALBERTVM STAWOWSKI,  
Episcopum Petreensem,  
Suffraganeum Gnesnensem.

**E**Rgò trecentis ante laboribus  
Quæsitus ultrò Præsuleas vagus  
Vectabo vittas? & merentes?  
Non potero redimire crines?  
Ergò seqvacem STAVOVIVS suis  
Depellet Hastis? qui fugientibus

Per

EPODON LIBER VNUS.

235

Per saxa per ferrum seqvaces  
 Vito rotis, celeriq; pennâ.  
 Et colla Tauri LESZCZYNII & Caput  
 Et concitatas Quadrupedis jubas  
 Movi coronaturus altam  
 Auspicio meliore mentem.  
 Sed parva feci : viribus omnibus  
 I Gnesna I magnæ iusta fer indoli  
 Et dona ! nec tantam modestis  
 Stare facem patiare tectis.  
 Dixit : cõactis cùm meritas Honor  
 Votis reponit STAVOVIO Infulas,  
 Mentemq; sat diu rebellem  
 Præfuleis cumulat Tyaris.

ODE XXVIII.

A D

STANISLAVM BOGLEWSKI,  
 ABBATEM PLOCENSEM,  
 Gnesnensem, Vladislaviensem,  
 CANONICUM.

*Dum peractis apud Scholas Pias Spi-  
 ritualibus exercitijs, ad primam ho-  
 stiam DEO offerendam se di-  
 sponeres.* Ne

Per

**N**E tantùm Patrijs Scævola pro focus.  
 Ducat magnanimo prælia pectore,  
 Sacris consecrat aris  
 Ingentem quoq; spiritum.  
 Non inter Rhodopen, non Acherontica  
 Intrà Tænarij tecta Palatij  
 Securè latitabis  
 Atris styx fera vultibus.  
 Hastis missilibus provolat ultimos  
 Longi **BOGLEVIUS** Ditis ad ordines,  
 Calcatamq; Sacerdos  
 Magnus Typhionem premit.  
 Cui nec Marmarico Cerberus impetu  
 Clausis terribilis nec Domus ostijs  
 Nec nigri furor Orci  
 Magnam destinet indolem.  
 Implebitq; novis Victor adoreis  
 Romanas acies, quæ vel in igneæ  
 Surgunt castra Megæra  
 Regis signa vel inferi.

## ODE XXIX.

A D

EVNDEM.

Dùm lustratâ Italiâ & peragrâta studio-  
 rum causâ Vebe, in Patriam rediret.

Pallas



EPH  
focis  
tore,  
ronica  
s  
dines,  
etu  
studto-  
ret.  
Pallas

EPODON LIBER VNUS. 287

Pallas? an noster Patrijs decorus  
PRÆSVL in Ceris, manibus Sariffas  
Missiles torquet, validisq; ternam  
Viribus hastam?

Pallas! an PRÆSVL! colubris minacem  
Gorgonem torvis domat, & superbas  
Deprimit cristas, neq; fulminantes  
Sustinet iras.

Quâ suis tantum metuenda signis  
Rusticas ducit Ruditas Phalanges,  
Victa flet marens, & iners feroces  
Damnât arenas.

Interim doctæ studiosa mentis  
Fama per latum vaga currit orbem,  
Dicit & pugnas, domitosq; dicit  
Præsulis hostes.

Præfuli laurus viridesq; serpent  
Per comas frondes, & adhuc corollæ  
Ambient crines, venientq; plenis  
Pæsta rosetis.

ODE XXX.

AD

MARIAM de GRATIIS,

In Varsaviensi Scholarum Pirum  
Basilica fauoribus illustrem.

Thre-

**T**hreifia sic quondam Harpalice fuit

Collecta nodo Virgineos sinus

Castè fluentes, & pudico

Tecta genu, atq; oculos nitentes

Suffusa, spumans sub pedibus cui

Serpens, vel agris de Lybicis aper,

Suspensa cûi simul pharetra

Leve simul jaculum, terefcq;

Gestatus arcus; ni Harpalicên adhuc

Supra videri Threijciam velis

O Gratiarum Virgo! formâ

Mænalias superans Dianâ.

O Virgo qualem te memorem! Tibi

Mortalis haud vultus: Dea Cælitum

Vel prima Nympharum repressi

Exuvijs celebris draconis.

Armata velis non capreas, aut

Damas fugaces insequeris, nigrum at

Pythona, qvi monstrum universo


Et nimius fuit horror Orbi.

Sis Sancta miles Numinis, & Tuam

Agnoscat omnis Lechia gratiam,

Pestemq; fatalemq; morbum, his,

Quas retines, prohibe sagittis!



## ODE XXXI.

De minima Schol. Piar. Religione.

**V**Tcunq; torvam mobilis induit  
 Fortuna larvam, decoquitur suis  
 Fortuna technis, & doloso  
 Qvas posuit malefida vultu  
 Inanis artes; occidit ad suas  
 Inanis artes, nec timet asperas  
 Fati procellas, ipsa virtus  
 Quem placidis sinuavit alis.  
 A tetriori non semel acrius  
 Emissa Averno per **CALASANTIAM**  
 Grassata tempestas carinam,  
 Et tonuit temulenta multo  
 Procella flatu, sed sequitur nigra  
 Vt incalescens nubila Phosphorus,  
 Solesq;, lætiorq; Phæbus  
 Sæpè trucem comitatur Austrum;  
 Sic nos procellis è medijs redux  
 Phæbus serenis stipat Ethesijs;  
 Pulsâq; tempestate lætam  
 Pulchra vehit Cynosura frontem.  
 Eheu in ipsis fata periculis  
 Favère nobis invida, funera  
 Per ipsa crevimus, tenellæ

N

Ne

290 BENEDICTI à S IOSEPH

Nec nocuit fragor ille plantæ :  
Septemq; Romæ collibus altiùs  
Defulminatam protulimus caput,  
Et mille vexatus colubris  
In validos adolevit armos  
Iste Iste partus. Teutonicas neq;  
Tantum per Alpes fiximus arduæ  
Trophæa famæ, quò feraces  
Sardus opum trahit usq; campos;  
Quò bellicosas provehit impiger  
Hetruscus arces, ivimus, ivimus,  
Nulliq; pulchriora nostræ  
Non dedimus monumenta famæ.  
Nec Scylla tantis æmula passibus  
Nos à Sicano detuderat sinu,  
Scyllamq; naufragasq; Syrtes  
Egredimur, Siculosq; nostram  
Ad usq; portus figimus anchoram.  
Iam magna Rhenus nomina Patrijs  
Æternat undis, & refusis  
Ire negans vaga lustra rivis,  
Vbiq; nostris fertur adoreis.  
Iam Varna plenis defluus alveis  
Hære nescius per ipsum  
Eluviem meditatatur orbem.  
Quis & Polonis exul in arcis  
Non indecoræ stemmata gloriæ

Ignor

Ignoret? & noster reclini  
 Sarmaticas veneratur amne  
 Subinde palmas Vistula, sedimus  
 Plebeia non turba, aut vaga, sedimus  
 Non vulgus ignavum, sed amplas  
 Sparsa cohors Lechiæ per oras.  
 Adhucq; plures ibimus, ibimus  
 In Regna & urbes, ibimus ultimas  
 Post usq; Gades, quò remota  
 Cimmerios vehit Vrfa currus:  
 Quò Nilus ingens, quò Mareoticus  
 Assurgit Orbis, quò mare barbarum  
 Baltisq; Cimberq; & trecentos  
 Longa vehit Genoesa fines,  
 Nos canus Atlas, nos sciet ignei  
 Arctoa solis Regia, maxima  
 Devexa nos noscent, & ipsos  
 Fata dabunt superare calos.

ODE XXXII.

A D

MARCUM MATCZYNSKI,

Palatinum & Generalem Terra-  
rum Russiæ.

*Dum munificentissimus Fundator  
Varesij sumptuosissimo opere Ba-  
sili.*

N 2

*silicam, & Collegium Scholis  
Pijs erigeret.*

**O** Lim potentes ad sonitum Iyræ  
Stetère muri, nunc iterum novus  
Si surgit Amphion, ab ipsis  
Vivificat sua pleetra muris.

Postquàm levatam de Pario licet  
Spectare molem marmore, Virgini

Altumq; sustolli colossum,

VARESIIS pia dona templis.

Tunc prompta per se fertur in alites

Testudo passus, tunc cytharam placet

Pulsare, Lesboâq; magnum

MATCZYNIVM celebrare buxo.

Humana celsas sæpe superbia

Educit arces, sæpè palatia

Grandesq; structuras profuso

Ædificat penus ampla sumptu.

Sed quas superstes vel tumulet Nepos

Inerte stertens segniss in otio,

Vel ipsa temporum vetustas

Icariam trahat in ruinam.

Quæ templa Divis erigimus, boni

Nutare nunquam templa sinuat Dij;

Stant tecta, stant turres, & alta

Stant

Stant solido tabulata nexu.  
 Quid dùm Latinas ponè statim Scholas  
 E liberali constituis sinu,  
 Quid dùm Inuentuti docendæ  
 Non steriles adhibes Magistros?  
 O quanta MARCI gloria, vel sine  
 Consorte, pulchro nomine fertilis  
 Gaudere Patris, totq; planè  
 Quantus honor numerare Natos,  
 Quot sunt Alumni. Nil magis adiuuat  
 Ad plena veri stemmata nominis,  
 Quàm per Scholasticam Inuentam  
 Magnificam cumulare famam.  
 Hic sunt Athenæ, de quibus inclytos  
 Sperare quondam Magne potes viros  
 Fundator: hic est Sparta quædam  
 Egregiæ referata pubi.  
 Isthinc Achilles, ac Agamemnes,  
 Isthinc Camilli cum Fabijs, graves  
 Isthinc reassurgent Catones,  
 Hinc veteres venient Metelli.  
 Vt quis Scholarum pulverem Olympicum  
 Egredius olim per stadium novæ  
 Virtutis ibit, seq; forti  
 Associans comitem Gradivo  
 Accinget enses, regna per hosticæ  
 Grassando Trojæ; castraq; sedulæ

Ut quis supergressus Minervæ,  
 Se Patriæ poterit probatum  
 Monstrare Consum : dicet, ad omnia  
 Non usitata culmina gloriæ,  
 Ad summa quævis ac honores,  
**MATCZYNIAM** soleam paratum  
 Fuisse calcar ; dicet, & ultimo  
 Narrabit orbi, se Accipitris Tui  
 Pennis alacribus vibratum  
 In medios volitasse cælos.  
 Dicet secundus, quàm placidis Tibi  
 Regale **SCVTVM** fertur Ethesij :  
 Miranda quam virtus in aulis  
 Ad niveos tenet usq; canos.  
**MATCZYNIANO** dicet ut Aliti  
 Addicta claræ limina Regiæ,  
 Cum corde qui Regis videris  
 Perpetuum pepigisse fœdus.  
 Hæc quisq; dicet, dicam ego, maximis  
 Pernix ut Ales sanctus honoribus,  
 Clavim, Palatinas Curules  
 Ut paribus vibrat ille pennis.  
 Sed quò canori me trahit entheus  
 Fervorq; plectri : jam video trabes,  
 Iam cardines poni, stupendi  
 Iam video juga summa templi.  
**VAREZIANAS** jam video Scholas



In non profanam crescere machinam,  
 Fervere classes, congregatas  
 Iam video juvenum catervas.  
 Hi plura dicent, fiet adultior  
 Cūvis ut ætas, nec ruditas semel  
 Excussa permittet taceri  
 MATCZYNIÆ monumenta dextræ.

ODE XXXIII.

A D

ANDREAM ZYDOWSKI;

Vexilliferum Cracoviensem.

Quidquid ANDREA loqueris, rosarum  
 Plena prorumpunt subito canistra,  
 Mel inest verbis, & ab ore purum  
 Defluit aurum.

Fabulis addam Iovis è cerebro  
 Palladem natam, Tua Musa proles,  
 Ex Tuo passim generosa prodit  
 Vertice Pallas.

Seu Themis sacras Tibi credit aras,  
 Seu Palatini vocat aula Craci,  
 Tu Craco Consus, Themidiq; promptis  
 Signifer alis.

N 4

Lechi-

296 **BENEDICTI à S. IOSEPH**  
Lechicus quidquid meditatur Orbis,  
A Tuo totus prope pendet ore :  
Penduli Lechi, Lechiaq; Equvester  
Pendulus ordo.

Tu coronatas quoties ad aures  
Fers paludato Tua verba Regi,  
Scuta suspendit, positisque svadam  
Suspicit armis.

Tu Lechis alter Cynèas, disertam  
Bloqvens promiss quoties Minervam :  
In Tuum Cives, validasq; verbum  
Elicis urbes.

**CALASANTINÆ** quia verò genti  
Prodigo manat Tua dextra fonte,  
Heu quid ad tanti referemus omnes  
Ostia Nili.

Me vadem pono, quia quisq; nostrum  
Ad Tuas promit celestima ripas,  
Paupères dum sic refoves benigno  
Littore Musas.

### ODE XXXIV.

A D

**ANDREAM CHELSKI,**  
Vexilliferum Sandomiriensem.

P Vilusne Martis vis Lechici cani,  
Vel bellicosi Theseus Hercules, Nil

EPODON LIBER VNUS.

297

Nil plectra quærun, sat virile  
 Si poterunt resonare Nomen.  
 Virile quanquam nomen ad integros  
 Nil dat triumphos, bella gerat manus,  
 Pectusq; pro muro retundat  
 Armigeras Cilicum phalanges.  
 Tunc dextra talis, tunc validam probat  
 Herodæ pectus, tunc mihi belliger  
 Alterq; Mavors, quem peracta  
 Cum clypeo manifestat ætas.  
 Non Lydus Hermus; non tepidæ Tibi  
 Placere Baiæ debuerant, cui  
 Arrisit Hæmus, proq; fulvo  
 Cultus erat SRENIAVA Gange.  
 Hinc vorticosis quod LVBOMIRSCIVM  
 Se milit undis Flumen, eò Tuus  
 Erupit ensis, seq; forti  
 Inferuit Rubiconis amni.  
 Sensit repugnans arma Borysthènes,  
 Et sensit Ister, Threycij canes  
 Latrare quod possent, nec unquam  
 CHELMSCIADI nocuisse Lunæ.  
 Brevi Ducalis grandior Hercules  
 Sub signa clavæ detuleras Tuæ  
 Portenta virtutis, Ducisq;  
 Magnanimis soleis inhærens,  
 Per Bactra, vasti per freta Bosphori

N 5

Per

Nil

## 208 BENEDICTI à S. IOSEPH

Per ipsa crudæ pectora Thraciæ,  
 Per regna, per campos, ruentem  
 Non dederas titubare ficam.  
 Vienna vidit, vidit & undervis  
 Collectus hostis, quomodo plurimæ  
 Hinc indè confluxère turmæ,  
 Et soleam, rigidamq; Luna  
 Stipante Falcem Barbaricus dein  
 Expavit ardor, signaq; sub pedes  
 Ivere vestros, CHELMSCIVMq;  
 Suppositis coluère peltis.  
 Rigente verùm sub galea cui  
 Non canet ætas, quivè satis putat  
 Bis ter vè quòd vicit; potentem  
 Non ego eum reputabo Martem.  
 Vacare virtus vera nequit, semel  
 Pugnâsè non sat, continuos amat  
 Arena bellatrix Camillos,  
 Herculeosq; petit labores.  
 Robustus acri militiâ puer  
 Vt arma sumpsit, pugnet, ad ultimos  
 Quòdusq; non pertinget annos,  
 Nec residui minimam quieti  
 Concedat horam. Quondam habuit suos  
 Sic Sparta Cives, sic habitus Lacon:  
 Iuventa ut assumpsit, severa  
 Non posuit galeam senectâ.

Nec

Nec Tu supino visus in otio  
 Germane Martis, qui rutilum semel  
 Accinctus ensem, perseveras  
 In Lechico veteranus Hæmo.

## ODE XXXV.

A D

IOANNEM SZYMANOWSKI,

Tribunum Varfaviensem.

VNUS de Equestri Tullius Ordine,  
 Orator Orbis Sarmatici, meam  
 Auscultat ad Lyram, benignâ  
 Et cytharam simul audit aure.  
 Nolo loqvacem tangere barbiton,  
 Ni SZYMANOVI commemorem Tuas  
 Excelse laudes, Teq; magnis  
 Annumerem Lechiæ colossis.  
 Vt dextra pugnat pro Patria, gravi  
 Instructa ferro, sic etiam bono  
 Et lingua communi parata  
 Penè aciem statuit, novaq;  
 Molitur arces: Iurgia Civium  
 Praviq; mores, non ab aheneo  
 Tollenda sunt semper mucrone;  
 Iudicium melius subinde

N 6

Votumq;

300 **BENEDICTI à S. IOSEPH**

Votumq; prudens prospicit arduis  
Lapsisq; rebus. Lechia publicos  
Proindè conventus in unum

Sapè locum vocat, & medendis

Cives requirit Lechiadùm malis.

Prout cuiq; recti dicitur amor, boni

Inserviunt Cives, & unam

Prospiciunt Patriæ salutem.

Neganda nulli palma, sed unicè

Qvam tu trecentis plenus adores,

Qvas ultro Princeps, qvas Senatus

Magnanimæ sacrat ultro menti.

Tibi trifulcis lingua tonitruis

Instar Periclis fulminat, & necem

Non ense, non armata ferro,

Sed resono minitatur ore.

Tibi ruentis grandinis in modum

Immensa sandi copia, strenuè,

Qvæ recta sentit, dicit, omnem

Eloquio refecatq; nævum.

Sententiarum pondus, & aureæ

Dulcedo svadæ, sanctiùs ut loqui

Divina non posset Minerva,

Nec gravidus tonuisse Nestor.

Implebis orbem voce; & ad ultimas

Vocalis Echo perveniet plagas,

Vultuq; majestas & oris

Cecropiâ premet usq; samâ.

ODE

## ODE XXXVI.

A D

IOANNEM WOLCZYNSKI,  
Dapiferum Mielnicensem,  
S. R. M. Theſauri Notarium.

**N**on quòd miſter Principis aureum  
Diſponis imbrem, non quòd & optimi  
A corde Regnantis, fideli  
Obſeqvio reſeras herilis  
Addicta felix atria pectoris;  
Sed innocenti quòd pietas Tuum  
Addicta candori, perenni  
Obſideat ſtatione pectus:  
Hoc Muſa cantat. Rariùs hæc videt  
Exempla tellus, ut quibus aulica  
Alludit aura, ſe modetiſtis  
Inſinuent pietatis aris.  
Noverca quædam, vel Libycas ſuprà  
Acerba Phædras Aula, tenellulæ  
Caſtæq; virtutiſ, tyranno  
Exagitat truculenta corde,  
Quoſcunq; ſpectat de famuliſ probos.  
Vt quis malignæ non timet aſperam  
Nutriciſ iram, mille major

302      BENEDICTI à S. IOSEPH  
Hippolytis, vacuumq; non fert  
In orbe nomen. Sic Tibi Curia,  
Regalis ostrum sic placet atrij,  
Vt irremissâ puriores  
Mente colas Pietatis arces.

ODE XXXVII.

AD

ANTONINVM STEPHANVM

MDZEWSKI,

Ex Ordine Prædicatorum assumptum  
Episcopum Calamatensem,  
Suffraganeum, & Custodem Luceorientem,  
Ac Deputatū Indicem ad Tribunal Regni.

NVnquam relucet pulchrius Infula,  
In eruditum quàm data verticem.  
Ornatur, haud ornat, magistram  
Quando tenet redimitq; mentem.

Tiara libro pronubâ, pronubi  
Libri tiaræ, nobilius pedum  
Quod doctra tractat dextra, prudens  
Quodq; rei moderatur usus.

Hinc illa sedes Præsulibus data,  
Cathedra recto dicitur ordine,  
Quod Doctor & non vile vulgus  
Præsuleis adhibendus aris.



O quanta vastæ Tu Luceoria  
 Ex erudito pectore gloria,  
 Natale cum præter cacumen,  
 Ingenio studijsq; doctam  
 Infers Stagiram. Subvenit Angelus  
 Et ille THOMAS, quo Angelico Tua  
 Doctore florere rostra,  
 Ac varijs patuere regnis.  
 Hucusq; sanctam credimus Insulam,  
 Quousq; doctum possideat caput;  
 Assumat ignavos, dolendum!  
 Ipsa suo perit in nitore.

## ODE XXXVIII.

A D

DAMASCENVM LVBIENIECKI,  
 Ordinis Prædicatorum,  
 Sac. Th. Doctorem.

*Alia nobiscum labuntur & pereunt:  
 virtus, eruditio, & ex eis fama  
 perennant.*

**E**st qui fluente dives auri gurgite,  
 Migdonijs opibus,  
 Multaq; turget purpura.

Sunt

304 BENEDICTI à S. IOSEPH

Sunt & superba ditiorum limina,

Arsaraciq; Lares

Fulgore largo splendidi.

Alter colossos, vel theatra suscitât,

Hosceq; de domito

Parat trophæorum strues.

Ex Purpura, Parijs hic ex & ædibus,

Ex spolijs alius,

Reddi perennis postulat.

Hos apparatus mors nigro pulsât pede,

Lustraq; post aliquot

Omnis perit perennitas.

Devota Virtus, literis partum decus,

Quos tenero gremio

Fouente vel tenent sinu.

Hi per stupendos gloriæ campos volant,

Inq; animis memorum

Semper perennant cordium.

Innata pietas, limpidi vena ingeni

Angelicoq; fatis

Mens militans diu THOMÆ

Te magne Doctor maximis jungunt Viris,

Hesperiaq; scholæ

Et Galliarum pulpita.

Tum lauræ Doctoris æstimabilem

Principibus faciunt,

Et Prædicatorum Ordini.

Immen-

EPONDON LIBER VNUS.

305

Immensa nutant saxa, fortunæ ruunt ;

Gloria parta libris

Cunâtis diurnat sæculis.

Scientiæ posteri suo olim tempore,

Quanta LVBIENECIIS

It fama cum scientijs.

O DE XXXIX.

A D

ANNAM WODZICKA,

Pocillatricem Varfaviensem.

ET Tu mariti conscia fæderis,  
WODZICIANÆ nupta Propontidi

Dicenda per me, Gratiarum

Deq; tribus numeranda Divis.

O grata grati filia Nerei,

O ter beati Sponsa WODICII,

Quocunq; dimanat maritus,

Tu simili pietate largo

Affundis amni. Nec Tibi vestium

Est tanta, quanta est cura, famelicus

Ne pauper incedat, sacræq;

Ne nitido spolientur aræ

Quandoq; cultu. Sunt, inopi quibus

Detracta templo pensio, turgidos

Vestit

306 BENEDICTI à S. IOSEPH

Vestit lacertos, sunt tyrannæ  
In proprios Cyprides maritos;  
Quæ sæpè villas, sæpè boum greges,  
In delicati tegmina corporis,  
Pompamq; , lascivumq; cultum  
Extenuant, vacuasq; reddunt  
Consortis arcas. Tu melior Tui,  
Nec vana narro, Penelope Viri,  
Distingvis auro, divitesq;  
Pingis acu tunicas egenis  
In dona templis. Sic age, proflui  
In sacra & aras æmula Conjugis;  
Quòd Numini datur, trecento,  
Credè mihi, redit omne fructu.

ODE XL.

A D

AUGUSTINUM

à S. Ioanne Baptista,

Suum olim in humanioribus literis  
Professorem.

Ingrata buxi tibia; barbiti  
Inersq; nervus, si reticet Tuum  
Subinde Nomen, quo vocante  
Castalios aditabat amnes.

Nun-

EPODON LIBER VNUS.

307

Nunquam Chironi denegat inclytam  
 Ingens Achillis laurea gloriam,  
 Doctore quod tanto Leonum  
 Marmaricis alitus medullis.  
 Victor Darij vel medios quoque  
 Inter triumphos sat meminit, cui  
 Olim magistro, se suasque  
 Debuerit studiosus artes.  
 Et me Latinis jungere Vatribus  
 Quod Musa tendat, Rhetoricis loqui  
 Possim quod est rostris, modestam  
 Eloquio, calamoque coner  
 Tentare famam; sedulitas Tua  
 In me docendo fecit, & impiger  
 Ille ille fervor, quod priores  
 Reddideras properare nifus.  
 Silebit & nunc, qui minime Tui  
 Memor laboris: me vel ad ultimos  
 Sepone limites, Magistri  
 Non steriles recitabo curas.

ODE XLI.

A D

IOANNEM GAUDENTIVM  
 ZACHERLA,  
 Consulem Cracoviensem.

ER

**E**st & potentum splendor hic urbium,  
 Est Civitatum maxima divitum  
 Fortuna, si quandoq; doctos  
 Possideant numerentq; Cives.

Nam quid potenti cingimus oppida  
 Augusta muro, quid solidas quoq;  
 Tuemur arcès, & repertis  
 Effugijs, stabiliq; cinctos

Subinde vallo ponimus aggeres :  
 Abrupta tanquam valla, vel aspera  
 Munimen addant saxa, celsæ  
 Præsidium faciuntq; turres ;

Et non valentes consilio viri,  
 Doctiq; Cives. Nil laterum juvat  
 Compago, nil cautes, fragrosæ  
 Nil faciunt sine Cive rupes.

Fuere Thebæ, Bactraq; grandibus  
 Turrata saxis, quin Babylon fuit  
 Tyrusq;, muris illa, vasto

Ista freto fatis inter omnes  
 Secura gentes. Sed Babylon nisi,  
 Sed Bactra firmis fortia manibus,  
 Thebæq; tamdiu steterè,

Quamdiu eas potuere docti  
 Formare Cives. Occupat inclytas  
 Disordo Thebas, Perficiis furor  
 Bacchatur in Bactris, & ecce

Cum

EPODON LIBER VNUS:

309

Cum fluuijs scopulisq; magnæ  
 Volvuntur urbes. Consilium quia  
 Ab eruditjs quod potuit dari  
 Subinde Civibus, rejectum,  
 Indomiti nimioq; spretum  
 Fragore vulgi. Mænia Civibus  
 Stant sæpe doctis, Roma Catonibus  
 Et Tullijs, quibus sepultis  
 In subitam properat ruinam.  
 Hinc quanta Craco turris, & uberi  
 Arx es Vavello, Metropoli decus  
 Quantumq; Tu ZACHERLA nostræ,  
 Cujus ab ingenio, proboq;  
 Manent beatæ consilio Domus:  
 Sub lege cuius pacificas timet  
 Togâq; non unus secures  
 Et placidos Catilina fascēs.

ODE XLII.

AD

ANNAM TYRAWSKA,  
 Abbatissam Ordinis S. Francisci Cra-  
 coviæ ad S. Andream  
 Virago sancta, cuiq; par Amazoni,  
 Filia grata DEO,  
 Et grata Mater cætui.

Qvo

310 BENEDICTI à S. IOSEPH  
Qvo Te Dearum, nescio, ponam loc ?

An Charites mediam  
Puras vel inter Grantias.

E fulgidis non prædico penatibus,  
Non ab imaginibus,

Magniq; nexu sanguinis.

Devota Christo famyla despicias Natalium

Omne decus, patriam  
Nihil pensans originem.

Nec Virginalem publico modestiam,  
Iudicium sapiens,

Industriam prudentiam.

Pandora Tu præsentis es vel sæculi,  
Vel Themidis soboles,

Vel vera Palladis soror.

In pristinis quæ quærerem Divis bona,  
Omnia Tu superas,

Et prisca vincis Numina.

E singulis quas non recenset dotibus,  
Te venerabor ego

Magnam Dearum Principem.

Fortuna posita, sanguinis spretum decus,  
Te potiùs celebrant

DEO sacram Viraginem.

Vestalis ipsa Virgo Clara disserat,  
Virgineusq; chorus

De Matre Te quid sentiant.

ODE



EPODON LIBER VNUS.

317

ODE XLIII.

A D

IOANNEM SLIWICKI,  
Thesauri Regni Notarium.

*Vacillat fortuna, nisi innitatur  
virtuti.*

FELICITAS vacillat ingens, & gravi  
Omne ruit strepitu,  
Virtute quod non nititur.  
Vidi locuplete divites peculio,  
Innumeris opibus,  
Aurique plenos pondere,  
Vidi, superbis qui nisi palatijs,  
Magnificis domibus  
Omnem dabant potentiam,  
Subsellijs alter, supremis fascibus,  
Purpureisque togis  
Niti decorus quæsit.  
Et nulla virtus in tumente spiritu,  
Nec probitatis amor  
Rudi splendens in indole.  
Felicitas his cuncta, debilis basis,  
Exiguum columen  
Summæ potestas gloriæ.

NI

312 BENEDICTI à S. IOSEPH  
Ni fulciat virtus, ruunt quævis bona,  
Interitusq; manet  
Excelsa fortunæ juga.

Sic Tu fovente Fortunam tractas manu,  
Vt gremium pietas  
Virtusq; pectus occupet.  
Fac sic, & ibit prospera in sædus Dea,  
Ex probitate novum  
Dum spectat & probat decus.

ODE XLIV.

AD

IOANNEM WINKLER,  
Theauri Regni Notarium.

VT Tui nunqvàm meminisse Fratris  
Est scelus summum mihi, sic amica  
Invicem nolunt reticere carum  
Plectra IOANNEM.

Summa germanum probitas, & ingens  
Pectoris candor probat è beatis  
Civium Regnis, animusq; puri  
Plenu honesti.

Degener nec Tu, similisq; planè  
Castori Pollux, properas iisdem  
Passibus Recti bene constitutam  
Ducere vitam.

Vive

EPODON LIBER VNUS.

313

Vive sic Pollux, velut ille Castor,  
Et palam fiet, quia non opaca  
Vos teget nubes, Patrij gemella  
Sydera cæli.

ODE XLV.

AD

IOANNEM FRANCISCVM  
à S. PETRO, Scholarum Piarū,  
Præpositum Generalem.

BEATA, quæ Te Præpositum canet  
Testudo Patrem, nec minus & mea  
Beata buxus, Mutinensis  
Nomen ubi cecinit IOANNIS :  
Sed Vaticanæ nobilior chorus  
Plaususq; lingvæ, quæ licet unico  
Applaudit in verbo, uniuersas  
Exuperat pene sola laudes.  
Diviniori proxima Numini  
Orbis Potestas, dum referat suas  
Panegyri claves, dat ampla  
Mille panegyribus theatra.  
Est tanta summi Clavigeri chelys,  
Vt una vel vox chordaq; buccinas

O

Obtun-

## 374      BENEDICTI à S. IOSEPH

Obtundat omnes, suppressatq;  
Multiloqvæ strepitum Camænæ.

Hujus foveris munifica satis  
FRANCISCE dextrâ, ripaq; plurimis  
Fundata scutis, luculenti

Sufficiens opus est favoris.

De Purpuratis quid referam togis ?

Vt Cardinalis sæpe tuas Tyrus

Excurrit in laudes, Tuarum

Vtq; frequens pluit imbre laudum.

Sub Te supremo Præside pristinas

In nos resumit Virgo puerpera

MARIA curas : Vaticanum

Et studio meliore Mater

Inflexit orbem, quatenus in suas

Conspiret omnis Clerus adoras,

Et Roma quatenus profundo

Subijciat sua vota cultu.

Sub Te supremo Patre, scholasticus

Politur Orbis, famaq; lätius

Excurrit, & Nomen Piarum

Quotidie amplius est Scholarum.

Sed ista vates exiguis ego

Attingo nervis, grandius omnium

Loqvetur, & canet Thalia,

Eximij studiosa Patris.

## ODE XLVI.

A D

ALEXIM

à Conceptione B. V. M. Scholarum  
Piarum,

Exgeneralem, &amp; Generalis Assistentem.

**P**rimas ALEXIN non sine publico  
 Plausu curules in CALASANTIO  
 Gessisse cælo, vel supremum  
 Consilijs animare clavum  
 Per quina plusquam lustra penultimus  
 Si nescit orbis, discat, inhospitis  
 Canatq; terris, in futuros  
 Sollicite referatq; fastos.  
 Ego loqvacis carmine tibiæ  
 Cantabo vates, quomodo Pauperum  
 Te cætui junxit, suâq;  
 Noster adhuc Patriarcha sacræ  
 Inauguravit militiæ manu.  
 Heroa virtus egregias amat  
 Tenere mentes: quisq; fortis,  
 Fortem adhibet pariter phalangem:  
 Placet potenti Theseus Herculi:  
 Non otiosas exigit indoles,

O 2

Qvos

316 BENEDICTI à S. IOSEPH

Qvos Filius magni Philippi  
In proprijs videt esse castris.  
Et Tu Iosepho non popularibus  
Egente turmis, miles ad omnia  
Paratus, invictum tulisti  
Auspicio meliore pectus.  
Infixa Patris traxit ad inclytas  
Imago palmas, per sapientiam  
Multamq; virtutem Piarum  
Grande decus statuens Scholarum.  
Inclinat ætas, firma sed indoles,  
Rerumq; praxis fertur in obvios  
Semper triumphos, vividumq;  
In senio referat theatrum.

ODE XLVII.

AD

ATHANASIVM

à S. Bartholomæo.

Ex Provinciali Sardinia, Generalis  
Assistentem.

QVis eruditi Musam ATHANASII,  
Illamq; divini ingenij penum  
Describat? & quæ plestra doctæ  
Sufficiant aliquando menti?

Vici-

Vicina cælo fama Lygusticum  
 Excessit æquor, nec satis Insulam  
 Sardosq; pertransisse saltus;  
 Ad Latiam volat usq; Romam.  
 Ibiq; pulchrum Nomen ad Ausones  
 Extendit oras, ac ATHANASIVM  
 Per septicollis culmen Urbis  
 Grandiloqvo vehit ultrò passu.  
 Quæsitâ doctis gloria literis  
 Vno teneri non patitur sinu,  
 Per Regna, per montes remotos,  
 Per varias volat ipsa gentes.  
 Mortale ferri quo fragili nequit  
 Compage corpus, fertur opinio  
 Immensa, doctrinæq; fama  
 Se patulo manifestat orbi.  
 Sic nos Poloni, quos juga Carpathi,  
 Quos non profano Vistula flumine  
 Secernit à Sardis, trecentis  
 Aqve Tybri iubet esse leucis,  
 Te vel remotum noscimus, & Tui  
 Implemur omnes pondere nominis:  
 Nam fama Te longo viarum  
 Prosequitur, celebratq; ductu.  
 Et nî propinquum respiceret mea  
 Iam Musa finem, non sinerem Tuas

318 BENEDICTI à S. IOSEPH  
Impune sic abire laudes;  
Nunc tenui nisi tango nervo.

ODE XLVIII.

A D

BENEDICTVM

à S. Bartholomæo,

Generalis Assistentem & Secretarium.

Arcana pulchri gloria Nominis  
Semper theatrum postulat; & Tu  
Exacta nominis statera  
Non vacuum BENEDICTE pondus.  
Nam sæpè fadè nomen inutili  
Tumescit æstro, si nisi syllabæ  
Illustre quid sonant, & ipsa  
Facta graves patiuntur umbras.  
Et Magni Alexandri arguitur satis  
Subinde virtus, nî Babylon simul  
Et Baëtra succumbant, Tyrusq;  
Nî dominas cadat ante plantas.  
Nunquam erubescit Nursia pro suo  
Olim inquilino, nec CALASANTII  
Tu non adornator theatri  
Eximij's BENEDICTE factis.

Insi-



EPODON LIBER VNUS:

319

Insigne nostro Tu columen Patri,  
 Ingens levamen Tu Generalibus  
 Es semper urnis, grande summis  
 Consiliumq̄, decusq̄ votis.  
 Secreta quodsi respicitur fides,  
 Tenaxq̄ iusti penna silentij;  
 Nil pulchrius, quam exinde summam  
 Magno animo generare palnam.  
 Cantare vellem plura Heliconio  
 Decora plectro, lassâ bivertice  
 Sed Musa Parnasso, reponit  
 Aonias aliquando chordas.  
 Monebo Vates, ut reliqui meo  
 Pro more cantent, nec faciant pigras  
 Transire noctes, oscitantem  
 Sed studijs reprimant soporem:

ODE XLIX.

A D

ANGELVM à Concept,  
 Ex Provinciali Hetruriæ.  
 Generalis Assistentem.

Hic vero supplex Te studiosius  
 Submitte nostro barbitos ANGELO:  
 Clangore nec debes inertî  
 Angelicas resonare laudes.

O 4

Vt

320 BENEDICTI à S. IOSEPH  
Vt quisquis olim de Angelico stetit  
Apud misellos nos homines choro,  
Iam templa, jam prompto dicatas  
Obsequio sibi vidit aras.

Vnus Ioannes, qui ex humili suum  
Ornare cultu dum parat Angelum,  
Monetur, ut non ponat ullum  
Angelicæ thymiana sorti.

Sed quis Ioannes? & quis ego? pares  
Natura non fert. Illum Aquilæ vehunt;  
Testudo me portat, Tuusq;

Lenta licet, iubet ire sacris.  
Hetrusca tellus Te meminit suum,  
Romana nunc lux suspicit Angelum,  
Vel inde, quod præsentem quodam  
Intuitu, velut ille primi

Rotator orbis, nunc Asiæ rubras  
Metiris oras, nunc premis Africos  
Narrator orbis, nunc superbas  
Visis adhuc Babylonis arces.

Et Bactra debent historicam Tibi  
Sepulta vitam, quod Tyrus, & Samos,  
Quod Susa, quod Thebæ perito  
Usq; adeo referuntur ore,

Hoc omne docto prodit ab Angelo,  
Hæc est beatæ summa peritiæ;  
Hoc cuncta noscentis stupendum  
Indicium, specimenq; mentis.

BE-

## BENEDICTIO,

Quam Seren. IOANNES III. Rex Poloniarum, dabat unice suæ Filie TERE-  
SIÆ, KUNEGUNDI, dum Seren. ELE-  
CTORI Bavarie desponsata, in viam se  
ad suum Seren. Maritum expediret Varsa-  
viã, die 13. 9vembr. An. 1694. Cujus Be-  
nedictionis, vernaculo idiomate, (ut erat  
super imaginem B. M. V. scripta) tenor  
additur, & in latinum versum transfertur.

*Błogostawieństwo Krolá Iego Mści,  
ná Obrazku Beatissimæ napisané  
Elektorowey Iey Mści w drodze.*

die 13. 9vembr. An. 1694.

**I**Użże tedy szczęśliwie wyjeżdżay iedy-  
nie á serdecznie kochána Corko moia, z  
Domu Rodzicow, y Bráci twoich. Ociec  
Niebieski niech będzie z tobã; ktoremu cię  
oddacie w ręce. W rãny zaś Zbawiciela ná-  
szego niewinne kládę cię: y pod obronę  
Mátki Nayswiętszey iego. Aniofowie SS.  
niech cię strzegã. Pátronowie Krolestwã  
tego, y Domu nášzego niech cię w swoiey

O s

maia

372      BENEDICTI à S. IOSEPH  
mąją opiece : niech ci uproszą dary wszy-  
stkie Duchá Świętego. Y abyś oglądáá Sy-  
nów twoich á Wnuków nąszych. Toć dáię  
pożegnánie żáłośny á serdecznie kocháiący  
Oćiec twoy.

IAN KROL.

ODE L.

ERgo jam fausto mea Nata passu  
De domo pergas Patris, & tuorum  
De sinu Fratrum, Patriæq; charos  
Lingve Penates.  
Sit via fidus socius, Polorum  
Rektor & terræ ; manus illa faustum  
Præbeat ductum, Superum beatos,  
Quæ regit axes.  
Saucium IESU latus innocentis,  
Te cavernoso capiat recessu ;  
Te Redemptoris foveant cavata  
Vulnere Christi.  
Mater & Virgo Tibi cum patrono  
Adsit Ancili ; tueatur ambo  
Te Marianus, solidet Paternum  
Ægide Scutum.  
Perge, securum præeant fideles  
Angeli gressum ; simul insequantur  
Fau-

EPODON LIBER VNUS.

323

Faustitas & Pax, faciantq; tuto  
Currere calle.

Integrum Divos, Lechiæ Patronos,  
Qvos colit Regnum, qvibus & reclinis  
Nostra se totam Domus obseqventi  
Vertice subdit :

Hi, DEUM pro Te pariter precentur ;  
Donet ex illis Tibi qvas sacratum  
Gratias Flamen solet è benigna  
Spargere dextrâ.

Prole sis felix videas nepotum  
Filiôs nostros videas nepotes,  
Hoc vovet mærens Genitor precanti  
Corde IOANNES.



O 6

AD

A D

B E N E D I C T I  
 à S. I O S E P H,  
 S C H O L A R U M P I A R U M,  
 L Y R I C O R U M  
 L I B R O S  
 E R U D I T O R U M V I R O R U M

Pôéticè admodulantium

A M I C I A P P L A U S U S.

A. R. P. P E T R I D V N I N  
 è S O C I E T A T E I E S V,  
 A d L y r a m B e n e d i c t i à S I o s e p h.

O D E.

Q V o u s q̄ p i g r i c o n s c i a n o m i n i s  
 T e s t u d o p e n d e s ? S i d e r i A p o l l i n i s.  
 A p p l a u d e : C A L A S A N T I A N O  
 Q u o d m e r u i t r a d i a r e C æ l o.

L o n g i n q v i o r i v e r u s a m o r m o r a  
 T o r p e r e n e s c i t. G r a n d i a q u i n c a p i t  
 A u g m e n t a a b a n n i s, & s e q u e n t i  
 E t e n e r i s r e v i r e s c i t æ v o.

Q u a l i s p r o f u n d o T i m a c h u s a l v e o  
 I m m e n s u s u n d i s s t a g n a t : a t h î c, u b i

Sor-

AD BENEDICTUM à S. IOSEPH 325

Sortitur ortus, tesqva lambit,  
Et liquidos Rhodopes qverelis  
Ciet lapillos. Infereret suo  
Cùm Te Pòétam Melpomene choro,  
Primiq; vernantem ligarent  
( Mæonij pretium laboris )  
Frontem Corymbi; plausimus Entheo  
Exordienti: Numine qvem suo  
Primasq; Regni, & eruditos  
Vir Proceres memorandus inter  
Fovit benignè: ( qvi sapientium  
Vivit medullis in similes amor )  
OLSZOVIVS, Gnesnæq; mitras  
Pierias meritufq; Lauros.  
Iam grandiore[m] poscit adultior  
Buxus cothurnum. Cogimur in Tuas  
OLOR Pòétarum, Cycneis  
Ad numerum volitare pennis  
Laudes. Apollo es, vertice Pindari  
Dum sinistra pulsas, altior. An Tua  
Sub copioso non laborat.  
( Digna Cedro redimiri & Auro )  
Sententiarum pagina pondere?  
Qvantis superbit carmen honoribus,  
Cùm sanctiores, vel profanas  
Arte togas numerisq; vincis.  
Colit beatis dives adores

Volu-

Volumen Orbis, quo Cracias canis  
 Antistitum vittas, Vavelli  
 Turrigerum gemino cacumen  
 Pro Colle nactus! nec Phrygiæ magis  
 Labore Princeps ardet acis Mitra,  
 Nec fulgurantium renidet  
 Igne frequens magis unionum :  
 Quàm ditiori Calliopes penu  
 Micat metallo! sic ubi cæteris  
 Sylvisq; quæsitâq; Lucis  
 Et nemorum per opaca Daphni  
 Comæ evirescunt: Te melius sacra  
 Inaugurabit tænia Apollini,  
 O magne Musarum Sacerdos  
 Præfuleos recinens Tiaras.  
 Neglecta quòd si buxus ab uncino  
 Pependit olim, vel Periclis jacies  
 Ab ore fulmen, detonante  
 In scelerum malefacta, voce:  
 Vel mitioris consilij arbiter  
 Svades Honestum, cogis ad ardua  
 Virtutis, impigras moveri  
 Eloquio meliore mentes.  
 Te Gandiarum Principis ad pedes  
 Damnata quondam Purpura, BORGIAE  
 Sortita Præconem, Parentis  
 Te minimi Sociorum IESV



AD BENEDICTUM à S. IOSEPH 327

Cætus, renarrant Nomina non rudi  
Ad Orbis aures ac oculos manu  
Porrecta; Te exornant trecenta  
Pieridum BENEDICTE ferta.  
Multiplicatis, nam Tibi gloria  
Currit quadrigis, sive per Exedras  
Orator audiris, bicornes  
Sive jugum fidibus frequentas.  
Fastigiato sunt quibus emicat  
Ab Igne Nomen: Lojoliæ Tibi  
Per sera visendos nutrire  
Sæcla Pyræ poterunt honores.  
Æthæa moles jam minor aspici,  
Sepulta mæret sub cinerum rogo.  
Sed qui Coryphæos celebrant,  
In tenebris jacuere nunquam.

A. R. P. ADALBERTI

BARTOCHOWSKI,

è SOCIETATE IESV.

Ad eandem Lyram Benedicti à S. Ioseph  
Scholarum Piarum.

EPICITHARISMA.

Portenta rerum! Taijgeti juga  
Placent Melampis, Tygribus Africa;  
Delphinus Ægæum, Cythæron  
Vultur amat, Crocodilus Algæ Na-

Natale littus. Non Iepus Insulam,  
 Non Vrsa sylvam, non Libycum Iovem,  
 Non Pardus accusat cubile,  
 Non Leo, non Basiliscus antra,  
 Non cæca Lynces lustra, nec avios  
 Cervi recessus. Quæq; suos amant  
 Feræ penates, nec furores  
 Oceani, & scopulos acutos  
 Balana temnit. Psittacus India  
 Deserta laudat, nec luteam Domum  
 Hirundo declinat, sed altâ  
 Voce canit, celebratq; nidum.  
 Nobis, Poloni, sidera patrij  
 Obscura cæli. Quærimus exteros  
 Orbescq; , Solescq; , & Lycæa,  
 Oceanum trepidante remo,  
 Mirante prorâ : quod digitis tribus  
 A morte ferri nos juvet ultimâ,  
 Et per tot undarum timores,  
 Ludibrium fieri procellis,  
 Pilamq; Ventis. Parcite Sarmatæ,  
 Nam vera pando. Plus placet ultimi  
 Aurora solis, plus remoti  
 Fraga soli, foliumq; Chinæ,  
 Plus cæsa sylvæ Pinus Iberiæ,  
 Plus rapta Floræ Lilia Gallicæ  
 Placent, & (imò saepe) fungus

Quem

AD BENEDICTUM à S. IOSEPH 329

Quem Euboicus properavit hortus;  
 Quàm gemma nostro nata sub Hespero.  
 O quanta labes! Siccine Lechicæ  
 Exhausta Pandora supellex?  
 Siccine pauper ager, Ceresq; ?  
 Heu Sparta felix Civibus aureis,  
 Quàm me Minervæ, quàm miseret Tuæ.  
 Remota laudamus Poloni;  
 Nostra carent decora alta Vate!  
 Nec nos Latinis Vatibus invidum  
 Exclutit ævum. Nos quoq; & arduas  
 Tranare nubes, & Pelorum,  
 Et liquidi super alta Ponti  
 Terga, & Corinthum Calliope dedit  
 Impune ferri, & gemmea novimus  
 Crystalla Mufarum, & recessus,  
 Et vitreos Aganippidum amnes,  
 Phæbiq; colles. Cur tamen, (heu pudor!)  
 Externa Lauro tempora cingimus,  
 Et nostra squallent! Huc Camænæ  
 Ferte rosas, violasq; Cyrrha  
 Laurosq; Cinthi, non popularibus  
 Natas viretis. Singula sæcula  
 Olim Marones, Persiosq;  
 Vix poterant generare. Roma  
 (Non fallor) unum novit Horatium,  
 Vnum Tibullum. Fertilior tibi

O Leche tellus; tot Marones,  
 Tot numerant tua Lustra Vates.  
 Nolo Polonam Castalio Thetim  
 Præferre Ponti. Nolo Lechi juga  
 Æquare Pindo. Te filere  
 Fama vetat, memoreſq; Faſti,  
 Germane Magni Frater Horatij,  
 Devote Muſis à tenero Neſos,  
 Et gemma Cyrrhæ. Digne calo,  
 Digne dapes ſuperûmq; canas  
 Condite metro. Gallicus Hercules  
 Non vult videri, ſeu Latio ſonas  
 Diſertus amni, ſeu Periclis  
 Fulmineo ruis ore tela,  
 Seu Te Menandri, ſeu Senecæ juvat  
 Ferri cothurno, ſeu Lechici tubam  
 Ciere Martis, ſeu Tyaras,  
 Et Craciæ decora alta Mitræ,  
 Seu quando ſacrâ plurimus Exedrâ  
 Fundit pyropoſ ardor, & aurea  
 Depromit affuſas in aures  
 Lojoliæ monumenta Famæ.  
 Qvis Borgianæ Stemmata Gloria,  
 Qvis digna priſco pectora ſæculo,  
 Rarâq; Majeſtate plenum  
 Eloqvium, niveoſq; mores,  
 Qvis eruditæ Palladis Atria,

Qvis

AD BENEDICTUM à S. IOSEPH 331

Qvis docta sacrae limina porticus,  
Ducesq; cantatosq; Reges,  
Æquet Olor Benedicte Vates  
Te præter unum? Plura vetant loqui  
Iurata magnis sæcula Vatibus.  
Adire non potest Tuarum,  
Exiguo mea Musa lembo  
Trophæa laudum. Non bene sustinet  
Parvâ Gigantem, Pumilio manu.  
Non Virga Cedros æquat altas.  
Cedit Eos, veniente Sole.

A. R. P. STANISLAI  
à IESV MARIA  
Clericorum Marianorum Immacula-  
tæ Conceptionis Præpositi.

NE solus Orbem Sarmaticus, lyræ  
Princeps Latinæ, Phæbus obambulet  
Sarbievius, Te illi fidelem  
Et socium, & comitem, faventes  
Dedere Musæ: spes Lechiæ altera;  
Lumen Senatûs grande scholastici,  
Decusq; maximum Piorum,  
Phæbifluens BENEDICTE, Patrû.  
I, Fama quo Te nobilis aureo

Per

Per regna, gentes, evehit esledo ;

Inguumq; Parnassi relinqvens,

Pegaseis stimulus alis :

Vltra superbas collibus arduis

Alpes, & ultra culmina Caucafi,

Excelsa splendidis ab indè

Verticibus ferientis astra.

Latere Musas dedecet, usibus

Castæ iuventæ progenitas. Dij,

Quod semen infudère nobis

Castalium, per aprica spargi,

Voluntq; semper crescere. Dedecet

Occulta prudentes Sapiaentia,

Secreta Virtus æstimatur ;

Scire Tuo cupidi fruuntur.

PETRI FRANCISCI

à Conceptione B.M.V. Secretarij

Generalis Scholarum Piarum.

Ad Lyram Benedicti à S. Ioseph.

O D E,

QVò quò in supremas corripior plagas,

Nec visa motu garrula perpeti,


Raucâ silentem voce monstra

Insolitum cecinisse cogunt ?

Vides

AD BENEDICTUM à S. IOSEPH 333

Vides ut alto vertice prouunt  
 Nutando laurus, carmina carmine  
 Excussa docto, per Polonos  
 Profiliunt magis auçta plausus.  
 Lesboa fregit, (sensimus) àera  
 Testudo, fregit Pierias domos  
 Fontesq̃, Thebanus sacerdos  
 Ipsa suo movet astra plectro.  
 Novus Polonæ jam fidicen lyræ  
 In carmen urget barbiton : ut BENE-  
 DICTVS latinâ concinendo  
 Exhilaret Venusinus arte.  
 Adeste Musæ, Pythagoras suis  
 Cælestis ignis semina fabulis  
 Mutata quæ finxit, Calabro  
 Nunc renovat BENEDICTVS arcu.  
 Hoc Infulatas Cracoviæ Comas  
 Septemq̃ claris gesta trionibus  
 Audivimus, suggesta clamant  
 Et celebres redeunt cothurni.  
 Silete : Sacris junctus oloribus  
 Perstringit aures, flumina Vistulæ  
 Regalis ut mulcet Pœta,  
 Attonito fluit unda passu.



IGNA-

IGNATII à S. STANISLAO

Scholarum Piarum

Ad Lyram Benedicti à S. Ioseph,

Carmen Amicum.

**D**escendet ultro tergoze Pegasi ;  
 Frænosq; reddet Bellerophon tibi ;  
 Ibit pedester , servietq;  
 Ad stapedem Tibi magne Vates.  
 Vos erudita laurea Virgines,  
 Vosserta docto ponite vertici,  
 Vittisq; frontem vincientes,  
 Quæq; suum properet tributum.  
 Arcum, sagittas, tela pœticipis  
 Alata pennas, Calliope tuum  
 Da prima munus ; Tu Thalia  
 Da pharetram docilemq; nervum.  
 Vix ista dixi, vix loquor : alitem  
 Equum lupatis jam premit ocyor  
 Pœta strictis, infidetq;  
 Aligero bene fixus armo:  
 Habetq; plures, qui stadium petant ;  
 Montrentq; metas æmulus æmulo,  
 Gades remotas, impigrisq;  
 Herculeæ scopus est columnæ.

Inter-



AD BENEDICTUM à S. IOSEPH 335

Interq̄ primos primus Horatius  
 Tam concitatis passib. emicat ;  
 Ut nemo jam sit, prævolanti,  
 Qui lyricis pedibus propinquet.  
 Inter sequentùm maxima nominum  
 Exempla, primus, Tu, quasi proflis,  
 Palmamq̄ vèctus tu reportas  
 Pegaſco BENEDICTE dorſo.  
 Sic Rhætiorum tergora montium,  
 Sic confragosi culmina Caucaſi  
 Transcendis, Alpes, & Niphaten,  
 Carpathicas teris & pruinas.  
 Præcurris Euros, vincis & Æolos;  
 Lenes at inter lenis Etesias  
 Fluis, quæ ad aurem muſſitantes,  
 Carminibus tibi colloquuntur.  
 Tibi ipſe docto pulvere gymnades  
 Fervere vidi, noſco ſcholasticas  
 Lauros merentem ; per palæſtras  
 Continui fuimus fodales.  
 Laborioſas vix opulentiùs  
 Vel Hybla dolci paſcit apes thymo,  
 Quàm tu audienti, vel legenti  
 Mellilegus fueras Hymertus.  
 Non fabulatur Græcia comptiùs,  
 Non vera ſcripſit Roma fideliùs,  
 Referre quàm tu pervetuſtos  
 Hiſtoricos, potes ac Pòetas.

Per

Per te locuti dulcia Nestores ;  
 Per te profundi grandia Tullij :  
     In te locutæ sunt Athenæ ;  
     Tu Latio gravis in nitore.  
 Hinc ille stillat de calamo favus,  
 Facundioris flumina copiæ  
     Hinc illa manant, hinc scaturit  
     Castalio tibi versus amne.  
 Quæcunq; dulci nectare diluis  
 Sententiosi fragmina carminis,  
     O quàm profundâ ! quàm tenaci  
     Ambrosiâ madet ille sermo !  
 Horatianum natus ad Aufidum  
 Quasi fuisses, limpidus effluit  
     Sic versus omnis, syllabæq;  
     Sat facili pede se sequuntur.  
 Hæc sunt profanæ dogmata gloriæ :  
 Ecclesiasten, qui volet, audiat ;  
     Dicetq; , vix aurum locutos  
     Chryologos, aliter docere.  
 Beata quæ tu rostra disertior  
 Intras Pericles, percita fervidis  
     Vbi figuris, & troporum  
     Luminibus tua lingua fervet.  
 Armata sacris verba tonitruis,  
 Ardensq; docta fulgur ab exedra

AD BENEDICTUM à S. IOSEPH 337

Permulcet aures, & modestis

Fulminibus quatit omne pectus.

Hinc illa mæstis nubila mentibus

Surgunt, & imbres largiùs eliquant

Plenæ doloris, lachrymisq̃

Exsiliunt oculis procellæ.

Si stringis aurem svaviloquentiâ,

Non verba dicis, sed fluit aureo

Catena nexu; quæ deserto

Circuitu ligat audientes.

Vtcunq̃ dicis, non ita perstrepis;

Velut qui inanem verberat æera;

Sclopoq̃ ventos, & crepantes

Absq̃ globo jaculatur auras.

Ad usq̃ fibras pectora conficis:

Quodcunq̃ Svadæ de pharetra tuæ

Telum vibrâsti, nullus exit

Innocuus sine cordis ictu.

Et inde tanti fidere nominis

Apex relucens nescit in abditis

Latere, nescit gloriosum

Se tenebris sepelire nomen.

OLSZOVIANIS inde favoribus,

Primiq̃ Regni Principis aulicam

Colis Pœsim, gratiosus

Præsuleo lateri Pœta.

Cracoviensi tu MALACHOVIO

P

Quæ-

Quædam voluptas : Infula te tua

Episcoporum, ex laureato,

Aût lyricò, facit infulatum.

Viden. ? ut omnes prævalet hæc tua,

Hæc una famæ meta scholasticæ ;

Hæc præ trecentis, hæc lucrandi

Est methodus melior favoris.

Sudata multo sanguine gloria,

Inventa duris fama laboribus

Horam manebit ; cûi per annos

Ingenuæ studuere mentes.

Vbi ille tantus claviger Hercules ?

Vbi illa tandem Martia numina,

Drusi, Camilli, vel Metelli ?

Cum Fabijs ubi Scipiones ?

Nec istud esset, quòd fuerint, palam ;

Ni penna vindex pulvere conditos

Exfuscitaret, ni sepultis

Illa suos revocaret annos.

Quæcunq; mundus, seu diademata,

Ducum coronas, seu cõlit Infulas,

His se coronat mors, & omne

In tumultum caput ire cogit.

Nunquam cupressis tempora laureo

Induta cultu, strinxit inertibus

Mors dira, nunquam vel Minervæ

Diripuit Libitina sertum.

Oblivioso fata silentio  
 Audita latè nomina suppressimunt ;  
 Plaususq; cessant, & sonora  
 Absq; tubis siluère laudes.  
 Et tu tacebis, garrula cum tuis  
 Sed fama scriptis differet, & licet  
 Iam lingua torpebit, filere  
 Non poterit liber hic superstes.

## DOMINICI

à S. Thoma Aquinate, Schol. Piarū,

Ad Lynam Benedicti à S. Ioseph,

Amicus Accentus.

Semper pruinæ pulchrius albicant  
 Atrata circum stagna Mæotidis,  
 Corvos & inter nigricantes  
 Stat niveus sine labe cygnus.  
 Gemmis quid obstant, quidvè corallijs  
 Petrosa celsi fragmina Caucaji ?  
 Abiectus inter saxa pulchro  
 Est adamas pretiosus igne.  
 Regina florum quàm bene purpuram  
 Evolvit arctis vepribus obsita !  
 Nec pugiones carduorum  
 Liligeris nocuère campis.

Phæbo quid unquam scorpius obfuit?

Cancer bifulcâ forfice pertinax

Claro Phaneti non totondit

Aurifluos sine lege cirros.

Vibratus inter murmura nubium

Splendor corusci fulguris emicat,

Opacâ nimborum procellâ

Fulminei rutilant nitores.

Et lux diei nocte puerperâ

Prognata crescit, filia candida

Matris tenebrofæ, sub umbra

Fax meliùs jaculatur ignes.

Et Te calentem fortiter Entheo

Pòéfis almæ Parrhafis algida

Inter pruinas educavit

Sarmatico BÈNEDICTE cælo.

Eheu stupendum! flamma sub Arctico

Polo coruscans fortè Trinacria

Incude major, major Æthnâ

Sub gelido radiavit axe.

Perustus ardet fons Aganippidum,

Focoq; largis evomit alveis

Tantos ad æstus credat orbis

Castalij tenuantur amnes.

Pro lacte pastus Nectaris Attici

Succo videris; proq; crepundjs

Laurus Tibi fuère suaves

AD BENEDICTUM à S. IOSEPH 341

Qvas digiti tenuère parvi.  
Reptare lentis pufio gressibus  
Necdum sciebas, jamq; Pòéticos  
Dextrè pedes formare nôsti,  
Magnifico gradiens cothurno.  
Thalia nutrix ipsa Tibi fuit ;  
Stravère cunas Pieridum manus,  
Tibi canentes fasciato  
In gerulas abière Musæ.  
Si quando tangis carmine sidera,  
Eous, Æthen & Pyrôis celer  
Phlegonq; Phæbei jugales  
Ad numeros salière plectri.  
Velociori trûditur impetu  
Raptus polorum,, sphæra volubilis  
In mille circulos reflexa  
Ad cytharæ modulos oberrat.  
Si doctiori pectine cærule  
Describis alti marmora Nerei,  
Cadunt procellæ, murmur omne  
Composuit taciturnus amnis.  
Non jam per undas mellea diffluit  
Dulcedò vocis, qvam dedit aureo  
Ab ore Syren, palpitantes  
Iamq; timent resonare conchis,  
Tritones; unus Tu superas Lyrâ  
Omnes, nec audent æqvore verticem

Proferre, suffusos pudore  
 Antè Tuum pudet ire vultum.  
 Si fortè, metris exprimis aëra,  
 Ad svavioris sinistra melodiæ  
 Tacent alaudæ, præsecatqve  
 Dulcisonos philomela cantus.  
 Si detonantem grandine ferreâ  
 Canis Gradivum, mox litui silent,  
 Tormenta compefcunt boatûs,  
 Fulmineo gravidata partu.  
 Vix non liqvatus stillat ad igneos  
 Sermonis æstus in galea chalybs,  
 Mollitus & mucro tepescit,  
 Atq; rigens adamante Mavors.  
 Qvod si curules vel diademata  
 Versu recenset, pulchrius emicat  
 Virens smaragdus, candicantes  
 Gemma nives melius per aurum  
 Diffundit; ô quàm pulchrius æstuat  
 Fulvis obryzum decolor ignibus?  
 Magis pyropus erubescit,  
 Sidonio radians in ostro.  
 Vocalis Echo per CALASANTIOS  
 Sonat recessus, Famaq; buccinas  
 Fatigat in Tuæ Camænæ  
 Emeritos rûiturâ plausus.  
 Et Infulati dant Tibi Vertices



AD BENEDICTUM à S. IOSEPH 343

Plausum Pœtæ, mille panegyres  
Dat MALACHOVIVS, foventq̃  
OLSZOVVII cineres in urna  
Flammas amoris, quo Tua dogmata  
Et doctioris regna scientiæ  
Semper colebat, tot corymbos  
Laurigeræ cumulando fronti.  
OLSZOVIANIS FALCIBVS aureæ  
Demessuisti Gargara gloriae,  
Hinc mille laudum stant manûpli,  
Inde graves fluitant aristæ  
Honoris alti, vel reverentiæ  
Primatialis; quam Tibi detulit  
Culmen Tiaræ, dum seqvacem  
Te propriæ retinebat aulæ.  
Qvem Culma celsis auxit honoribus,  
Suspexit in Te candidus indolem  
Ætate cygnus SZCZVKA, summam  
In calamo veneratus artem.  
Qvos uniones addidit Infusæ  
Cracoviensi, gemmifer ingenî  
Ganges Tui, tot margaritas  
Vix numerant Orientis undæ.  
Arcana cordis nectare dulcius  
Imbuta lactat charta Pœtico,  
Camæna suavior legenti  
Non fatiat repetita mentem.

Quis ille fervor? rostra calentibus  
 Dum sacra verbis oreq; detonant  
 Tuo, Pericles alter audis

Grandiloqvo resonans fragore.

Finduntur alto pectora vulnere,  
 Cordis resultant Acrocerania,

Duraqve cautes, malleante

Disiliunt trèpidantq; dicto.

Delubra Divùm marmor, & aurèa  
 Templi supellex, non secus ac forent  
 Aurita, maximè stupefcunt

Mellifluæ documenta lingvæ.

Non tam tenaci compede fragmina  
 Ferrata, magnes fortior attrahit,

Nunquam potentiùs rapaci

Arte levat stipulas electrum:

Quàm Tu stupendo mentis acumine  
 Trahis potenter corda per improbos

Raptata nævos, & ruentem

In salebras vitij catervam.

Attinge celfo sidera vertice;

Transcende stellas, hïc Tua personet

Buxus canorè, quò faventes

Luce chelyn posuère Divi.

Tuum Favonî nomen in ultimam

Thulen reportent, hoc Tibi Ternio

Fraternus exoptat, vovetq;

Relligio CALASANTIANA. Ven-

AD BENEDICTUM à S. IOSEPH 349

VENCESLAI  
à S. Francisco Scholarum Piarum,

Ad Musam Benedicti à S. Ioseph,

Amicus versus.

**E**Visceratos India findere  
Montes avaris docta ligonibus;  
Opumq; solers ex profundis  
Quidquid Arabs habuit fodinis:  
Quidquid per amnes Lydia gemmeos  
Piscata, multo sanore vendidit;  
Pactolus effert quidquid auri,  
Quidquid adhuc tegit & Lycormas;  
Id omne censu ditior ingeni  
Minerva vincit: divite ditior  
Apollo Pluto: Musa dives  
Mygdonium licet absit aurum.  
Mens erudito vertice condita,  
Riphæus est mons, mons velut aureus,  
Qvâ literato cum labore  
Eruimus pretiosa quæq;  
O quàm profundè tu fodis aureas  
Artis medullas, in sapientiæ  
Scrutator antris, doctiori  
Dum calamo BENEDICTE fudas!

P 5

Hinc

Hinc aureorum fragmina sensuum ;  
Sententiosi carminis hinc nitor ;

Verbum Latinas omne præfert  
Divitias ; sonat & valorem.

Auri fodinas has colis impjger ,  
Quibus profundæ fons sapientiæ

Manans refuso perspicacis  
Ingenij vehit amne merces.

Non sic ab ipsis deciduus jugis  
Ex Noricarum rupibus Alpium

Se volvit Ister, per repulfas  
Ire potens sinuosus omnes.

Non sic ab alto lapsa cacumine  
Fluenta surgunt, mentis acumine

Vt orta, vasti se refundunt  
Eridani vada docta more.

Non sic procellis spumat in aureis  
Tagus relinqvens margine divites

Vtroq; ripas, non Hydaspes  
Gemmifero spatiatu amne.

Argenteorum gurgite fluctuum  
Tot Hermus adfert vix opulentias,

Quot fert profundis eruditas  
Marginibus Tua Svada gazas.

Non uniones tot tulit India,  
Fæcunda non tot Creta corallijs,

Quot margaritas, quot smaragdos  
Quot

AD BENEDICTUM à S. IOSEPH. 347

Quot teretes loqueris pyropos.  
Fandi facultas svaviloquentibus  
Rotunda membris; fervidus eloqvî  
Quis ille fulgor? verba non sunt,  
Sed potiùs pretiosa docto  
Electra formas ore, quibus novus  
Theſaurus extat; non aliter, velut  
Ex ditiori ærario, ſat  
Grande decus pretiumq; crescit.  
Hac arte Vates hocce peculio  
In poſteriorum ſæcula temporum  
Enundinaberis perenne  
Ipſe Tibi BENEDICTE nomen.

P E T R I ab Aſſumpt. B. M. V.  
Scholarum Piarum,

Ad Lyram Benedicî à S. Ioseph.

O D E.

ET nonnè tandem ſqvallida triſtibus  
Vmbris recedes nox fera? nubilum  
Quæ mittis aſtrum, Mariano  
Quæ rigidas facis Orbe noſtes.  
Qvid fama pulchris deſſua paſſibus  
Vicina non ſtat, quid CALASANTIOS  
Monſtrare dedignatur ortus  
Aerijs agitata pennis? Ergo

Ergo decoræ nescia gloriæ

Damnanda cæcis Relligio locis?

Ignara nativi nitōris

Ergo suas aget inter umbras?

Hæc, quam perennis plausus in ultimos

Portare fines debuit, abditis

Fatiscet in cunis, coruscâ

Nec poterit radiare luce?

Abscedat umbris æthra ferocior,

Nec clara pulchræ stemmata gloriæ

Obnubat ultrâ, cùm nitentes

Parturiat Pia turba Soles.

Dixi: serenis cùm mihi nubibus

Apparet arcus, qui bene nobiles

Evibrat & faces, & ignes

Luciferas referens ad arces:

Hic ille fufis arcus in ignibus

Splendescis, ex qvō fulgor ad ultimos

Descendit orbes, ille clares,

Ille micas **BENEDICTE** Titan.

Accendis alti lumina nominis,

Quæ spectet orbis Lechicus, & nova

Vt quisq; spectet aucta luce,

Gesta legat numeretq; laudes.

Dixisse vatem falsa, nec arguent

Anni sequentes, vidi ego nobilis

Decora famæ, Mariano

Te

AD BENEDICTUM à S. IOSEPH 349

Te duce cuncta venire mundo.  
Adhuc juvenus tempora florido  
Pingebat ævo, pectore cum tuo,  
Et Phæbus, & Musæ calentes,  
Attonitos rapuere vultus  
Orbis Poloni; cordaq; Principum  
Illecta svavis carmine barbati  
Aulas honesti recreabant  
Voce lyræ, calamoq; Vatis.  
Gavisus ortum tunc CALASANTIO  
Titana vivens OLSZOVIVS polo,  
Cui pectus in sphæram reclusit  
Corde fovens tenerum Pœtam.  
Sic Phæbe clares, sidere sic Tuo  
Pijs refulges, sic Tua Præsuli  
Buxus placebat; sic in ævum  
Viva micæ BENEDICTE flamma.  
Nunc evibratos arcubus in Tuis  
Spectamus ignes, Deliacò nites  
Splendore gratus. Seû modestâ  
Te cupias sepelire nube:  
Te fama prodit: post licet ultimi  
Latere tentes culmina Carpathi;  
Latere non potes, perenne  
Musa cui recitabit jo.  
Vbiq; Virtus sole serenior  
Inter micantis lumina gloriæ,

Lippi-

Lippire nativum decorem  
 Fert animo minùs æquiore.  
 Sed se potenti promovet impetu,  
 Cælo cadentis fulminis in modum,  
 Vmbrisq; pulsis, in serenas  
 Se validè movet ultrò luces.  
 Quam nec vibrato vertice celsior  
 Abscondit Hæmus, nec juba tetrici  
 Obvelet. O Etæ, nec refuso  
 Sufficiant operire crine  
 Soli minantis culmina Caucasi  
 Nec mille major Musa decempedis  
 Obnubilet, quam gloriosis  
 Semper honos comitatur alis.  
 Non eminentum Te juga montium  
 Æterna celent lux CALASANTII  
 Cæli, Mariano perennis  
 Stella nitens rutilis in orbe.  
 Splendesce felix, promeritis, precor,  
 Te Diva virtus lustret honoribus,  
 Quem Roma, quem cuncti triones,  
 Quem superæ venerentur arces.  
 Splendesce cuncto tempore fulgidus  
 Splendesce mundo, qui reparas dies  
 Classi Piorum; sic coruscans  
 Astra poli referaris inter.



Ad Lyram  
 B E N E D I C T I  
 à S. IOSEPH,  
 PAULI à S. P E T R O

Lyrica admodulatio.

Q Vis me tollit in àera,  
 Qvò venti rapiunt, aurâq; præpetem  
 Qvo defert? medias levis  
 Nubes pervolito. Iam mihi devia  
 Cedunt culmina montium,  
 Lingvo nubiferi jam juga Carpathi  
 Præpes, regnâq; Sarmatùm  
 Abscedunt volucris, jam mihi regiæ  
 Turres, jamq; abeunt Craci  
 Erecta ex Pario Pergama marmore,  
 Viles & populi casæ.  
 Proceras nemorum transfilio domos,  
 Sylvarum fluitantia  
 Scando colla super, raptus ab impetu,  
 Per prærupta, per ardua  
 Sublimi volucris tollor, anhelitu.  
 Percq; undas rapidi Tyræ,  
 Pergo per refugi flumina Vistulæ,  
 Inflexumq; Borysthenem,  
 Ultra

Ultra Danubium provehor impetu,  
 Ultra flumina Nerei,  
 Et Ponti tremulos turbine gurgites.  
 Tandem Pierij celer  
 Parnassi in bifido sisto cacumine ?  
 Pindi laurigerum caput  
 Scando, Castalius fons ubi garrulo  
 Currens murmure volvitur.  
 Num rerum dubia ludor imagine ?  
 Fallax num species tenet  
 Errantem ? roseus Cynthus hic sedet  
 Pulsans pectine barbiton,  
 Cingit fatidicum Castalidum chorus,  
 Circumstant comites novem,  
 Adstant Argolico climate proflui  
 Vates, Romaq; quos dedit,  
 Convexusq; tulit quos globus ætheris,  
 Cuncti tempora vincunt,  
 Præcinguntq; comam, fertaq; laurea  
 Imponunt capiti Tuo  
 Illustris gremij lux CALASANTII.

STANISLAI à S. SEBASTIANO  
 Scholarum Piarum.

Ad Lyram Benedicti à S. Ioseph,

O D E.

Qvæ

AD BENEDICTUM à S. IOSEPH 353

QVæ scena! Musæ Castalium mare  
 Linqvunt, Apollo culmina deserit  
 Cynthi, volando, qvò trahuntur  
 Voce Tui BENEDICTE plectri?  
 Phœbus nepotem Te celebrat suum;  
 Fratremq; castæ Pierides colunt,  
 Apollo dat lauros, Sorores  
 Serta parant Lechico Pòetæ.  
 Tacere sacrum Numina barbiton  
 Iubent, & arctant ora silentio,  
 Dum clara per colles Piorum  
 Echo Tuæ resonat Camænæ.  
 Parnassus alto vertice subfilit,  
 Tui vocatus carmine pectinis;  
 Et qvæ nec Orphei canentis  
 Fila seqvi voluit, superbis  
 Thebana quando mania turribus  
 Cingebat: ultrò volvitur ad Tuas  
 O Cygne plantas, Teq; solum  
 Ferre jugo fatagit bicolli.  
 Atro sepultum marmore Horatij  
 Thalia tollit de tumulo caput,  
 Adoret ut pronus; qvòd ejus  
 Plectra mori patiare nunqvam.  
 Nam Musâ qvòd non vatis Horatij  
 Situ vetusti mortua temporis  
 Pennâ seqvaci præstitistis

Sarma-

Sarmatici Lyrices Magistri.  
 Argutus olim Flaccè tuam dedit  
 Orbi Polono Sarbievius Iyram,  
 Quam Phæbus obtulit fovendam  
 Arte, manu, studio, labore  
 Vati Piorum. Qvi CALASANTIA  
 In rupe ludens, nunc diademata  
 Regum serenat, nunc Curules,  
 Præsuleis modò digna Vittis  
 Fundit diserto carmina pectore;  
 Ostrumq; pingit flore Pòetico,  
 Ducumq; gestis, Principumq;  
 Dat meritas Charites tiaris.  
 O quot cruenti Martis in area  
 Per æstuantem sanguine Nercum  
 Fortuna jactans, à beato  
 Discupijt Latio decoræ  
 Arcere laudis! nec meritâ caput  
 Lauro volebat cingere Zoilus.  
 Livor, triumphales Gradivi  
 Nocte premens rigidâ colossos.  
 Sed Tu Polonos Annibales nigro  
 Oblivionis carcere, posthumis  
 Annis colendos vindicâsti  
 Docte Maro, redivive Silli.  
 Non unus Hector Sarmaticus Tuo  
 Vitam perennem sumit ab entheo,

Non

AD BENEDICTUM à S. IOSEPH 355

Non unus Ajax, Te favente,  
Morte caret, quia vate gaudet.  
Dum bella scribis, pagina Noricum  
Induta ferrum, pugnat in hosticos  
Lethi furores, ne Lecheam  
Fata queant tumulare famam.  
Hinc clara docto nomina lumine  
Ecquæ nefasto funere nubila  
Sepulta reddent? quæ serenās  
Deliaco rutilans Planetâ.  
Quis gratiori fidere Craciæ  
Arrisit unquam Phosphorus Insulæ?  
Quæ gemma MALACHOVIANA  
Fronte potest melius nitere?  
Quàm de profundo flumine Palladis  
Collecta per Te; lumina Præsuli  
Hæc sola clarent, quæ fideli  
Phæbe dabas BENEDICTE pennâ.  
O quanta fulget gloria Cathedris;  
Quas Tu coronas! seu pius exedris  
Audire Rhetor, seu Scholarum  
Rostra premis vigilans Magister:  
Vbiq; pleno depluis æqvore  
Gemmas, vel acri fulmina Tullij  
Sermone fundis, & Iugurthas  
Confodiens, & amica recto  
Gemmis adornans pectora; fertili

Qvi-

Qviviſt honeſti ſemine pullulat,  
 Ab oſe qvem Tuo reſultans  
 Neſtareo rigat amne Svada.  
 Illa illa verò turba rebellium  
 Ferox Gigantum, quæ vitijſ graves  
 Attollit Ætnas, ad Charontis  
 Antra Tuo ruit ic̄ta telo.  
 Python ſceleſtus ſentit Apollinem,  
 Meduſa ſentit Te ſibi Perſeum  
 Inſtare, qui non Martè, verùm  
 Arte domas ſcelerum phalanges.  
 Exinde laudis creſcit adorea,  
 Creſcunt honores, invida quos Tibi  
 Non tollet ætas; nam perenne  
 Docta viret pietas in ævum.

## PAVLINI à S. ANDREA

Scholarum Piarum,  
 Ad Iyram Benediſti à S. Iofeph,  
 O D E.

Quidquammè mundo parturijt parens  
 Natura rerum? dente ferociùs  
 Quod non vetuſto, oblivionis  
 Præcipites cadat in ruinas?  
 Squallent profundas obruta plurium  
 Paſſim per urnas buſta, nec inclyta

Qvis

AD BENEDICTUM à S. JOSEPH 357

Quis novit acta, claruisse

Vixq; sequens retinebit ætas.

Credisne? tandem victima tristibus

Prodimus omnes terrigenæ dijs;

Parendo fatis, destinati

In vacuas remeamus umbras.

Multos iniquæ non tamen impetus

Hic fortis urget, non quoq; detrahunt

Annis sorores, nonq;volvunt

Fila retro sua sæpe Parcæ.

Depressa docti marmore conditur

Non mortuali gloria; stat super

Labantis inconcussa mundi

Damna, gravi cilio verenda.

Determinati nescia limitis,

Scandit minacis nubibus obvios

Clivos Olympi, gloriantem

Herculeis Abylam trophæis.

Non tam superbis atria postibus,

Non tam vetusto turgida stemmate

Protensa surgunt, quin remotas

Fama queat superare Gades.

Sic non inanis jam Tibi nuncius

Rumor per orbem currere spargitur

Ex hinc sequentis lustra sææli,

Nestoreos BENEDICTE menses.

Quidquid disertâ compositum Tibi

Musâ,

Musâ, stupenda mole, perennibus  
 Durabit annis, ut labore  
 Pierio celebreris orbi ;  
 Astris propinquus vertice pendulis  
 Pindus resultet, multoties suâ  
 Lauro revinctum, vel sagittis  
 Palladiæ pharetræ videbit.  
 Post jam secundis auribus influes,  
 Mentis tenebis, cordaq; vincies,  
 Cantare solus audieris  
 Signa ducum, populiq; facta.

## MAVRITII à S. IOSEPH

Scholarum Piarum,

Ad lyram Benedicti à S. Ioseph.

O D E.

**C**ommenta sunt hæc ; sola quòd edidit  
 Latona doctum mater Apollinem ;  
 Commenta sunt, quòd educatus,  
 In Clarijs sit Apollo cunis.

Commenta sunt hæc : Sarmaticum parit  
 Et clima Vates, fatidicâ quoq;  
 Figmenta præter, & Polonus  
 Progenie Pater audit Orbis.

Vt quid remotis partibus, abditæ  
 Per antra Cyrrhæ, seu per inhospitos  
 Thymbræ recessus, sumptuoso  
 Phociadum simulata scalpro.

De



AD BENEDICTUM à S. IOSEPH 359

Delubra quæram? si mihi verior

Iam non inani nomine Delij

Idea vatis, & verendum

Prototypon BENEDICTE vivas.

Heu quanta summis Sarmatico super

Sita coruscat flamma caloribus!

Cæloq; confines sub axe

Tam gelido jaculatur ignes.

Huc augurantem Numina spiritum

Fudere totum, vel prius amnibus

In eruditis balneandum

Te potius BENEDICTE Musæ

Sumpsêre, primos sterneret anteqvam

Diana pannos, Te prius Enthei

Enutriendum lacte, molles

Thespiadum peperêre cunæ.

Quidquamnè vastis in penetralibus,

Et doctiori condidit in sinu

Minerva Mater gratiarum

Quid gremio sinuavit alto?

Quod non redundet fusiùs integris

In Te fluentis? hinc velut aureo

Scaturit ore Tullianus,

Aonius scatet inde compto

Aptoq; fluxu sermo, liquèntia

Sic mella spargens, non aliter, fores

Hos primus inter, quos vetustæ

Thebaidos numeravit ordo

In-

Inusitatus, quosq; vel insequens  
 Notabit ætas; nî quoq; Pindaro  
 Auferre palmam censearis

Cum titulo meliore Vates.

Vel hinc tumescet forsitan arduo  
 Thebanus ausu? si prope porticum

Regalis aulae palliatus

Constiterit, fabricatus arte

Atheniensi? major an audiet

Exinde multis? si sibi Regios

Vis culta dicendi favores

Contulerit meruisse quondam.

Sed ista quid sunt? si memorem quibus

Grandes avito Nomine Principes

Sub gratiarum Te, Tuamq;

Auspicijs coluere Musam.

Suspexit illam non sine maximo

Favore Princeps OLSZOVIVS Tuus,

Et ne deesset præmiatrix

Præfuleis manus ampla donis

Tanto Pòetæ, Te lateri suo

Aulæq; junxit, quem velut alterum

Vrbanus alter, laureatum

Efficeret citius Pòetam.

Quid est? quòd unam nonnisi Pindarus

Servasset Urbem, cùm Lacedæmona

Desavientem, seu cruentos

(Dum Patrijs truculentus Aris

In-

AD BENEDICTUM à S. IOSEPH 301

Instaret hostis) sopijt impetus

Vt plura vitæ tempora Civibus

Donaret unus, & Paterno

Incolumi referaret annos

Solo secundos; non ideo tamen

Hæc prorogârunt sæcula posthumis

Volvenda fastis, nec futuris

Temporibus recitanda restant,

Quæ nôrit orbis quæq; perennibus

Notentur actis omnia funebri

Absorpta fato, cuncta pridem

Inmemori cinerata busto.

Iam verò quantis Nomina terminis

Tot celsa, per Te non populariter

Protracta vivent, vel rapaci

Nuaquam aliàs peritura fato.

An non superstes gloria Præfulum

Cracoviensi vivet in Insula

Hucusq; semper? nec sagaci

Per senium titubante mundo

Labentur unquam, quos Tua paginis

Insculpfit amplis penna, nepotibus

Servans secuturis, eodem

Tuq; simul BENEDICTE vives

Plausu canendus: Te CALASANTII

Fasti loquentur, seu recinant probæ

Exempla vitæ, seu Tuorum

Q

Com-

Commemorent seriem laborum,  
 Quos illa semper sedulitas tulit,  
 Nunquam fatiscens: undiq; grandium  
 Ex parte quavis pullulabit  
 Materies operosa laudum.  
 Vel ipse tanti Nominis infimus  
 Vivam libenter cultor, & ultimam  
 Adusq; vitam filialis  
 Vivo memor, moriarq;, pensi.


---


 F. R. A. I. A.

Quædam typographus, quædam admisi  
 ego; utraq; in secunda editione, utpote  
 jam bene revisa corrigentur, modo conde-  
 nata utriq; sunt.



dmifi  
pote  
ndo-





Doctor

Joseph

Zanichelli



✻ KSIĘGARNIA ✻

ANTYKWARIAT



309970

F

stdr0016224



Biblioteka Jagiellońska

35

